




H ~~K~~

^o
C. 34. f:

(20)

H. g. 34






Franciscus

COMMEN

TARIÛ GALEACIÛ CAPELLÆ,
de rebus gestis, pro restitutione
Francisci II. Mediolanēſium Du
cis, nuper ab ipſo auctore re
cogniti, & antea impreſſis
emendatiores.



Haganoræ M. D. XXXV.

Imptus Parisij 1592. lib. 1½. D. Copt.

Caſſ. S. M. C. B.

Diagona



Handwritten text at the bottom of the page, possibly a signature or date, including the word "Mortu" and "1717".

GALEACII

CAPELLÆ AD ILLVSTRIS

simum Franciscum. II. Mediolanen-

sim Ducem, in Commenta-

rios de rebus gestis, pro

eius restitutione,

Præfatio.



X IIS, QVI LI

terarum studio famā

adsecuti sunt, non-

nulli idcirco a scribe-

da historia abstinue-

re, aut q̄ antea tracta-

ta aggredi, & ex alie

no labore nomen sibi quærere parum lau-

dis esse ducerent: aut q̄ de temporum suo-

rum rebus opus contexere, arbitrabantur

non eius esse, qui ita uitam instituisset, ut cu-

peret prodesse q̄ plurimis, lædere autē ne-minem uellet: cum omni tempore Teren-tianum illud ipso uero uerius fuerit, Obse-quium amicos, ueritas odium parit. Alij

autem minus ea ex causa deterriti, ne do-

mesticis, & proximis in enafranda rerum

ueritate displicerent, externa sectati sunt, &

P R Æ F A T I O :

pro certis sæpenumero incerta literis tradi-
derūt. Quod cū maximè ab eo, qui scriptis
suis fidem adhiberi cupiat, fugiendum ipse
censerem, nec quæ aut alibi, aut iam pridē
euenerūt, referre, nec ea quibus iterfuissem,
tacere æquum ducerem: nihil magis cura-
ui, quàm ut hiscē in libris, quibus res gestas pro
tua restitutione, Princeps Illustrissime, com-
plexus sum, nullius honori aut famæ detra-
herem. Et quamuis hæc eadem ab alijs &
copiosius & cultius scriptum iri existimē:
tamen a me præcipuè memoriæ tradenda
esse censui, quia dum armis disceptaretur,
quodnam ius in Mediolanensi ditione po-
tius sit: uel tuum, quod auita primum uirtu-
te partū, mox Maximiliani, & Caroli Cæ-
saris diplomate roboratum est: uel Fran-
cisci Galliarum Regis, qui Valentinae Vice
comitis proauia hæreditate, Pontificis au-
ctoritate, ac ipsius Maximiliani literis ful-
tus erat, mihi tuas parteis sequuto, & Hie-
ronymo Morono legato tuo domi, forisquē
operam ab epistolis præstāū multa audire,
ad diuersos principes scribere, atque uidere
contigit: quæ alijs fortasse incertis rumori-
bus iactata secus scribent. Atque ob id ipse
ero partior, quàm nec ijs omnibus, quæ eodem
tempore diuersis in locis interdū gereban-
tur,

tur, uni licuit interesse: & mihi, q̄ te, tuosq̄
 secutus sum, minus aduersariorū consilia
 aliquando nota fuere. Adde, q̄ omnia in
 prælijs strenuè facta singulatim referre, quæ
 nec ipsi quidem duces scire possunt, ho-
 minis est intemperanter abutentis eorum
 ocio, qui hæc legere nō aspersiontur. Quo
 circa mihi satis esse decreueram summatim
 ab initio eius belli, quod Léo X. Pont.
 Max. contra Gallos gessit, usque ad reda-
 ctum in Cæsaris potestatem Mediolanen-
 se imperium; res gestas literis mandare:
 quoniam bellis undique postea gliscenti-
bustutum aliquem secessum quærens e pa-
 tria discessi, tum quod quietioribus tem-
 poribus (si Dñj permisissent) superesse tu-
 piebam, tum etiam quod tam diuturnas
 calamitates insequutas audire malui quam
 uidere. Verum ubi quasi postliminio tan-
 dem redij, ac rerum postmodum in Insu-
 brijs gestarum ex nonnullis, qui inter-
 fuere, clarius intellexi seriem: pro mea in
 te obseruantia, & studio deesse non potui,
 quin ea etiam explicarem, quæ adeo iu-
 stam causam tuam effecerunt apud om-
 nis Europæ principes, ut non solum sum-
 mus Pontifex, Henricus Angliæ Rex, Ve-
 neta & Florentina Respublica, sed ipse etiam

PRÆFATIO.

am Galliarum Rex, antea infensissimus arma tuæ defensionis causa, magna cum suorum iactura & sumptu prope incredibili sumere non abnuerint: neque prius abiecerint, quam patefactis æmulorum tuorum calumnijs mitiora consilia haud aspernatus Carolus Cæsar te Mediolanensibus suis reddiderit. Quibus tanto optatior extitisti, quanto post abscessum tuum omnia magis aduersa perpeffi, non nisi te restituto meliorem fortunam sperabant.

GALEACII

CAPELLÆ DE REBUS

gestis, pro restitutione Francisci.

II. Mediolanensium Du
cis Liber Primus.



OST ADE
ptam a Franci
sco Galliarū Re
ge Mediolanen
sem ditionem,
bella iā aliquot
annos in Italia
cessauerant, nec
quisq; ex Italis

Principibus iustam nouarum rerum cau
sam habere uidebatur. Nā in primis Leo
Pontifex, qui suo imperio Vrbīnū: eiecto
Duce addiderat, non habebat, quod ulte
rius ullo iure tentaret. Carolum etiā hu
ius nominis Quintum, Ro. Imp. rebus suis
in Hispania, Germaniāq; nondum consti
tutis, nihil præter Neapolitanum regnum
in Italia curare pleriq; existimabant. Vene
tos Gallo coniūxerat fœdus arctissimum,
& ob Brixia, Veronāq; paulo ante elus au
xilio receptas Regi decebat esse addictissimā

mos. Florētini Romani Pont. nutu statum Reip. moderantes, nihil agebant præter illius arbitrium. Genua Regis auspicijs nitebatur. In Lucensibus, Senensibus, & in Federico Gonzaga, qui Mantuæ dominabatur, plus erat timoris, ne potentiores principes aliquid aduersum sese molirentur, quàm ut ipsi quidpiam auderēt innouare. Vnus tantum in Italia Alphonsus Estensis, Ferrariensium dux ademptis per Ecclesiæ potentiam duabus urbibus: Mutina, & Regio Lepidi, malè erga Pontificem animatus existimabatur, sed tamen non desperabat, quin Regis opibus (quippe qui Gallici nominis semper studiosissimus fuerat) oblata occasione esset aliquando amissa recuperaturus: & propterea cum Pontifice dolorem dissimulabat. In Italiæ autem finibus, iam aliquot annos Tridenti agebat Franciscus Sfortia, Lodouici Mediolanensium olim Ducis filius: qui haud mediocres à Gallo cōditiones sæpe oblata aspernatus, nulla unquā temporum, aut fortunæ iniquitate adduci potuit, ut ius suum illi cederet, quin pro eius recuperatiōe uaria iam dudū consilia animo uoluens externorū, Italorumque principum auxilia, non cessabat implorare. Quod & si Gallus antea timuisset, tamen iam metuere desierat, ob fœd^o cū Helueticis
nuper

nuper initū: quibus adiunctis reliquarum gentium arma sibi formidanda esse nō cenſebat. Atq; iſ erat Italiæ ſtatus anno à Natali Chriſtiano XXI, ſupra M. D. cum Carolus Cæſar iuſtam belli cauſam aduerſus Gallum ſe habere arbitratus, q̃ ipſum auctorem armorum per id tempus in Leodium ciuitatem ad Roꝝ Impꝝ pertinentem illatorum fuiſſe cognouiſſet, legationibus cum Leone Pont. agere cœpit, de Gallis Italia expellendis: qui quidem Pontifex iam dudum ipſum Cæſarem admonebat, ut aliquando rebus Italiæ proſpiceret, neq; ſineret Gallum, quem communem amborum hoſtem eſſe dicebat, noua indies uirium acceſſione in Italia creſcere. Atq; id circo Pontifex ad id potiſſimum incitabatur, quoniā paulo ante Gallus ab ipſo petiſſet, ut Hadrianus Ambaſius Cardinalis, quem Pro pontificem in Gallia ad biennium protulerat, in aliud quoq; tempus confirmareſ. Cūq; id Leo damnosum Roꝝ curiæ, & exemplo quoq; turpe eſſe, cuiquam tantam poteſtatē tot per annos credi reſpondiſſet, Rex ægre ferens id ſibi à Leone negari, qđ plures antea Pontifices concedere nuncq; grauati fuiſſent: per nuncium pontificium in aula ipſius agentem, Leoni nunciari iubet, ſi id obtinere non poſſet, ulciſcendi oc

ram præbuiſſet, Franciſco eius ſucceſſori ſe
minus gratum agnoſcens: neglecta patriæ
& fortunarum iactura: Tridentum ſe con-
tulerat: ibique Gallo inſenſus, cum Sfortia
per id tēpus in Belgica inferiore apud Cæ-
ſarem ageret, quotidie Mediolanēſium ani-
mos, & præſertim Gibellinæ factionis ho-
mines ſolicitabat ad defectionē, præcipueque
apud Italos Principes Sfortiæ reſtitutionē
literis commendabat: atque ut Gallorum ex-
pulſionem haud difficile fore demonſtra-
ret, Pontifici ſignificat à ſe nuperrime cum
plurimis Mediolani & uicinarum urbium
primatibus, qui gratia apud reliquos uale-
rent, tractatum fuiſſe ut Regi rebellarent,
eque Gallorum manibus imperium excita-
to in omnibus eodem die ciuitatibus tu-
multu, eriperent, neque eis tempus conce-
derent deligēdorum peditum, cum cis Al-
peis ſtationem tantum equitum mille *car-
phactorum*, totidēque *leuis armaturæ* per
pacis tempora habere conſueuiſſent: quo-
rum auxilio populis rebellantibus minime
reſiſti poſſe ſperabat. Atque ita ipſe ſtatuto
die ad maturandum inceptum / Tridento
abſcedit. Quod tam clandeſtinē tamen ſic-
ri nō potuit, quin extemplo præſenſerit Fe-
dericus Gonzaga Bozulij oppidi / in agro
Mantuano princeps, qui a Gallis ſtipendia

nuper mereri cœperat. Quo circa ad eum
intercipiendum, quem non ab re discessisse
suspiciabatur dispositis militibus, ipse non
nullos rumores, qui de Mediolanensium
rebellione ad se delatī fuerant, indicaturus
Mediolanum aduolat ad Thomam Fusiū,
quem ab oppidulo, cui in Aquitania domi
nabatur, Lescunum uulgo appellabant, is
enim pro Odetho fratre uiceis regias in Ita
lia gerebat. Digna animaduersione uisa res
est, ob periculi magnitudinem, & cum plæ
riq; existimarent Parmam primum debere
tentari, q̃ ad Regium Lepidi multi exules
Mediolanenses aduersus Gallum non be
ne animati conuenissent, statim Lescunus
cum nulli adhuc pedites delecti essent, una
cum equitibus, & cū aliquot principibus
Gallorum, & Mediolanensium, qui Galli
cæ parti fauebant, Parmam contendit.
Et cum intellexisset Moronum uitatis insi
dijs Regium peruenisse, nullam moram in
terponendam ratus, eo statim pergit, Pon
tificiumq; urbis præfectum ad colloquium
uocat. Introductus est in uestibulum extra
portam ciuitatis Lescunus, ubi ex compo
sito trahens colloquium multa conquerit,
q̃ contra fœdus inter Pōtificem & Regem
Bononiæ initum, & in illam usq; diem ser
uatum exules & hostes regij non solum in
Pōtificis

Pontificis ditiōe hospitarent, sed auxilium
etiam haud frustra quærent. Interea Ale
xander Triuultius cum equitū turma, qui
seſe e legione Guidonis Rangoni Pontifi
cij ductoris eſſe ſimulabant, per aliam por
tam, quæ ad Mutinam ſpectat, urbem in
gredi tentat. Sed non latuerunt Regienſes
doli. Quare correptis armis Triuultiu, &
milites, qui cum eo erant, repellunt: ipſum
etiam pilula plumbea: ſclopo emiſſa, quo
armorum genere plerique pedites hoc tem
pore utuntur, adeo acriter uulnerāt, ut po
ſtero die obierit. Quod præfectus ſentiens
cum regis legatum adhuc in ueſtibus mo
ram trahentem ualde increpuiſſet, non de
fuerunt, qui comprehendendum cenſerēt:
quoniam æquum uidebatur nullam ei fidē
ſeruari, qui fidem prius fregiſſet. Sed cum
minus placuiſſet præfecto conſilium, ea cō
uentione Gallum dimiſit, ut nuncium mit
teret ad Pontificem, qui ſciſcitaretur eius er
ga Regem uolūtatem, & utrum pacem an
bellum cum eo mallet: ipſeꝫ Præfectus om
neis Regio ac finibus Mediolanēſium exu
les iuberet excedere: intereaꝫ noui nihil
fieret. Allato per falſos rumores nūcio Le
ſcunum Regij captum retineri, Manaldus
Episcopus Terbellenſis, qui Mediolani p
illo agebat, ita fuit conſternatus, ut conuo

Proprio
Pila.

caris Senatoribus ac primoribus ciuitatis
 consultauerit, num Gallis in urbe tuto esse
 liceret. Et quamuis bono eum animo esse
 omnes iuberent, tamen, nisi paulo post ma-
 gis certo nuncio allatum fuisset Lescunū
 liberum Parmam rediisse, Galli omnes illi-
 cō erant excessuri. Auxit per eos dies illo-
rum timorem casus admirabilis. Erat su-
 pra fornitem portæ arcis Mediolanensis
 turris non solum ad propugnandum mu-
 nitissima, sed aspectu etiam pulcherrima,
 quippe in cuius frōte præter alia ornamen-
 ta, locatæ essent tutelarium diuorum mar-
 moreæ imagines perquam eleganter scal-
 ptæ cum insignibus Sfortianorum Ducū,
 qui tantam molem fundauerant. Fortē au-
 tem cum intra turrim seruarentur plurima
pulueris in usum tormentorum, uasa, ful-
 men de cœlo ipsam tetigit, & murum scin-
 dēs protinus sulphuream materiam accen-
 dit, cuius impetus non solum turrim euer-
 tit a fundamentis, sed mœnia etiam et arcis
 cubicula, ac reliqua ædificij membra pro-
 xima humi prostrauit, saxa q̃ circumuoli-
 tantia duos arcis præfectos, qui de more
 paulo ante ad salutandam Virginem Ma-
trēm in sacello iuxta portam cōuenerant,
 in area deambulanteis occiderunt: alios
 quoq̃ e militibus, qui ibidem aurā uesperti-
 nam

nam captabant (erat enim æstas) interfe-
 cerunt: aliorum capita, thoraces, brachia,
 & crura fregerunt, adeo, ut e ducentis pro-
 pugnatorib⁹, uix duodecim e tam magna
 clade eualerint, neq; tantæ ruinae fragor ci-
 uitati fuit ignotus: quin & ipsa ualido terre
 motu concussa, magnum plærisque inie-
 cit timorem, ne tota eo impetu corrue-
 ret: quo sedato, cum fulminis ardor uehe-
 mens arcem uersus uisus fuisset, innumeri
 eo concurrentes omnem aream, quæ ante
 ipsam arcem erat latissima, saxis opertam
 offenderunt, admirabanturq; aliquot lapi-
 des, quales decem bouum iuga uix loco
 mouere potuissent, quingētos & amplius
 passus iactos fuisse: fundamēta turris euul-
 sa supra portam stare, ipsius fastigia in imo
 conspici, neq; id sine Dei nutu euenisse exi-
 stimabant. Cæterum Galli dubitantes ne p-
 noctem arx sine præsidio remaneret, sena-
 tores, quæstores, & alios magistratus Galli-
 ci generis, q̄ pauci & imbelles in urbe erāt,
 arcem ingredi iusserunt, donec postero die
cataphractus equites ceterum, cum totidem
uelitibus Nouaria euocatos introduxere.
 Neq; huiusmodi casus ad suscipiēdum ma-
 gis audacter aduersus Gallos bellum Leo-
 nem Pont, parum incitauit: quippe qui uel
 hac causa paulopost Heluetios agnoue-

Infortun
max

Cataphr
tes.

exlites

LIBER

rit segniores factos ad ferendum Regi au-
 xilium: contra quem non solum Pontifex,
 sed ipsi etiam Dij arma ferre uiderentur. In-
 terea nunciatum est Manfredum Palauici-
 num comite Ioanne, cognomēto Stulto, re-
 gionum illarum latrone famosissimo, cum
 Germanorū copijs Comum per Larium
 lacum proficisci, quod Gallis non parum
 timoris incussit; existimantibus id minime
 fieri debuisse, nisi prius Comensium animi
 sollicitati fuissent ad defectionem. Sed cum
præsidium in tempore parari non posset,
 reliquum erat in unius Gratiani Garri gu-
 bernatoris industria relinqui tutelā ciuita-
 tis, qui suorū opinionem minime fefellit.
 Nam cum extra ciuitatem diui Io. Baptiste
 festum celebraret, ut hostium copias intel-
 lexit aduentare, intra urbem q̄ primum se
 contulit, excubiasq; ex his, quos Gallici no-
 minis studiosos antea cognouerat, circum
 mœnia disponit. Nec distulit Palauicinus
 ciuitati appropinquare, fretus Benedicti
 Rumi Comensis uerbis, qui cum Antonio
 Rusea conuenisse dicebatur, ut ad constitu-
 tum tempus tantum murorum urbis spa-
 cium, quibus ipse proximus habitabat, per
 noctem intus effringeret, quantum uir ar-
 matus posset introire. Atq; ita per dolum
 occupare urbem sperabat ante, q̄ Galli,
 qui

qui pauci admodum præsidio urbis inerāt, quicquā tale suspicarentur. Sed longē aliter res euenit. Nam cū nec Rusca, nec alius quisquā signū iuxta conuenta protulisset, & Palauicinus falsa spe ductus, peditibus extra moenia dispositis de uia fessus cubitū discessisset, nunciatum est Cōmenseis unacum Gallis urbem exire, & Palauicini copias adoriri, quod tanta animi alacritate fecere, ut quamuis ducenti uix essent, tamen quadringentos Germanos pedites, & totidem Italos, postq̃ paululum pugnassent, terga dare coegerint. Palauicinus ipse suos perculosos uidens, quid consilij caperet nescire, an naueis repeteret, an capesceret terrestre iter. Tandem ita suadente peditum Germanorum duce, qui a Garro pecunia corruptus malē pugnauerat, per monteis arduo itinere abscedit, pleriq̃ tamē naueis petiere, & q̃ maximē poterant remis fugā maturabant. Garrus, ubi hosteis formidinis plenos conspexit, a locorum peritis ad monitus ad occupandas quasdam montis fauceis nauibus contendit, quō Palauicinum peruenire oportebat: atq̃ ita incautū cum Stulto, & plerisq̃ alijs fugæ socijs excipit, facta Germanis omnibus abeūdi potestate, Palauicinus autē Mediolanum adductus, tortorum ui nō solum omnia

LIBER

a se incepta falsus est, sed etiam retexit quæ
 cūq; a Morono intellexerat pro hac expe-
ditione fuisse decreta. Captusq; propterea
 est Mediolani Bartholomeus Ferrarius ci-
 uis publicis muneribus gestis, ac uitæ splen-
 dore insignis. Qui, tametsi Morono eius
 operam aduersus Gallos requirenti non
 fuisset assensus, tamen quia proditionem
non indicauerat, post Palauicini atrocissi-
 mam cædem & ipse indignissima morte ui-
 tam finiuit. Stultus Comi securi percussus
 est, reliqui autem tam coniuratiq; coniu-
 rationis conscij diuersa loca petentes fuga sa-
lutem sibi quæsiuerunt. Interea Lescunus,
 postquam exules Regio abijisse intellexit,
 Mediolanum reuertitur, & per Baptistam,
 Romanum trapezitam, Gallicæ factioni
addictum, parata pecunia menstruum sti-
 pendium pro adducendis peditum octo
 millibus ad Heluetios mittit, exercitum ad-
 uersus Pontificem paraturus: qui post ten-
 ratum a Gallis Regium, iustum belli geren-
 di prætextum nactus erat: pedites etiam de
ligit ex Insubribus, & Parmam, quo iam
 Federicus Bozulus cū quingentis, & mille
 peditibus aduenerat, proficisci iubet: sta-
 timq; ipse etiam citato itinere eo redijt. Iam
 regis aula rumoribus & nuncijs motuum
 Italicorū, q̄ quotidie deferebantur, repleta
 erat

erat. Ipseque Lescunus multorum calum-
 nias non poterat effugere, qui ipsum Pon-
 tifici dedisse asserebant iustissimam belli ge-
 rendi causam, q̄ pauloante Christophorū
 Palauicinum, Pontifici propinquitate con-
 iunctum, uirum integerrimum, ut fortunis
 spoliaret, in carcere tot menseis detineret,
 quodq̄ ciuitatem Pontificiæ ditionis per
 dolum occupare tēasset: adeo, ut Odetus:
 quem ab oppido eiusdem nominis Galli
 Lautrechum appellabant, Insubrum præ-
 positus, per id tempus apud Regem agens,
 in fratrem timens concitatam inuidiam ad
 errorem ipsius, si quid propterea deliquis-
 set, corrigendum q̄ primum in Italiam ue-
 nerit. Dum hæc in Gallia agerentur: iam
 Prosper Columna, qui pro Carlo Cæsa-
 re in exercitu imperabat, Bononiā adue-
 nerat: Federicusq̄ Mantuæ princeps, Pon-
 tificis copiarū præfectus equites, peditesq̄
 undiq̄ colligebat. Et quia superioribus an-
 nis diui Michaelis aureum torquem acce-
 perat, quo munere Gallorum reges in be-
 neuolentiæ & honoris indicium consueue-
 runt proceres, principesq̄ amicos decora-
 re, ipsum eundem Laurecho, qui pauloan-
 te Mediolanum redierat, per Tubicinem
 principum (ut moris est) internuntium re-
 mittit, seq̄ hostē Regi fore profitē, quūq̄

Tubinc.

LIBER

Prosper Bononia cū his militibus, qui ibi conuenerant, mouisset: & ipse eodem tempore ad fluuiū Lentiam cum suis copijs applicuit, quo post paucos dies uenit etiā Ferdinandus Daualus Aterni, quod nunc Piscaria dicitur, Marchio cum cataphractis equitibus Neapolitanis, & Hieronymus Adurnus cum tribus millibus Hispanorū peditum, qui ē classe rebus frustra Genuensium tentatis nuper descenderant, inibiq; decretum est Hispanis & Italis peditibus, q numerum octo millium non excedebant, addere aliquot Germanorum cohorteis. Atq; ita per Mantuanum, Veronensemq; agrum præfecti in Germaniam missi Germanorum quatuor, & Rhetorum (quos Chrysones uocant) duo millia conscribere, iussusq; propterea fuit Daualus cū trecentis equitibus, & ualidā peditum manu in finibus agri Mantuani consistere, quoad Germani pedites per saltus Tridentinos descenderent, ut si Veneti illorum aduentum impedire conarentur, ipse ad ferendū auxilium præsto esset. Auctis copijs Prosper Columna, cui & rei militaris scientia, & ætate rerum summa deferebatur, Parmam cum exercitu contendit. Quod Mediolani audiens Lautrechus delegit in totius ditionis ciuitatib. rei pecuniariæ præfectos:

ctos: qui, propterea q̄ ē Gallia stipendia
militum ad sustinendum bellū tenuiter sub
ministrabantur, priuatim q̄ maximam pe-
cuniæ summam colligerent, quod quidem
tanta acerbitate exequēbātur, ut cum hac
de causa, tum supplicij ac cædibus illorū,
quos coniurationis conscios fuisse agno-
sceret, in non mediocri inciderit populo-
rum odium, & multorum animos a Rege
alienauerit. Post hæc missis ad Heluetios, q̄
octo millia peditum ex ea natione adhuc
adducerent, ipse cum primis, qui iam in a-
grum Mediolanensem descenderant, Cre-
monam ire pergit. Verum antequam disce-
deret, aduocata populi concione in hanc
sententiam iam equo insidens orationem
habuit. Compertum habeo uiri Mediola-
nenses hostem, qui aduersus potētissimi
Regis arma in Insubres progredi audeat,
auxilio potius nōnullorum ē uobis, q̄ pro
prijs uiribus confidere. Qui enim fieri po-
test, ut Leo Pont, qui superioribus annis
Francisco Urbini duce bellū in ipsum mo-
uente Romæ uix tutus erat, nūc regiam po-
tentiam tam paruifaciat, ut Gallos, & præ-
sertim adiunctis fœdere nuper Heluetijs, la-
cessat ultro? aut ut Carolus Romanorum
Rex rebellantibus in Hispania passim ciui-
tatibus, ac pluribus Germanorum bellis

occupatus nouū in Italia bellum mouere
 audeat, nisi Mediolanenses pfuge non mo-
 do de seipſis, sed etiam de uobis multa pol-
licerentur. Huiusmodi igitur spe freti iam
machinas, & tormenta adducūt oppugna-
toria, iam peditum, equitatusq; acies in-
struūt, s. existimantes incepto toris bello
 omnia intus tumultu cōcitarum iri. Quod
 & ipse profecto timerem, nisi iam nonnulli
 perfidiæ dedissent pœnas: pleriq; autem, q
 eodē erant animo, supplicij metu abiissent,
 ita ut existimem quum hinc ad bellum pro-
 fectus fuero, etiam si nulla præsidio resta-
 rent Gallorum arma, tamen qui seditionē
 faceret Mediolani fore neminem. Nunc ue-
 ro cum milites & duces ad id delecti sint:
 adsitq; Manaldus, Terbellensis episcopus,
 senatusq; ac cæteri magistratus, qui rerum
 administrationi, iusticiæq; præſint, reliquū
 est, ut non modo fidem erga inuictissimum
 Regem inconcussam præstetis, sed & uotis
 uictoriam aduersus hosteis expectatis. Nā
 si (quod Dii nolint) nos cedere continge-
 ret, quantum inter ditissimi regis & hostiū
 dominatum intersit, experiremini. Hic em̃
 legitimo iure Insubrum dux ciuitatē hanc
florentissimam esse optat. Illi prædæ causa
 iniusto bello imperium quērentes nil aliud:
 q̃ uestras opes exhaurire cupiūt. Quod si
 & ipse

& ipse, qui uiceis Regias hic gero, in priua-
torum arcas manum inieci, nemini tamen
de Regia fide dubium esse debet. Nam si ui-
ctor (ut spero) rediero: ex ipsis ducatus ue-
tigalibus æs mutuum ad tempus constitu-
tum numerabitur. Sin secus cesserit, mihi
grauior esse debebit una cum Regis opi-
bus, proprii honoris, atque etiam uitæ, q̃
uobis modicæ pecuniæ amissio. Nec lo-
quutus plura, nullo expectato respõso: Cre-
monam abiit: indeq̃ facto supra Padũ pon-
te ad oppidum Sanctum Secundum cum
Heluetijs proficiscitur. Interea Prosper cū
exercitu Parmam circumuallauerat, bidu-
umq̃ tormentorum impetu quassauerat
mœnia adeo, ut magna illorum pars humi
strata esset. Quare qui intus erant, metu per-
culsi tertiam ferme urbis partem deserunt,
quæ Parma fluuio interfluente discluditur:
ripamq̃ fluminis, qua ciuitatis reliquum
terminatur, uallo, uasis uinarijs, cratibusq̃
terra oppletis muniūt. Itaq̃ introgressi mi-
lites quod derelictum erat, depopulantur.
Simul animus erat totam ciuitatem coro-
na aggredi, quippe qui non maiore cona-
tu occupare quod supererat, sperarēt. Sed
Ferdinãdus Daualus totius peditatus præ-
fectus, siue q̃ gloriæ Prosperī, cuius ductu
res gerebat, inuideret; siue q̃ Lautrechũ cū

LIBER

Heluetiis propinquū metueret, præsertim
 si miles in diripienda urbe occuparetur, ad
 seuerabat̃s copiis urbem ualido præsidio
 & muris, aggeribusq; munitam non posse
 expugnari: & propterea nolle peditum pe-
 riculum in ea re, de qua uictoriam non spe-
 raret, tam propinquo hoste facere. Quod
 & si Mantuanus in primis ægre ferret: qui
 ut prima militiæ rudimenta summa cum di-
 gnitate gerebat, ita laudis q̃ maxime erat
 cupidus, animoq; angebatur bonam ui-
 ctoriæ partem, quæ in deletō Parmæ præsi-
 dio consistebat, sibi tanq̃ e manibus eripi:
 tamen per Hieronymum Moronum, Fran-
 cisci Sfortiæ designati Mediolanensium du-
 cis legatum, Dauali consilium improbari
 malebat, ac reliquos exercit⁹ Duces ad ur-
 bis oppugnationem adhortari. Sed cum
 nihil proficeret, q̃ Daualus ciuitatem ex-
 pugnari nō posse adseueraret, ad fluuium
 Lentiā retrocessum est, ubi tandiu morā
 traxerunt, quoad à Pontifice literæ, nun-
 ciiq; redirent, qui in bello quid fieri uellet,
 retulerunt. Plurimi autem iam timebant,
 ne dissoluto exercitu Mutinæ, Regio, Bo-
 noniæq; præsidia imponi iuberet: & inter
 ea inducias, ac etiam pacem a Rege oblatā
 non aspernaretur: quem inuitum hoc bel-
 lū suscepisse pleriq; affirmabant. Sed adeo
 Pontificis

Pontificis animus expellēdi Italia Galli de
syderio flagrabat, ut nihil præterea prospici
ceret. Iamq; Ennius episcopus Verulanus,
quem in initio belli miserat ad Heluctios,
ut peditum decem millia inde adduceret,
ad ipsum scripserat nihil iam obstare, quo
minus id concederetur, præter q̃ q̃ con
tra Gallum, cū quo pauloante foedus per
cusserat, signa ferre ipsis parum conueniēs
uidebatur. Cæterum aduersus Placentiam
& Parmam, quarum urbium ius ad eccle
siam pertinebat, ac etiam aduersus Ferra
riensium Ducem esse ituros: & demum pe
cunia (si opus ita foret) facile esse aliquos
ē ducibus corrumperere, qui milites, quo res
postularet, technis, suasionibusq; impelle
rent. Quæ sententia cū Pontifici placuisset,
Iulio Cardinali Medici patrueli suo, q̃ Flo
rentiæ administrabat Remp. mandat, ut ad
exercitum cum summa potestate cōfestim
proficiscatur, simulq; Malthæo Card. Se
dunensi, cuius opera in conciliandis Hel
uetiorum animis Verulanus utebatur, pa
rem Iulio potestatem tribuit, ambosq; hor
tatur, ut q̃ maxime possint, Heluetiorum
iter in Insubres accelerent. Quæ cum Pro
sper intellexisset, Padū apud Casale maius
oppidum: ponte facto: traiecit cū exercitu,
quo Cardinalis Medices citato itinere sum

mo cum omnium gaudio applicuit. Soluta Parmæ obsidione Lautrechus dimisso tantummodo in urbe cum octingentis Italîs peditibus Federico Bozulo, cum reliquis copijs Cremonam ad pontem iam antea confectum properat: ibique Ducum, qui Regio stipendio militabant, sententijs exploratis plarique sentiebant rem prælio esse finiendam, præsertim antequam Helvetij, quos per Rhetos, & Bergomatum agrum audiebant Pontificis imperio iter facere, cum hostili exercitu coniungeretur: & anteqm maior Helvetiorum numerus a Gallico exercitu discederet, qui frequentes quotidie domum redibant, uel qd Lautrechi imperium non placeret, uel qd Iulij Card. opera propositis præmijs ad discedendum sollicitarentur, uel qd etiam pecuniæ, quæ e sola ditione Mediolanensi difficulter exigebantur, ad tantum bellum sustinendum, segnius interdum subministrabantur. Sed cum ad Robechum oppidum iuxta Olj fluminis ripam Prospero e regione castrametante pugnandi data esset occasio, Duxq; Urbinas, qui post imperij amissionem apud Venetos se contulerat, inter cæteros affirmaret foeliciter euenturum, si pugna eo tempore cum hoste committeretur: aliquotq; Helvetiorum Duces ab ipso Lautrecho

manus

manus conferendæ copiam sibi dari effla-
gitarent, donec inualidæ essent hostium ui-
res, & quæ paulopost præsidio iam aduen-
tante augerentur: nunquam tamen adduci
potuit, ut Heluetijs cum hoste pugnandi fa-
ceret potestatem, quo cōsilio incertum est.
Sunt qui dicunt sperasse per oratores Hel-
uetiorum, qui proficiscebantur ad Cardi-
nalem Medicem, rem componi. nonnulli
ipsum affirmant, ut cæteris in rebus, ita etiā
in bello multorum sententias perquirere,
quodq; alijs min⁹ placuisset, tanquā solus
ipse saperet, multoties eligere consueuisse.
Sed ut sese res habuerit, Prosper nullo ac-
cepto damno, quāto celerius potuit, exerci-
tum inde retraxit. Non enim ignorabat se
malo consilio exercitum locasse, sed ipsum
mouerat Legati Veneri Ducibus Reip. in
bello assistentis auctoritas, & fides: qui licet
in Gallorum auxilium uenisset, tamen mi-
nus hostiliter agens pollicitus fuerat Ponti-
ficios & Cæsarianos, donec Robechi esset,
ab ijs, qui arcē Pontiuici ex altera fluminis
parte præessent, offendi se minime passurū.
Tunc autem asseuerabat sibi, ut pollicita
obseruaret, non esse integrum, quia Lau-
trecho ita petenti præter ipsius opinionem
concedere coactus fuisset, ut Gallicum præ-
sidium in oppidū & arcē Venerorū intro-

duceret. Itaq; Prosper misso equitum præ-
 sidio ad Heluetios cum Cardinale Sedu-
 nensi, & Verulano aduentanteis nemine im-
 pediente paulopost copias cum eis iunxit:
 & non ultra tempus terendum ratus, ut po-
 te qui iam treis menses hyeme iam instan-
 tenihil egisset laude dignus, Abduam uer-
 sus contendit. Lautrechus sibi, exercituq;
 suo diffidere incipiens, cum oratores Hel-
 uetij non modo pacem à Cardinali Medi-
 ce non impetrassent, sed ne auditi quidem
 fuissent, sensim cedere, ac dolere, animoq;
angi, q; melioribus cōsilijs non auscultat-
set; præmissisq; qui ripam Abduæ uallo cō-
munirēt, quicq; Mediolani instaurarent ag-
geres in sola locorum munitorum defen-
sione iam confidebat. Per nuncios insuper
 Helueticorum Gallo fauentium eos, qui in
 Pontificis exercitu erant, interdum preci-
 bus obtestari, minisq; deterrere, ne aduer-
 sus Galliarum Regem, quo cum paulo ante
foedus percusserant, arma ferrēt: neq; id pa-
 rum proficiebat, cum iam multi palam di-
 cerent sese Mediolanū contra Gallum non
 esse uētuos: & propterea eos qui è Tiguri
 no pago uenerant, Regium Lepidi trans-
 mittere oportuit. Ad quam urbem Ferra-
 riensis Dux, quanquam nihil profuturus,
 ut Pontificios ab incepto retardaret, infe-
 sta signa

ita signa tulerat: reliqui ducum suorum auctoritate moti, licet segniter, tamē quo Cardinalis Medices, & Prosper iubebant, proficiscebantur. Iam Lautrechus cis Abduā cum toto exercitu se receperat, omneisq; naueis uel sub Tritij, Cassianiue arcibus, uel ad citeriorem ripā deduci iusserat: equitum etiam turmas, cohorteisq; peditum secus fluminis ripam multis aggeribus uallatam ad arcendos hosteis disposuerat. At Prosper, qui in ulteriore confederat, a locorum peritis, & præsertim a Morono sciscitabatur, quo in loco facilius esset amnis trañciendi uadum. Tandem Francisco Morono, Mediolanensi exule, ac nonnullis alijs ex Italis ducibus negotium dedit trajectus tentandi: qui ē Brembo flumine, quod per Bergomatū agrum fluit, sumptis duabus scaphis, aliaq; longiore naui iuxta ripam repta, quā piscatores inter uirgulta, & frondeis abscondiderant, magno impetu, maioribusq; animis cum ducentis circiter militibus amnem apud Vaprium uicum trañciunt. Atq; ibi Vgone Pepulo Bononiensi, cum equitum, peditumq; manu repugnan-
dispositi
te in citeriore ripa consistunt: occupatamq; per uim domum præsidio firmant, donec alij remissis nauibus trañcerent: & interea hosteis oppugnandæ domui intentos ar-

mis summouent: itaq; maiore in numero
 traducti paulo post Gallos omneis, qui Vā
 prij stationem agebant, in fugam uerterūt.
 Lautrecus, ubi copiam hostibus trañcien
 di fluminis factam esse intellexit, collectis
 in unum legionibus/extemplo Mediolanū
 se contulit, Cumq; perspiceret Helueticum
 peditatum quotidie imminui, urbis solum
 mœnia, quoniam suburbiorum circuitus
 uidebat amplior, turari decreuit. Sed post
 modum mutato cōsilio, ne hostibus (quia
 hyems iam aduenerat) hybernacula sub te
ctis relinqueret, iuxta urbis aggeres exerci
 tū educit: eosq; (quod antea segnus erat
 factum) conquisitis undiq; agricolis, qui
 in urbem militum metu confugerant, præ
 cipit q̃primū refici. Tum magnus ciueis
 inuasit timor, q̃ maior q̃ unquā antea pe
 cuniæ summa imperaretur: adeo ut pleriq;
 ex ijs, qui præfe^{cto}rum rei nummarie iussu
 uocabantur, aufugerēt; aut, si minus id da
 batur, delitescerent: seq; potius proscribi,
 ac bona sua publicari paterentur, q̃ uel mo
 dicis pecunijs Gallum iuuare: ipsi etiam
æditui, & sacerdotes cælatum argētum &
 aurum, quod in sacris habebant, occulta
 uerūt, uerū ne Lautrechī iussu auferretur,
 quod aliquot in locis iam tentatum fuerat,
 præcipueq; in diui Ambrosij æde, ubi alta
 re est

re est laminis argenteis, auroq; obtectum,
quod, uiolari, celerior opinione hostium
aduentus non permisit: qui ubi Abduam:
confecto pontetransiuerunt, minime existi-
mantes Gallum in tam magno ciuitatis cir-
cuitu, eodemq; immunito cum pediatu
adeo modico morā facturū, non ad ipsam
urbem, sed Malignanum, iter ea potissimū
ratione direxerunt, ut, si (quod ipsi fore pu-
tabant) Gallus Papiam diuertisset, profi-
ciscentem aggredierentur, & manum con-
serere cogerent. Sed cum per exploratores
renūciaretur Lautrechum cum suis & Ve-
netorum copijs Mediolani permanere, &
noctis, diesq; summo studio aggeres refi-
ci, Prosper cum exercitu ad cœnobiū Cla-
ræuallis, quod præter passuum quatuor
millia ab urbe haud distat, ire decreuit: po-
sterio die inde castra moturus, ut propius
urbem exercitum collocaret. Minime autē
Mantuano & Daualo in posterū diem ad-
uentum ad urbem tam propinquā differ-
re utile uidebatur, cum trepidus senex Me-
diolano ueniens à militibus leuis armatu-
ræ captus se q̄primum ad Hieronymum
Moronum deduci postulat: quem ut con-
spexit, flens præ gaudio, obtestatur, ne mo-
ram interponat ad urbem accedere, metu
perculsum esse Gallum, nec quid cōsilij ca-

peret, scire: tandiu urbis receptionem ipsos demoratorios, quādiu profectionem differant. Iam nō solum homines, sed deos etiā ipsos Gallo inensos esse, quorum sacris, & præcipuē diui Ambrosij tutelarīs manus inferre conati sunt. Audita senis oratione, qui uera dicere uidebatur, Iulius Card, Medices, cum Mantuano, Daualo, ac Morono paulisper collocutus nouum decreuit consiliū sequi: & quoniam Prosper mediam aciem tenebat, ipsi, qui in prima erāt, ad urbem milites iubent contendere: interq; primos erat Daualus, qui, ut ad locū Vigentinum nuncupatum applicuit, ubi hostes effossa terra aggerem extollebāt, milites ad conscendendum hortatur. At Veneti, qui ibi præsidio positi erant, nihil tale opinantes uix primos ex hostibus irrupentibus repellentes confestim in fugam conuersi sunt ita, ut hostibus ualli ascēsum facilem reliquerint. Haud multū inde aberat Theodorus Triuultius, Veneti exercitus præfectus, qui, ubi suorum trepidationem, hostiumq; aduentum persensit, quamquam per id tempus non satis ualeret, tamē ne muneri suo deesset, inermis ad uallum accurrit, ibiq; suis iam profligatis in hostiū incidit manus. Sed paucos post dies a Daualo uiginti aureorum millibus ius abeundi re-

di redemit. In fugam effusis Venetis, & in
 tra urbem properantibus, Lautrecho statim
 nunciatum est Venetos loco pulsos/ uiam
 hostibus aperuisse. Quare admonito fratre:
 qui aliam urbis partem præsidio tenebat,
recta ad arcem contendit, & aliquantisper
 in ipsius arcis area cōmoratus, plurimis ex
 magistratibus, qui militiæ minus apti uide
 bantur, in arce dimissis, ipse cum reliquo
 exercitu Comum pergit: & præsidio cata-
phractorum quinquaginta, sexcētorumq;
peditum in urbe dimisso, per Licini forum
 (nunc plebs Incini dicitur) Leucum per-
 uenit, ibiq; Abduam ponte lapideo, quem
 in huiusmodi usus prisci Mediolanensium
 Duces construxerant, trañcit. Iulius Cardī
 nalis Mediolanum/ cum reliquis ducibus
 ea nocte ingressus, uix aliud biduum cura-
 re potuit, q; militēs cohercere, ut a diripien-
dis priuatorum domibus temperaret, qua
 in re plurimum profuit Hieronymi Moro-
 ni auctoritas, quam non modo iam pridē
 inter ciueis ob eximiam doctrinam, & re-
 rū usum: sed apud externos etiā Principes
 & in exercitu nactus erat: neq; immerito,
 haud facile enim dictu esset, quantum eius
 adhortationes, consilia, ingenium, animiq;
 alacritas his, quorum parteis sequutus est,
 sæpe attulerint incrementum. Quibus re-

bus adductus Franciscus Sforzia illum uoluit imperij administrationē suscipere. Redacta in potestatem Mediolanensi ciuitate, nihil Cardinali Medici & cæteris ducibus fuit antiquius, quàm omni studio enituit Helueticū conciliarentur, & idcirco Ennius Episcopus Verulanus cum mandatis & non parua pecuniarum summa ad illos Pontificis nomine mittitur, quo etiā Mediolanensium oratores paulopost pro pace tractanda profecti sunt. Sed cum Mediolanenses in utriusque ditionis finibus substitissent, propterea quod sine fide publica, eorumque diplomate ulterius accedere nollēt, Verulanus, postquam Bilitionam peruenit, ab Helueticis statim in carcerem coniectus est. Atque ex hoc satis perspectum est, quæ in superiore bello pro Leone Pontifice egerunt, ea magis priuata quorundam gratia, quàm publico ac communi consensu facta fuisse. Quod & si Morono, & cæteris, qui Gallorum expulsionē optabant, molestum fuit, tamen eodem penē tempore fortuna, quæ nec in prosperis, nec in aduersis eodem diutius perstat gradu, molestiora etiam addidit. Nam Laurechus, cuius exercitum breui dissolutum iri existimabant, quia quo se reciperet, non haberet: traiecto Abdua confestim Cremonā, quā iam a se defecisse audierat, gressum direxit.

direxit, sperans arcis præsidio facilẽ sibi fore ciuitatis receptionem: & propterea Lesunum fratrem eo præmiserat, cui tamen cum trecentis ferme armatis ingressum per uim in urbem tentanti, ciues armis obstitissent, dum Nicolai Varoli, & aliorũ exulum pauloante urbem ingressorum suasionibus Gallum, qui nemine ipsum expellente ultro urbem reliquerat, amplius haud recipiendum esse censent: nihilominus certiores postmodum redditi Lautrechum cū incolumi exercitu iam propius urbem ad-
mouisse, quem Mediolani ad internitiõẽ fuisse cæsum antea relatum fuerat, saniore consilio sese Gallo dediderunt, neq; quicq; fuit imperatum grauius, q̃ ut donec a Rege pecunia mitteretur, exercitum alerent. Interea Lautrechus, ut firmiore præsidio ciuitatem tueretur, si uis hostilis ingruisset, ad Federicum Bozulum, qui Parmæ cum ualida peditum manu præerat, scripsit ut Cremonam q̃ primum se conferret: quod quidem postea malè cessit. Nam uix Bozulus Parma recesserat, cum aliæ a Lautrecho superuenerũt literæ, quibus illi, ne inde discederet, imperabat: uel, si iam discessisset, eo rediret q̃ primum. Iam enim tabellarij aduenerant, scriptumq; Roma erat Leonem Pontificem, postq; Mediolanum a suis ca-

ptum esse intellexisset, magnam animo læticiam concepisse, & paulopost in tertianā febrim incidisse, ex qua superaddita pituita & destillatione intra quartum diem non sine ueneni suspitione naturæ concesserat. Quare sperans Lautrechus hostilem exercitum diutius pecunia mortuo Pontifice, qui in superiore bello sumptus fecerat immensos, nō posse sustēari, Parmam a suis tanquā frontem aduersus hosteis teneri cupiebat. Sed iam Robertus Sanseuerinus, q̄ Leonis Pont. ex sorore neptem in matrimoniu duxerat, cum aliquot militibus ingressus erat urbem: & propterea Bozulus ademptam sentiens sibi intro redeundi potestatem, Cremonam ire perrexit. Interea Lautrechus ut rei, quæ male successerat, rationem Regi redderet: utq; recuperandæ totius Mediolanensis ditionis, si exercitus nouo peditatu, & stipendio instauraretur, facultatem ostenderet, Lescunum fratrem in Galliam mittere properauit, antequam Galeacius Vicecomes, qui per Heluetiorū loca post amissum Mediolanū ad Regem proficiscebatur, aut alius quispiam accepti damni culpam in ipsum trāferret. Per eos etiam dies Ferdinandus Daualus cum Hispanis peditibus, & Germanis Comum oppugnat, & cum aliquandiu tormentis

moenia quassasset, Gallus quicquid auxilij in
 praesentia haud sperans: modo sibi abire li-
 ceret, & a direptione fortunarum ciuium
 abstineretur: urbem Daualo tradere paci-
scitur. Cæterum, dum paratur discessus, Hi-
 spani repentino impetu urbem ingrediun-
tur, & non minus Comensium, quàm Gallorū
 bona diripiunt. Recuperato Como, Medi-
 ceque, & Sedunensi Cardinalibus audita Pon-
 tificis morte Romam profectis, cum Cæsa-
 rianis ducibus, ac Morono magnū onus
incumbere uideretur, quod pecunia ad susten-
 tandum exercitum postmodum defutura
 esset, ut aliqua oneris parte leuarentur, Hel-
 uetios primū menstruo dato stipendio iam
sese Gallō deinceps auxilio futuros palam
iactanteis dimittunt. Mox una cum Chry-
 sonibus dimittunt Italicum etiam pedita-
tum. Cataphractos quoque equites, qui sub
 Leone antea militabant, una cum Mantua-
 no principe Placentiam in hyberna ire iu-
 bent. Sed quia pecunia deerat, plerique in di-
 uersa loca abiire. Hispani autem & Germa-
 ni pedites, atque equites Cæsariani dilata in
 proximum ueris tempus Cremonensi ex-
peditione intra oppida iuxta Abduam sese
 contulerūt: tum ut oppidanorum sumptu
alerentur, quoad pararetur stipēdium, tum
 ut aduersus Gallos, qui Cremonæ hyema

inimicus vi.
p.

bant, ppugnaculo Mediolanēsis essent. Interea Moronus, qui iam Galeacium Vicecomitem ad Heluetios rediisse intellexerat, palam ferētem expeditionem Italicam a Rege ineunte uere instauratum iri, pecuniam q̄ maximam potest, priuatim contra hit. Cæterum ægre quidem id fiebat, q̄ sug factionis hominibus, quorum numerus haud erat exiguus, uim asferre minus conueniens uidebatur: & plurimi ex aduersa ad Gallos transiuerant. Illud etiam difficultatem augebat, q̄ Hadrianus VI. Pont. Max. qui nuper Romæ electus erat, quamuis Cæsari fauere existimaretur, quippe qui eius in Hispania uices gereret, tamen ob absentiam minus ab ipso auxilij in Italia erat sperandum: & q̄ adhuc arces & pleraq̄ loca Mediolanensis imperij munitiora hostium præsidio tenebātur. Cremona cum tota eius ditione, Mediolani, Nouariæ, Triūq̄ arces, Domussula, Arona, & totus Verbanus lacus, ultra Padum etiam hostibus parebat Alexandria: quæ magnæ ipsi Morono curæ erat. Sed quoniam ex militibus Cæsarianis stipendij defectu neminem hybernis mouere posset, tumultuarios e ditione Mediolanensi q̄ plurimos collegit, quos ipse Sfortiani nominis studiosos esse agnoscebat: cumq̄ cibaria militibus ab oppidanis

pidanis præberi iussisset, Alexādriam, quæ
maiore ciuium Guelphorum præsidio, q̃
armis Gallicis tenebatur, obsidere præce-
pit. Atq; ita res cessit, ut Sfortiani, dum for-
te qui ciuitatem custodiebant, ad tumultua-
riam pugnam exiuisent, una cum hoste pa-
riter ingrederentur urbē, eaq; præter spem
potirentur. Galli cum ijs, qui ipsorum par-
teis inibi sequebantur (quoniam urbs erat
latissima) facile per aliam portam ante, q̃
hostes totam ciuitatem occuparēt, fuga sa-
lutem quæsiuerunt. Quæ quidem iactura
Gallo plus, q̃ mediocris fuit: tum ob Ge-
nuensium sublata cōmercia: tum q̃ eo præ-
sidio facile totam transpadanam regionem
in fide continuisset, præsertim iam Renato,
Subaudiano Regis auunculo, ac regię au-
læ præfecto (quem magnum Magistrum
Galli nuncupant) in Helueijs delectum pe-
ditum decem & octo millium faciente, qui
ad descendendum in agrum Mediolanen-
sem hoc solum expectabant, ut in montiū
niuibz, quæ in miram ea hyeme altitudi-
nem accreuerant, Gallorum iussu & pecu-
nia calles perficerētur: quos instaurare ter
oportuit, noua semper niue superueniēte,
adeo contra Galli potentiam Dñi pugnare
uidebantur, præsertim cum interea pecu-
nia Morono subministraret, quæ sex Ger-

manorum peditum millia in Italiam adducerentur; & totidem peditum ex agro Mediolanensi collectorum stipendium ciuitas contulerat: tantum denique erat in Gallos, quod plerisque uarijs artibus Moronus iniecerat odium, ut per singulas urbis classeis uexilla fierent, centurionesque, & duces eligeretur: quos, ubi opus fuisset, omnesque per ætatem arma ferre possent, sequeretur: iustamque militum assumerent speciem. Ad quod etiam sacris concionibus Andreæ Augustiniani Ferraria oriundi, quotidie concitabantur: cuius eloquentia, & dicendi ardor mirificus eo tantum spectabat, ut Mediolanenseis Gallo redderet insensissimos: incertum qua potissimum id faceret causa. Nonnulli putant populi studio, quem in Gallum esse male animatum sciebat, sperasse urbis summum sacerdotium adipisci, gloriaque ductum fuisse, quod tantæ urbis incredibile quoddam in se studium agnosceret: ut cumque sit, eius oratione ingens plerisque suscipiendorum armorum ardor accreuit: quod si qui in cōmuni periculo segniores sese præbuisent, ablatis pignoribus mulcebantur adeo, ut etiam plurimi Gallicæ factionis studiosi populi metu alacris sese contra Gallos exhiberent.

GALEACII CAPELLÆ, DE
rebus gestis, pro restitutione Fran-
cisci II. Mediolanensium Ducis,
Liber Secundus.



VM HÆC ME-
diolani geruntur,
iam annus ab ini-
tio belli secundus
agebat: & Sabau-
dianus, ac Gallici
procures, qui Re-
gio nomine apud
Heluetios agebant, cum peditibus delectis
in Insubres festinabant: neq; segniter Lau-
trechus equites & pedites suos Cremonæ
instruebat, & Venetorum auxilia sollicita-
bat, ut adueniente Heluetiorum peditatu,
ipse cum reliquo exercitu præsto esset, Ger-
manos, quos Adurnus ad hosteis adduce-
bat, præuenire cupiens. Sed Gallū sefellit
opinio. Nam cum Chrysones per Voltu-
renam uallem Germanos transire non per-
misissent: neq; ob exiguum numerū Ger-
mani (quippe qui quatuor millia non ex-
cederent) sufficere uiderentur ad iter per-
uim arripiendum, mutato consilio per Ca-
municam superato montis cacumine, qui
ualleis eas determinat, in Bergomatum fi-

neis penetrarunt: & citato q̄ maxime itine-
 re adeo festinauere, ut ante in agrum, qui
 Abduę glarea uulgo dicitur, applicuerint,
 q̄ præfecto Bergomi licuerit ita mandan-
 te Andrea Gritto, Venetorum legato (pro-
 uisorem exercitus uocant) præsidium mili-
 tū parare, quod uenienti Germano in fau-
 cibus monium occurreret. Interea Pro-
 sper Columna sedulo Mediolani curabat
 ut aggeres reficerentur, Imprimisq̄ ei cure
 erat magna fossorum manu, q̄ celerius fie-
 ri posset, duplex uallum duplici fossa perfic-
 ere spacio passuum circiter uiginti inter
 utrunq̄ comprehenso, quod opus ipse ex-
 cogitauerat ad discludendum ab arce præ-
 sidio Gallorum munita aduenientem ho-
 stem ita, ut collocati ibidem pedites & ho-
 stilem exercitum, & eos, qui ab arce erum-
perent, arcere possent: omnem etiam equi-
 tatum et peditatum intra fluuios Abduam
 & Ticinum reducit, duo tantum peditum
 millia Nouariam mittit cum Philippo Tor-
 niello, Nouariensi iuvene impigro, armo-
 rumq̄ studio. Hestorem etiam Viceco-
 mitem Alexandriæ destinat cum mille &
 quingentis peditibus, nullo stipendio, sed
 solo Sfortiani nois amore collectis: quibus
uictum ciuitas subministrabat. Papię uero
 Antonium Leuam primæ aciei cataphra-
 ctorum

etorum Cæsarianorum ductorem uirum
 rei militaris scientissimū præficit: eiq; præter
 mille Italos pedites, addit duo millia Ger-
 manorum: qui Placentiæ cum Mantuano
 principe antea hyemauerant, dum urget
 timor, ne Galli Cremonæ hybernantes ur-
 bem præsidio nudatam Pontifici eriperēt,
 quod iam amplius Lautrecho in transab-
 duanam oram & Mediolanum uersus pro-
 ficiscente non erat formidandum. Reliquū
 autem exercitus, qui duodecim millia pedi-
 tum ferme erant, equites cataphracti septin-
 genti, totidemq; uelites Prosper Mediola-
 num introire iubet. His itaq; paratis cum
 Adurni sedulitatem paulo ante inducēdis
 Germanis peditib⁹ perspexisset, ipsum etiā
 ad Franciscum Sfortiam, qui Tridenti ad-
 huc erat, sexq; Germanorum peditum mil-
 lia armabat, remisit, ut eos iter maturare p
 Veronensem & Mantuanum agrum cura-
 ret, ubi à Venetis sperabat minime resisti
 posse: quippe qui iam cum Lautrecho ex-
 ercitus suum in agro Mediolanensi con-
 iunxerant, & unā profecti cum Heluetico
 peditatu urbi appropinquauerant, ac ter-
 tio die quo castra ibidē collocata sunt, Lau-
 trechus, cui per Regē abrogato magni Ma-
 gistrī imperio totius gubernandi exercitus
 cura fuerat rursus iniuncta, omnem pedita

LIBER

rum, equitatumq; in armis esse iubet tanq̃
urbem esset oppugnaturus. Sed ubi renun-
ciatum est, præter milites, oẽm intus popu-
lum Mediolanensem tanta animi alacritate
ad arma cõcurrisse, ut uix senes, pueriq; ac
mulieres domi resederint: difficultatem rei
timens suos in castris continuit. Anxius au-
tem eo die plurimum fuit, ob mortem M.
Antonij Columnæ, qui cum Camillo Tri-
uulio, Io. Jacobi filio, dum extra taberna-
culum ambo deambulant, ferrea pila ab
hostium uallo tormẽto excussa disiectu do-
mus ibi propinquæ interfectus fuerat ma-
gno totius exercitus incommodo. In eius
enim prudentia & fortitudine iam pridem
Rex plurimum fiducię posuerat. Cæterum
Lautrechus sperabat rei pecuniarię inopia
milites urbi inclusos seditionem facturos;
quippe quibus tenuiter pecuniæ per Ioan-
nem Emanuelẽ uestigalibus regni Nea-
politani subministrabantur, ita, ut quicqd
toto hoc in bello contulerit, non suffecerit
ad trimestre peditum Hispanorum stipen-
dium: quod a morte Leonis Pont. ad ini-
tium huius secundi belli transactum est. Re-
liquum uero e tributis Mediolanensiũ con-
ferebatur: quod cum in superiore bello ea-
dem ipse inopia pressus difficillimum co-
gnouisset, fieri posse non putabat, ut post
illata

Alata ciuibus tot damna tantus exercitus
 unius ciuitatis opibus sustentaretur. Sed
 uix credibile est/quantum Moroni sedulita-
 tas, & in sumptibus parsimonia profecerit,
 ac paucorum odio quantū exegerit pe-
 cuniarum. Nam & qui ultro conferebant,
 & qui ablatiis pignoribus cogeabantur, ani-
 maduertētes pro cōmuni periculo id fieri,
 haud magnoperē indignabantur. Sed spe
 uictoriæ & restitutionis facile exactionem
tolerabant, aduentante præsertim Fran-
 cisco Sfortia ipsorum duce: de cuius uirtu-
 tibus ab ijs, qui Tridento uenerant, multa
 referebantur. Iam enim occupata Croariæ
 arce/transitum per Veronensem agrum ar-
 ripuerat/nemine repugnante, & cum sex
 millibus Germanorum peditum per Man-
 tuanum agrum profectus/apud Casale ma-
 ius/Padum nauibus collectis trañciebat. In-
 de quum Placentiam accessisset, iuncto sibi
 Mantuano principe, ac trecentis equitibus
 ecclesiæ stipendio militantibus per transpa-
 dana loca iter faciēs/Papiam ingressus est.
 Quod Lautrechus egrē ferens triduo ante
 q̃ aduentaret, moto exercitu ad Cassinum,
 quinque passuum millibus ab urbe situm in
 uia Papiensi se collocat/ea ratiōe, ut Prospe-
 ri exercitum a copijs Germanorū per Sfor-
 tiam ducem adductis discluderet: ibiq; ca-

LIBER

stris communitis, ne tempus incassum tere
 rer, audiēs Lescunum fratrem ē Gallia Ge-
 nuā uenisse, & collecto peditatu p transpa-
 danam regionem iter facientem ad se ueni-
 re, Federicum Bozulum cum quadringen-
 tis equitibus, & peditum septem millibus
 partim ex Heluetijs, partim Italici generis,
 trans Ticinum mittit: qui cum Vigleuenū
 haud magno negotio recepissent, Noua-
 riam inde profecti sunt: quam cum aliter
redigere in potestatem non possent, admo-
tis tormentis prostrata murorum parte ci-
uitatem dato signo inuadunt: cūq; bis ma-
 gno animorum ardore, qui intus erant, ho-
 steis deiecissent, nō sine magna suorum cæ-
 de, tandem tertio depulsi moenibus Sfor-
 tiani uiam hostibus dedere, ut in urbem ir-
rumperent: ipseq; Torniellus ciuitatis præ-
 fectus cum duobus peditum ducibus pa-
 tricij Mediolanensibus captus fuit, urbsq;
direpta, ac ciues & milites in Gallorum po-
 testatem peruenerunt. Quæ res Mediola-
 nensium animos uehementer fregit, neq;
 in ore populi multa aduersus Franciscum
 Sfortiam & Prosperum defuit increpatio,
 q; auxilio destitutum Torniellum cum tot
 peditibus, & ualidam urbem hosti obie-
 cissent. Sed Prosper nihili uulgi uerba fa-
 ciens, illud ante omnia curabat, ut militi-
 bus

bus, qui secum erant, & ijs, qui cum Sfortia Papiam nuper uenerant, in unum coactis: aduersus Gallum exercitum educere ualeret: cui occurrere, & praelio (si fors tulisset) debellare non abnuebat. Indeque occasione nactus, dum pars hostium trans Ticinum abesset, Sfortiam, ut quod primum ad urbem ueniat, hortatur, ipseque nocte interpesta Mediolano egressus aduentantem cum Germanorum copijs ad sextum lapidem excipit. Atque ita Mediolanensem Dux summo cum totius populi plausu, ac fauore urbem ingreditur. Vix autem Mediolanum applicuerat, cum Federicus Bozulus cum Lescuno expugnata Nouaria ad Lautrechum reuersus est, cumque relatum esset Papiæ parum praesidij cum Mantuano relictum fuisse, quod multum rogatus Mediolanum uenire noluerat, ne Placentia, & ab ecclesiae ditone longius abesset: Lautrechus ob auctas hostium copias, spe Mediolani amplius recipiendi frustratus Papiam tentare decreuit. Quamobrem Prosper, caeterique Caesarianorum duces simulac de hostium discessu nuncius ad ipsos peruenit, de Papiæ solliciti centum & mille pedites ex Corsica iandiu militiae assuetos nonnullis adiunctis Hispanis deligunt, & quod primum Papiam iubent contendere, qui non solum tanta celeritate iter

arripuere, ut Lautrechum cū exercitu pro-
 ficilcentem anteuerterint; sed etiam per me-
 dia hostium castra transeuntes multis eorū
 cæsis pugnando sibi uiam fecere: atq; urbē
 opportunē ingressi Mantuani animū adeo
 erexere ad defensionem, ut iam neq; Helue-
 tios, tanquam oppugnationi minus aptos,
 neq; hostilium timeret tormentorū uim,
 quibus licet Lautrechus triginta ferē mu-
 rorum cubita humi strauisset, tamen haud
 segniter ab obsessis diruta mœnia uallo, ag-
 geribusq; muniebantur. Atq; adeo Dñ Cæ-
 sarianis uidebantur fauere, ut propter iu-
 ges pluuias eo tempore demissas, neq; na-
 ues rebus ad uictum necessarijs onustæ præ-
 nimio aquarum impetu Ticino uehi po-
 tuerint: & oppidani, qui lucri causa com-
 meatum ad exercitum adducere consueue-
 rant, ob impeditas aqua, & luto uias anno-
 nam in castra non comportauerint, ita, ut
 exercitus Gallicus summam rerum ad ui-
 ctum necessariorum caritatem pati cogere-
 tur. Et uel hac ratione, uel q; præter spem
 Gallus præsidium hostium urbem fuisse in-
 gressum sciebat, urbē corona aggredi non
 est ausus. Quin audiens Prosperum Medio-
 lano cum copijs suis egressum eadem plu-
 uiarum causa Binaschi consedisse, iam defi-
 ciente stipendio per magnum Magistrū e
 Gallia

Gallia allato: Papiæ abscedere necessarium
 ducit, anteq̃ hostis propinquior fieret, qui
 ut primum per cœli serenitatem licuit, mo-
ris castris ad cœnobium Chartusiense in se
pro, quod ad domesticas uenationes præci
Mediolanensium duces passuum uiginti
millium ambitu muro clausere (Barcum
 appellant) se collocat, cum Gallo dimicatu-
 rus, si in castris munientis Lautrechus pu-
 gnæ occasionem nō derectasset. Sed cum
 p̃ leuis armaturæ equites hinc inde aliquan-
 diu pugnatum fuisset, Lautrechus ad uicū
 Landrianum inter fineis Laudensis & Pa-
 piensis agri cum exercitu tēdit: indeq̃ Mo-
 guntiam petiit. Quæ profectio & si fugæ si-
 militudinem non haberet, tamen Prospero,
 ac ceteris ducibus uerisimile uidebatur,
 q̃ quotidie uarijs rumoribus, & nuncijs si-
 gnificatum erat Heluetios diuturnam mili-
tiam ferre nolle, præsertim cum stipendium
 paulopost defuturum intelligerent, & pro-
 pterea Gallum in ea loca hac solum ratioe
 uenisse, ut cōmodius per uelites pecunias
 nuper e Gallia Aronam usq̃ ad se delatas
 reciperet: itaq̃ Heluetios in officio contine-
 ret. Verum per Anchisen Vicecomitem,
 qui cum quingentis peditibus, aliquotq̃ le-
 uis armaturæ equitibus à Morono missus
 iuxta Bustum oppidum, haud procul Aro-

na confederat, timor non mediocris ijs fuisse
 rat incussus, qui deferendæ pecuniæ curam
 susceperant ita, ut inde abscedere p aliquos
 dies minime auderent. Quo effectum est,
 ut Heluetij, qui iadudum inuiti militabant,
 postq Moguntiam uenere, efflagitarent se
 se domum dimitti, uel fieri pugnandi pote
 statem. Et quis durum utrunq Laurecho
 uideretur, quippe qui pugnadi ancipitem
 fortunam semper timuerit, tamen cum di
 missis Heluetijs dissoluere exercitū necesse
 sibi fore pspiceret: collaudata eorū prom
 ptitudine ac fide, cohortatisq ad pugnam
 cæteris militibus in posterum diem iussit
 omneis adesse, ut aduersus hostē proficisce
 rentur, & manum audacter consererent:
 ad quos in hunc fere modum uerba fecit.

*f. antea /
 d. heluetic*

Quod toto hoc in bello fortissimi milites
 semper exoptauit, ut uirtutis uestre pericu
 lum facere aliquando daretur, id hodie uo
 bis ita exposcentibus contigisse gratulor.

Magnā enim uictoriæ spem plæruncq polli
 cetur militum alacritas, quam in uobis præ
 cipuam cognoscere mihi uideor, cum pu
 gnandi cum hoste potestatem tantopere
 poposceritis. Quod ut temere faciendum
 nunquam putauit, ita uestros animos tanq
ferri aciem retundere minime æquū duxi:

præsertim cum aduersus eundem hostem
 decertan

decertādum sit, quem in urbe Mediolanen-
 si per bimestre obsessum adeo tenuistis, ut
 uix sui uidendi copiam facere unquam au-
 sus fuerit, nec mirū. Quid enim equitatus
 ex Hispania, regnobꝫ Neapolitano ubiqꝫ
 semper contemptissimus comparari uobis
 debet, qui omni tempore apud omneis na-
 tiones summam in bello laudem retulistis?
 Quid tria millia Hispanorum peditum ad-
 uersus uos fortitudine, & numero lōgē su-
 periores præstare poterunt? neqꝫ etiam ti-
 morem uobis incutere debent Germani
 (& si bellicosa ea gens semper habita sit) cū
 n̄, qui in exercitū hostili sunt, nō ē uera illa
 Germania trahāt originem, sed in Triden-
tinis salibus sint collecti, & alias nunquam
militiam exercuerint. Reliquus uerō pedi-
 ratus ex agro & populo Mediolanensi, cui
 tot annos imperauimus, delectus fuit po-
 tius ad speciem exercitus: qꝫ ad pugnam.
 Iam uerō quid Prosperum Columnam eo-
 rum ducē recenseam? hominem senio con-
fectum, & qui in prælio nihil magis: qꝫ de
 fuga cogitaturus sit, ut manus uestras effu-
 giat non immemor superioribus annis se
 Regis nostri, dum contra eum arma ferret,
 multos menseis captiuum fuisse. Quid Fer-
 dinandum Daualum peditatus ducē æque
 timidum, parūqꝫ honoris sui studiosum?

LIBER

quippe qui pauloante iustissimis ex causis
ob uiolatam scilicet in deditone Comēnsi
fidem ad singulare certamen a Ioanne Ca
banneo prouocatus nō modo congredi,
sed ne respondere quidem fuit ausus. Quo
circa Deo Opt. Max. iuuāte arma mecum
miles capefcite, fortitudinēq; uestra nō so
lum Mediolanense imperium, uerum etiā
totam Italiam ex hostiū manibus hoc uno
prælio uindicate: ita maximū Regi decus,
uobis perpetuū nomen, & uirtutis uestræ
uberes fructus referetis. Huiusmodi oratio
ne cum hostium uireis paruipenderet, suo
rumq; extolleret uirtutem, & magnis ui
ctoriæ propositis præmijs militum animos
satis excitatos existimaret: sub solis ortum,
curatis tamē prius corporibus Moguntia
egreditur, rectaq; iter arripit uersus Pico
cham: qui locus tribus passuum millibus
Mediolano distat, ubi domus est ualde op
portuna, circumq; uiridaria haud exigua
sunt profundis fossis uallata, iuxta etiā præ
dia effosi fontes, indeq; deducti riuī ad præ
ta irriganda, intra quos Prosper exercitum
communiuerat, tutum, & opportunum lo
cum ratus, tum ut maiore cōmodo pugna
ret, si forte ad prælium prouocaretur, tum
etiam ut hostem ab urbe excluderet, quod
quidem ante omnia, postquā ciuitate exie
rat,

rat, semper optauit, ne ipsum egressum aliquando Galli ad eam occupandam properantes præuenirent. Et forte cum nunciatum est aduentare hosteis, Moronus pauloante in castra uenerat: ad quem conuersus bono animo esse iussit, se iam uicisse affirmans, si huiusmodi in loco pugna committeretur, si mulque hortatur, ut Mediolanum quæ primum reuertatur, & aliquot millia peditum Mediolanensium ad se mittat, quod tantis animis effectum est non solum a populo, sed ab ipso etiam Duce Sfortia, ut uniuersis passim pugnandi ardor incredibilis innatus uideretur. Egressi itaque sunt ex urbe circiter sex peditum millia, & quadringenti equites cum ipso Duce, reliquis iuxta aggeres ad urbis custodiam dispositis: et quæ primum ad Picocham uentum est, iam multæ Heluetiorum phalanges cum bellicis tormentis aduersus frontem Cæsariani exercitus contendebant, quæ Germani pedites sub Georgio Frödespergo duce imperterriti tutabantur, a latere multi ex Heluetijs ab Hispanis sclopiis interficiebantur, nec præ fossarum altitudine poterant Heluetij (qui mos est eorum in prælio) aduersus hostilia tormenta progredi: a sinistra uero parte Lescunus cum trecentis equitibus, ex robore exercitus delectis, peditumque acie per uiam Mediolanensem festi-

LIBER

nabat ad pontē, per quē in castra hostium erat aditus, sed ducem Franciscum & Mediolanensem nactus, postquam paululum pugnasset, coactus est pedem referre: à dextra autem alia equitum ala mutata cruce alba, qua Galli signantur, in rubram nitabatur Lautrechus unā cum Cæsarianis castra ingredi: sed fallacia in tempore cognita, iussit Prosper suos omneis herbæ, aut spicarum, quibus agri tum repleti erāt, manipulos capiti imponere, ut ab hostibus dignoscerentur: itaq; euirato dolo uictoria penes Cæsarianos, & Mediolanensem fuit. Cecidēre in eo prælio Heluetiorū tria millia cum decem, & septē eorum ducibus. In Cæsaris autem exercitu pauci desyderati sunt: unusq; tantum ē ducibus Ioannes Cardonensis, Colossani oppidi in Sicilia Comes, sagitta faciem transfixus occubuit, dum in medio ardore pugnæ casti dem eleuat, ut quid agendum foret, absq; impedimento cerneret. In hunc modum Galli potius pugna abscedere coacti, q̃ fracti, tormenta reducerunt: impedimēta q̃q;, si qua secum attulerāt, Moguntiam repor-
tarūt: ubi cum solam noctem Lautrechus quieuisset, sub solis ortum ad oppidū Tritium, quod in ripa Abduæ positū est, proficiscit; confectoq; ponte Heluetios, q̃ sese di-
mitui

mitti flagitabant, per Bergomatum agrum
 in patriam redire permisit. Cum Heluetijs
 Renatus quoque Sabaudianus, Galeacius
 Sanseuericus, & plurimi Gallorum proce-
 res abscesserunt. Quamobrem Laurechus
 magnis æstuâs curis, Laudem Pompeiam
 munire decreuit, ut eius urbis præsidio Cre-
 monam, & transabduanam oram facilius
 tutari posset, antequam hostis nouo pugne suc-
cessu alacrior factus præueniret. Interea ma-
 xima Prospero obiecta erat difficultas, nã
 Germani pro uictoria mensurum stipen-
dium sibi dono dari flagitabant: & non so-
 lum ipsi Adurnoque, qui eos e Germania ad-
 duxerat, haud auscultabant, cum obice-
 rent pecuniã non deberi, quod in pugna quã-
 uis extitissent superiores, tamen hostem nõ
 debellassent, qui se incolumem receperat,
reduxeratque tormenta, ac impedimenta ser-
uauerat; quinimo reliquos etiam milites,
 ut seditionem facerent, impellebant adeo,
 ut oppugnatoria tormenta abduceret, ho-
 stilia in super minitati, nisi stipendium ero-
 garet, manus propterea in ipsum Prospe-
 rum uiolentas inieceret. Quod Franciscus
 Dux Mediolani sentiens, ne parua uictoria
 e manibus per seditionem elaberetur, cum
 Germanis re composita mensurum stipen-
 dium militibus intra trigessimũ diem do-

no dare pollicetur, atq; ita promissa, non
 sine magna difficultate postea exoluit: quod
 pe qui trimestri bello, & diutina exercitus
 sustentatione nullis adhuc fere exactis uecti-
 galibus nesciret unde sexaginta et amplius
 aureorum millia assumeret, ut promissam
 pecuniam immerentibus elargiretur. Cer-
 tiores itaq; milites esflagitati muneris ad
 oppugnandam Laudem ciuitatem profe-
 cti sunt, quo iam Lautrechus sex equitum
turmas præmiserat, peditum præsidium pau-
 lo post transmissurus. Sed cum opinione
 celerius Hispani muris appropinquassent,
 externus miles in urbem paulo ante ingres-
 sus non dum stationibus dispositis, quas
 unusquisq; præsidio aduersus hosteis tue-
 retur, inuasionem adeo repentina territus, fa-
 cilem ascensum Hispanis per aggeres, mu-
 rosq; reliquit, & fuga trans Abduam, pro-
 ut quisq; potuit, sibi salutem quæsiuit: non
 nulli tamen e Gallis cæsi, multi etiam capti,
 & impedimenta omnia amissa, ac urbs pe-
 nitus fuit direpta, ciuesq; fere omnes pecu-
 nia sese redimere coacti sunt. Et quāquam
 hæc uictoria maximam opportunitatem con-
 ficiendi totius belli attulerit: tamen non tam
 Francisco Sfortiæ iucunda fuit, q̃ molesta
depopulatio ciuitatis. Quare una cum Mo-
 rono, per quem omnia fere negocia tra-
 ctabatur

et ab eo se contulit: ac postquam de recuperanda Cremona, & reliqua Mediolanensi ditione cum Prospero & cæteris du-
 cibus egit, Mediolanum reuertitur ad res urbanas componendas: & magistratus, qui
 ius populis diceret, creandos: quod adhuc ob bellorum strepitum minime factum fue-
 rat. Interea Prospero dimisso ad recipiendū Pisseonum cum militū parte Daualo, ipse
 cum reliquis copiis Cremonā pergit. Galli autem, qui præsidio Pisseoni stabant, unaque
 oppidani Gallicæ factionis studiosi rebus suis diffidentes pacta incolumitate deditio-
 nem fecerūt. Inde ad Cremonæ mœnia ad-
 moto exercitu, cum iam antea Lautrechus in Brixientem agrū se recepisset, & aliquan-
 diu ibi moratus, tandem per Heluetiorum fines familia sua tantum comitatus in Gal-
 liam decreuisset reuerti, Lescunus eius frater, cui totius exercitus provinciam cōmise-
 rat, cum Prospero ad has conditiones de-
 uenit, se Cremonæ cum exercitu regio qua-
 draginta dies, datis tamen obsidibus, per-
 mansurum, & nisi interea Gallia tantum
 præsidij mitteretur, quod Padum fluuium
 per uim transiret, aut unam saltem ciuitatē
 ditionis Mediolanensis præsidio militū fir-
 matam expugnaret, se Cremonam Prospe-
 ro, uel cui ipse uellet, redditurū, modo cum

militibus suis, ac cum tormentis, uexillisq;
 in speciem exercitus explicatis, ac cum im-
 pedimentis omnibus in Galliam redeundi
 potestas fieret: interim utrinq; læsum iri ne-
 minem. Additum insuper est, ut capriui ul-
 troq; citroq; redderentur: & oppida omnia
 & loca, quæ a Gallis adhuc tenerentur, post
 exactum huiusmodi tempus deditionem
 facerent, Mediolanensi tamen, Cremonen-
 si, & Nouariensi arcibus exceptis, quas Re-
 gi liceret, quoad posset, tutari. Quæ postq;
 pacta addito iureiurando fuerunt, Prosper
 uno tantum e suis Cremonæ dimisso, qui
 Gallorum promissa, obseruari curaret, ipse
 cum exercitu Genuam contendit. Secum
 autem uenire uoluerat Antoniorū & Hie-
 ronymum Adurnos fratres, ad quos rerū
 Genuensium procuratio attinebat, ut per
 eos commeatus, plaustra, boues operarij
 ac alia ad bellum necessaria exercitui suppe-
ditarentur. Genuæ per id tempus imperiū
 administrabat Octauianus Fulgosus, uir
 tum prudentia & rerum usu insignis, tum
 morum probitate Genuensibus admodū
 charus: qui & si corpe esset imbecillo, lon-
 gaq; ægrotatione affectus ita, ut malè belli
 munia posset obire: tamen & Galliarum
 regis amicitia, qua potissimum nitebatur,
 fretus, & per Federicum fratrem Salernitanū
 stitem

stitem, hominem impigrū, omnia belli mi-
 nisteria præparat. Peditum Italorum duo
 millia ad urbis defensionem disponit: ami-
 cos & nominis Fulgosi studiosos, qui plu-
 rimi in Lyguria erant, in armis esse iubet.
 Regem etiam admonet, Cæsarianos iam
 Gallico bello: in Insubribus confecto: Ge-
 nuam properare, & propterea ualido præ-
sidio ad tutandas Genuæ res opus esse, qđ
 nisi citō mittatur, frustra proculdubio sera
 postmodum fore auxilia, præsertim quo-
 niam propter Adurnorum aduentum nō
 minus intra urbem, q̃ foris sibi timendum
 esset. At Rex, qui Italiæ res summoperē cor-
di habebat, iam post cladem apud Picochā
 acceptam peditū quatuordecim millia ex
 Aquitania, & prouincia Narbonensi, cum
 quingentis equitibus cataphractis, milleq̃
sagittarijs equestribus delegerat: mandauit
 ratq̃, ut duce Roberto Scoto in Italiā pro-
 perarent, & rebus suis afferrent auxilium.
 Sed quia suos in tempore ad opem Genu-
 ensibus ferendam uenire posse non spera-
 bat, iccirco Petrum Nauariensem ducem,
 rei militaris peritissimum, qui paulō ante in
 Galliam ex Italia redierat, cum duabus tri-
 remibus Genuam confestim misit, & forte
 ciuitatem eo tēpore ingressus est, quo Fer-
 dinandus Daualus cū Hispanico atq̃ Itali-

co peditatu ab ea parte, qua olim stabat
 Phari turris, castra mœnibus admouebat :
 & iam tubicinem præmilerat cum literis
 ad præfectos urbis conditione is afferen-
 tem, ut intra unius diei spacium præsidium
 omne Gallicum dimitterent : Antonioro
 Adurno, quem Cæsar Genuæ ducem esse
 uoluerat, parerēt : classem omnem, quod
 e re Cæsaris esset, paratam haberent : si hæc
 facerent, de cætero eos suis legibus ui per-
 missurum. Quod si mandata negligerent,
 omnia hostilia, si in bello succubuissent, il-
 lis esse subeunda : quare plurimi in urbe,
 quæ nouarum rerum cupida semper exti-
 tit, nisi nouum militum præsidium uetasset,
 mandata accipienda suadebant : sed præ ti-
 more libera haud erat ciuitas : & propterea
 Benedictus Viualdus, qui plus q̃ par erat,
 Fulgosis obsequebatur, ciuium Genuen-
 sium nomine ad Daualum, qui expugnan-
 dæ urbis assumpserat prouinciã, mittit :
 & dum sub spe res componēdi moram in
 castris trahit, pedites, qui turrim quandam,
 prope portam eo die pluribus tormento-
 rum ictibus prostrauerant, dum incautius
 qui iuxta mœnia stationes agebant, urbem
 custodiūt, incio Daualo, & cum Viualdo
 ad rem componendam intento turrim fa-
 cto impetu occupant, adiūt sibi ea parte fa-
 cientes,

elentes, qua murus aliquot in locis ruina
dederat. Fit undiq; in exercitu concurfus,
& clamor ingens, eleuantur a cohortibus
signa: peditesq; qua primi irruperant, cir-
 cumqua; inuadunt. Ipse autem Daualus:
 dimisso concilio: uersatur inter primos, &
 muri parte occupata ingressus suos, qui te-
 mere progredi uidebantur, subsistere impe-
 rat. Admonet praeterea de uictoria Prospe-
 rum, qui cum Germanis, & equitatu fere
 omni in alia parte constiterat, quæ Besania
 dicitur, ut cum reliquo exercitu in urbem,
 iam captam introeat. Mox suis in unū colle-
 ctis, praecipit ut ordinibus seruatis proce-
dant. Fit fuga undiq; ab his, qui urbi tutan-
 da praerant, nec ullus iam audet uel seipsum
 defendere: ipse archiepiscopus Salernita-
 nus cum Centurione, qui praetorium cu-
 stodiebat, magno militum et ciuium nume-
 ro stipatus nauis conscendit, & ad litus
 occiduum, Massiliamq; iter dirigit. Octa-
 uian⁹ Fulgosus eius frater, q; in lecto agro-
 raret, postq; praetorii portas claudi iussisset,
 mittit e suis unum, qui e fenestra nūciat ho-
 sti, se in Ferdinandi Dauali potestatem uen-
 turum. Captus est etiam Petrus Nauarien-
 sis, aliq; cū eo multi. Vrbs omnis direpta:
 & quia tantum praedae inibi fuit, quantum
 uix hostis ampli⁹ optare potuisset: Prosper

edicto mādauit, ne quis e ciuibz captiuus
 a quoq̃ fieret. Postero etiam die ut popula-
 tionibus tandem modus imponeretur, ci-
 uitate exercitum omnem ēduxit dolens eā
 urbem direptam, e qua propter immenſas
opes Cēsareum exercitum multos menſeis
 pecunia ſuſtentare potuiſſet. Atq; ita capta
 Genua, audiens Proſper Gallum cum no-
 uo delectu alpeis tranſire, uerſus Haſtam ci-
 uitatem cum copijs iter arripit illi occurſu-
 rus, ſi res Inſubrum, & pacta Cremonen-
 ſia turbare conaretur. Sed poſtq̃ ad uicum
 in agro Haſtenſi, qui Villa noua dicitur,
 Gallus applicuit, cognita Genuæ iactura:
 tantisper ſubſtitit, quoad Regiſ iuſſu, cuius
 mentem trans alpeis miſerat exploratum,
 in Galliam cū nouo exercitu reuerſus eſt.
 Igitur Leſcunus, qui Cremonę erat, ſpe o-
 mni auxiliij ſublata, poſtq̃ quadraginta dies
 ſecundum conuenta præſerere, cum man-
 datis nuncium ad Proſperum miſit, qui &
 captiuos, & arceis reddi iuberet. Ipſe autē
 cum Gallicis reliquijs, & cū tormentis belli-
 cis ex ſœdere in Galliam proficiſcitur fide,
 ducibusq̃ itineris a Proſpero acceptis: in
 cuius laudem tam multa Galli prædicabāt,
 ut non Regij exercitus euerſorem, ſed po-
 tius ſeruatorem in Galliam Ciſalpinam ue-
 niſſe faterentur: quippe qui neminem un-
 quam,

quam, præterq̃ in acie, occidi passus fuerit: quicq̃ etiam: deuictis hostibus; tantas commoditates concesserit, quātas alius uel amicis fortasse denegasset. Recuperatis e Gallorum manibus totius ferē ditionis Mediolanensis ciuitatibus, & arcibus paucis, quæ adhuc in hostium potestate erant. obsidione cinctis, maior q̃ crederetur, restabat periculi difficultas ad continendum exercitum. Verum ut impensæ pars tolleretur, dimittuntur aliquot Germanorum millia. Atq̃ interea Carolus Lanoius apud Neapolim regiæ potestatis, & Ioannes Emanuel Cæsaris legatus: conuentu inter se Romæ habito: freti Cæsaris auctoritate, cuius nomen iam fugato Gallo, plæriq̃ in Italia uerebantur, summam aureorum centum quadraginta millium à Florentina Repub. Mediolanensium duce, Senensibus, Genuensibus, & Lucēlibus, prout eorum quisq̃ magis onus laturus uidebatur, exigere statuerunt pro totius equitatus & peditatus Hispani aliquot mensium stipendio, quos in Insucribus permanere necessarium existimabant, non q̃ sufficerent ad Regis uirgis Italia arcendas, si expeditionem rursus Italianam tentaret (quod plæriq̃ facturum rebantur) sed quia Germani facilius euocari, ac Itali, quoties esset opus, deligi possent.

Illud etiam grauius urgebat, q̄ neque Cæsar a Flandria, aut ab Hispania bellū Gallo mouere poterat pecuniæ inopia, & rebus omnibus imparatis, neq; Anglicus rex solus bello, quod in Northmanos & Picardos ea æstate inferebat, quicquam profuturus uidebat. Quare Cæsar monitus a Prospero, cuius consilia semper & Italiæ quietem, & imperij Romani amplitudinem, ac rerum firmitatem respiciebant, Venetias Hieronymum Adurnum mittit, uigilantia, usq; ac singulari prudentia præditum, ut quoquomodo e dignitate Cæsaris melius fieri posset, res inter eos componerentur. Quod & si diutius protractum est, propter intempestiuam ipsius Adurni mortem: nihilominus tandem per Marinum Caracolum post nonum mensem fœdus inter eos ictum est, his conditionibus: ut pro cōmuni rerum Italicarum defensione cum pedibus sex millibus, ac utriusq; armaturæ equitibus mille & ducentis alter alteri, cui opus foret, auxilio esse deberet. Quod tanto Mediolanēsis affecit gaudio, ut pleriq; disiunctis a Gallo Venetis, illū nūq̄ amplius cis alpeis descensurum crederēt: neq; aliud iam cogitarent, q̄ quomodo sese a Cæsarei exercitus onere eximere possent: q̄ cōsumptis iamdiu Italorū principum tributis, in
 unum

unum Mediolanensium ducem incumbe-
 bat: & facta pauloante in agro Hastensi se-
 ditione Vigleuenum usq; omnia hostiliter
 depopulatus fuerat ita, ut circiter centum
 aureorum millia Francisco Sforiæ nume-
 rare opus fuerit, pro seditione compescen-
 da, præsertim ne in tanta spe res Venetas
 componendi, omnia huiusmodi tumultu
 turbarentur, neq; amplius pax sequeretur,
 sine qua res Mediolanensium nullo modo
 possent habere firmitatem.

GALEACII CAPELLÆ, DE
 rebus gestis, pro restitutione Fran-
 cisci II. Mediolanensium Ducis,
 Liber Tertius.



NSECUTA
 altera æstate post
 quam Galli apud
 Picocham cladē
 acceperant, cum
 omnes fere, qui
 in arce Mediola-
 nēli obseſſi erāt,
 uario morborū

genere defecissent: reliqui moræ tædio nō
 expectaro belli apparatu, quod magnis ui-

ribus denuo instaurabatur, arcem ipsam
 Sfortiæ dediderunt incolumem in patriam
 reditum cum armis, & impedimentis pa-
 ciscentes. Quod quamuis Regi plurimum
 difficultatis afferebat: tamen cū nihil æque
 cordi, ac rerum Italiæ amissarum recupera-
 tionem haberet, & a Cæsare, & ab Anglo-
 rum Rege, qui sese magnum bellum in Gal-
 liam moturos sæpius iactauerāt, omnia fri-
gerent, q̄ maximum potest Italorum pedi-
 tum, equitumq; levis armaturæ numerum
 stipendio conducit: tormenta bellica, tor-
mentorū materiam omnem, iumentorū
& uehiculorum ingentem apparatus in-
struit, ac imprimis tantam contrahit pecu-
 niarum summam & uectigalia mercatori-
 bus Lugdunensibus oppignerando, & de
cimas sacerdotib⁹, & tributa in una quaq;
regni prouincia passim indicendo: quantā
 nemo unquam antea in Gallia corraferat.
 Oratores etiam mittit ad Heluetios, ut pedi-
 tes suppeditarent, quos cum primū in Tau-
 rinos descenderit, sibi adiungat. Quod sen-
 tientes Franciscus Mediolanēsiū dux, &
 Prosper Columna & si reb⁹ Cæsaris, suisq;
 ex fœdere, ac pace Veneta magnum præsi-
 dium paratū sperarent: tamen ad tanti belli
 defensionem aliud etiam fœdus magno la-
 bore, & studio Romæ componunt inter
 Pontificem

Pontificem Hadrianum VI. Cæsarem, Florentinam Remp. Mediolanensium ducem, Genuenseis, Senenseis, & Lucenseis, pactoq; inuicem firmant, ut trimestrem pecuniam, quantam quisq; maximâ posset, erogaret pro sumptibus belli perferendis aduersus eos, qui Italiæ quietem turbare conarentur, Prosperumq; Columnam deligunt, cuius ductu & imperio res bellica gubernaretur. Qui uarijs rumoribus Gallorum motus audiens, iamq; de futuro bello certior in Germaniam mittit, qui peditum inde sex millia Mediolanum adducerent: plurimis etiam; quos in re militari strenuos antea cognouerat, munus iniungit peditum in Italia deligendorum: & quanquam per aduersam ualitudinem iam aliquot mēseis resoluto stomacho, amissoq; ciborum appetitu, non solum corpore, sed animo q; imbecilli factus esset: tamē loca omnia Mediolanensis imperij, qua possent hostes irrumpere, lustrat: tandemq; statuit ad ripam Ticini fluuij hostium impetum propellere, firmataq; in hoc sententia nihil ulterius de urbe munienda cogitat, tanq; hostis fluminis transeundi potestatem nusquā esset habiturus. Quæ cum pararentur, Franciscus Sfortia per id tēpus Moguntiaē agēs, haud Mediocre subiit discrimen, Inter eius auli-

LIBER

cos uersabatur Bonifacius Vicecomes, q
 cum antea peditum cohortis præfectura ad
arcis Mediolanensis obsidionem priuatus
 fuisset, præturæ quoque uallis, quæ à Sese
 amne nomen accepit, in Nouariensi agro
 tulisset repulsam, quibus ex causis, ac etiam
 ob Hestoris Vicecomitis cædem, quā man
 dāte Morono perpetratā fuisse æmuli eius
 asseriebant, ualde & illi & Duci succēsebat.
 Quapropter dum Mediolanum redeuntē
 Principem cum cæteris aulicis sequeretur,
 ut ad quadriuium antea destinatum appli
 cuit, eum a tergo pugione aggreditur: sed
 quia ipse in equo sublimis sedebat, Prin
 cepsq; parua mula uehebatur, & ferientis
 impetum sentiens caput inclinauit, leue
 duntaxat, minimeq; profundū in sinistro
 eius humero inferre potuit uulnus, & iccir
 co Vicecomes statim in fugam se coniecit,
 nec ex ijs qui fugientem sequuti sunt, quis
 quam eū potuit adsequi. Quare Princeps,
 qui maiores timebat insidias, Moguntiam
 quamprimum redire optimum esse arbi
 tratus est. Allato Mediolanum huiusmodi
 nuncio Moronus cōgregatis urbis prima
 tibus Palaūcinum Vicecomitem, Alexan
 drinum antistitem tanti facinoris suspectū,
 & quem dudum Duci infensum ob Hesto
 ris fratris cædem plerique existimabant,
Prospero

Prospero mandāte, cui eū confidere haud ignorabat, euocari curat, ne si uim ei adhibere uoluisset, ob generis splendorem, & clientelas plurimas in urbe tumultus excitaretur. Mox detento per Prosperum Vicecomite, multi eius affines & amici in carcerem truduntur: adhibitaq; per tormenta quæstione, nonnulli fatentur factam fuisse in domo ipsius Antistii coniurationem, neminemq; ad perpetrandum tantum facinus Bonifacio magis idoneum uisum: statimq; interfecto principe animū illis fuisse Moronum, eiusq; amicos in curia obtruncare: Prosperum, q; exosum non haberēt, cōprehendere: a nonnullis ciuibus & mercatoribus q; maximam possent, pecuniæ summam extorquere: ad id peragendum nonnullas habuisse peditum cohorteis in Statidorum Ligurum finibus (qui Monsferratus hodie est) Vercellis, & in transaduanio agro. Sed quia Bonifacius triduo anteq; statutum diem, facinus aggressus sit, ideo pedites et duces imparatos fuisse: neq; coniuratos quiuissē perficere quod in animo habebant, Regi .s. urbem, ditionemq; Mediolanensem tradere, ut ita gratiā apud eum nanciscerent. Atq; id, tamen si ab uno, & item ab altero assertum fuerit: tamē pluri adhibitis etiam tormentis constanter

LIBER

omnia negauerunt: ipseque Bonifacius post ea non semel coram multis professus est, se nemine cōscio, sed proprio impulsu, id molitum fuisse, quia Principem nouisset nulla sua culpa in se male animatum. Fama uulnerati Ducis increbrescente, cum plæricque exijs qui longius aberant, necem ex uulnere sequutam existimarent: Galeacius Biragus Mediolanensis, qui parteis Gallicas sequebatur, nonnullos pedites in Taurinis, & Monteferrato collegit, quorum auxilio Valentiam oppidum iuxta Padum occupat, arcem etiam per quosdam oppidanos in deditionem accipit. Quod sentiens Antonius Leua, qui Prosperi iussu Hastā usque cum Hispano peditatu, & equitibus leuis armaturæ ad continendos in fide populorum animos procellerat, Valentiam cum parte copiarum proficiscitur, & cum spacium qui intus erant, non habuissent oppidi muniendi, intra biduū oppidum ipsum expugnat: Biragumque captiuū facit, antequam a Gallis ullum afferri potuerit auxiliū. Nā & si amico opem ferre properarent, nihilo minus & longinquitas itineris, & Caroli Borbonij ducis suspicio iter agentem exercitum aliquot dies retardauit. Non enim Regi bene consultum uidebatur, si (ut decreuerat) ipse in Italiam descenderet, relinqueretque

queretq; in Gallia Borboniũ, iã irritatum
 Comestabulatus officio, ac Borbonensi &
 Auernorum opulento ducatu potentissi-
 mum. Quapropter cum Rex ipse Lugdu-
 num pergeret, illũ uisitauerat domi ægro-
 tum se simulantem, ne in Italiam uenire co-
 geretur. Mox cum præcepto regio euoca-
 tus esset, lecticam uacuam, in qua iacere se
 ægrotum simulauerat, biduum anteq; dete-
 gereť dolus, deferri iussit, ipseq; clam duo-
 bus tantum comitibus in Sequanos (quæ
 regio Caroli Cæsaris est) proficiscitur, ubi
 duodecim peditum millia ipsius iussu, q̃
 occultius fieri poterat, iam conueniebant:
 quibus, cum primũ Rex Alpeis transisset,
 Borbonius bellum in Galliã erat illaturus.
 Nam iam antea per Hadrianum Beaurẽ-
 num, Cæsaris oratorem simulato mercato-
 ris habitu ad se profectum cum ipso Cæsa-
 re conuenerat eius sororem Heliodoram
 in uxorem accipere, & de Gallia cum eo &
 Rege Anglico pactũ fuerat: iniurias ulcisci
 cupiens, quas à Rege sibi existimabat infer-
 ri, dum aliquot oppida ex hæreditate pater-
 na, & Borbonensem etiam ducatum in litẽ
deducere cogitur. Quamobrem Rex dum
 Lugduni esset, certior factus Germanos pe-
 dites indies Burgundiæ finibus appropin-
 quare, admonitusq; à nonnullis, qui literia

LIBER

quibusdam indignationem ipsius Borbo-
 ni pauloante cognouisse asserabant, sibi
 ab eo timendum esse, mutato consilio ex-
 peditioni in Italiam iam instructæ Guliel-
 mum Gonfierium maris præfectum (quem
 barbari Ammiraldum uocant) præficit, mis-
 sitque cum quatuor millibus peditum, & quin-
 gentis equitibus Sabaudianum præfectum
aulæ, ut Borbonium comprehenderet; sed
 cum Borbonius iam abiisset, Sabaudianus
ditionem illius omnem redegit in Regis po-
 testatem. Interea Ammiraldus cum trigin-
 ta peditum, duobusque equitum millibus, to-
 tidemque sagittarijs equestribus in Italiam
descendit. Cumque Hispani, qui cum Anto-
 nio Leua erant, retrocederent, neminem
 Gallus habuit, qui ipsius conatibus obsta-
 ret, donec ad Ticinum peruenit, ubi qua-
 tuor millia Hispanorum peditum, totidem
adiunctis Germanis, cum tota Cæsariano-
 rum equestri acie conuenerant: ipseque Pro-
 sper quamque corpore inualidus, tamen lecti-
 ca ad citeriorem fluuij ripam se deferri iusse-
 rat. Sentiens autem iam magnum hostium
 numerum ad ulteriorem fluminis ripam per-
 uenisse, aquasque præter morem ex diutur-
 na, quæ antea fuerat, siccitate minime pro-
 fundas, sero timens se non posse eo loci
 Gallo obstare, præsertim quia Itali pedites,
 qui

qui diuersis in partibus conscribebantur, nondum applicuerant, primum grauiora tormēta Mediolanum remittit, ne si maior quæpiam uis ingruisset, ea hostibus relinquere cogeretur. Mox ubi omnem exercitum Regium Vigleueni cōuenisse audiuit, suosq; in citeriore ripa, maxime qua custodiam agebāt Germani, ab hostibus, qui in ulteriore stabant, tormentis arceri, & non modo equites, sed pedites quoq; fluuium uado transire, frustra aliquoties repugnare conatus, motis castris exercitum omnem nemine amisso Mediolanū reducit: adeoq; ciuitas ex huiusmodi re cōsternata est, ut si confestim hostis insequutus esset, obuiam habiturus erat neminem. Sed dum Ammiraldus suos colligit, & eos, qui serius uenerant, expectat: Cæsariani, ipsiq; Mediolanenses animo confirmati, aggeres reficere: conducta innumerabili fossorū manu properant. Interea pedites Itali aduentabāt, & commeatus intra urbem nullo intermisso tempore deferebātur. Hieronymus quoq; Moronus post introductum exercitum p totam urbem iterum atq; iterum ad arma iussit conclamari, ut certior fieret quantum præliū a populo sperare posset: quē adeo benē animatum ad repellēdum hostem cognouit, ut nihil unquā fuerit promptius.

LIBER

Quare Prosper omni prorsus ablecta ur-
 bis relinquendæ opinione, quæ ipse per ad-
 uersam ualitudinem præstare non poterat,
 per alios exequebatur. Iam in urbe duode-
 cim peditum millia contraxerat, magnusq;
 populi numerus, quoties opus foret, in ar-
mis aderat. Miserat præterea Papiam uali-
dum cum Antonio Leua præsidium, dum
 Mediolanum ipse à Ticini ripa rediret, &
 supra mille pedites Alexandria relicta Cre-
 monam proficisci mandauerat ita, ut à tri-
 bus saltē ciuitatibus (si à reliquis nō posset)
 hostium impetum propelleret. Cæterum
 Ammiraldus Terò copias ad urbē duxisse
 cognoscens, mutato oppugnationis consi-
 lio, positis prope ciuitatem inter Lauden-
 sem, Ticinensemq; uiam castris/ad recipien-
 dam Moguntiam partem exercitus mittit.
 Mox Petrum Baiardum ductorem impi-
grum cum octo millibus peditum, tormen-
tis decem bellicis, ualidoq; equitatu Lau-
dem Pompeiā proficisci iubet. Quod ubi
 sensit Mantuanus, qui ex sœdere cum Pon-
 tifice inito in eam ciuitatem cum quingen-
 tis peditibus, et totidem equitibus uenerat,
 se tam modicis copijs defendendæ urbi im-
 parem cernens, anteq; Gallus aduentaret,
 admonitu Federici Bozuli, propinquitate
 & amicicia sibi iuncti, qui Gallicū peditatū
 duce-

ducebat, inde discessit. Gallus Laude ciuitate præsidio firmata, ponte super Abduam confecto, quæ primum Cremonam contendit: ibique adiuncto sibi Rentio Cerro Romano cum quatuor peditum millibus, quos Carpi, & in ditione Ferrariensi regia pecunia collegerat, statim oppugnare ciuitatem aggreditur: neque Venetorum copias timeret, quæ, & si in Ponteuico oppido propinquo confederat: tamen neque Gallo pares erant, neque sine Veneti senatus auctoritate extra finis suos progredi uolebāt. Quin ita Prosper, & ij, qui Mediolani de re bellica consultabant, fore existimantes, tum e Papia, tum ex Alexandria Cremonam euocauerant treis mille, & quingentos Italos pedites sub ducibus Mayno ciuitatis præfecto, Francisco Salamone Neapolitano, Bartholomeo Martinengo Brixienti, & Mediolanensi Francisco Stampa: neque a Mantuano, qui urbem Laudem in hostium potestate reliquerat, amplius poscere uolebāt, ut cum militibus suis Cremonam ingrederetur, ueriti ne nimis de se sollicitus salutem propriam saluti ciuitatis anteferreret. Per oratores tamen ducem Urbinate, Legatūque Venerum, ac Mantuanū Principem obsecrare non desistunt, ut quæ propius Gallo possent, castrametarent ita, ut urbem adoriri

LIBER

non audeat. Sed Gallus a proposito non dimotus est, quin ad motis tormētis triduū urbis mœnia quassauit: & cum supra triginta muri passus humi strauisset, & dato militibus signo, urbē corona aggredi præcepisset, iamq; omnes ad iussa maturanda instructi essent; tantæ repente de cœlo pluuiæ per quatrduum demissæ sunt, ut rem differre opus fuerit. Interea qui Cremonæ obsidebantur, spacium ad reparanda strata mœnia habuere; & (quod utilius etiam fuit) cum Gallo solum a Laudensi agro, & ab ora transaduanā, quæ ad uictum pertinebant, subministrarentur, q̃ cætera loca ibi propinqua parū pacata eis essent, difficultate itinerum, & iugis pluuiæ uictus penuria laborauere ita, ut coacti fuerint multa sumere ex arce Cremonensi, in quam cōmeatus plurium mensium paulo ante attulerant. Cæterum iam spe recipiendæ Cremonæ frustratus Ammiraldus, simulq; cognoscēs earum copiarum discessu munien de ciuitatis Mediolanensis maximam commoditatē hostibus præbuisse, suos denuo ad Mediolanum obsidendum redire iubet. Atq; ita cum Moguntiā uenissent, propter duos hostium exercitus diuersis a lateribus urbem obsidenteis, non nisi difficulter ipsi, qui cōmeatum afferebant, erat aditus, & cū molas

molae frumentarias, quæ foris erant, incen-
dio Galli absumpsissent, tanta farinae intra
quadriduum Mediolani oborta est penu-
ria, ut supra centum hominum millia heb-
domadam totâ pane caruerint, legumini-
bus, & oriza uitam trahentes, donec instru-
ctis tandem intus molis trusculibus farina
hominû manu abunde fieri cœpit. Interea
Prosper, quia ægrotus esset, Ferdinando
Alarconi, qui Cæsaris iussu e Calabria Me
diolanum per eos dies uenerat, ut peditum
præfecturam gereret, donec Daualus ab
esset, summam regendi exercitus commit-
tit, qui benè gerendæ rei studiosus extem-
plo, ut hostem ab urbe summoueret, agge-
rem effossa terra, & ex celspitibus, trabibus
& arborum ramis intextis in speciem tur-
ris erigit, in cuius uertice erat area ambitus
pedum circiter ducentorum, quæ à fronte
cratibus terra oppletis uallata tormētis, &
peditibus collocandis spacium relinquebat:
atq; ita aliquot dies Gallos crebris tormen
torum ictibus infestans, multos ex eis inter
fecit. Sed cum id parum ad liberandam ob
sidione urbem Prospero uideretur, Princi
pi Mantuano, q se ad quæq; bellî munia ala
crem præbebat, iniungit ut cum equitibus
Pontificis Papiam se conferat, ut inde uia
tores, eosq; qui annonam ad exercitum ho

stium deferebant, infestaret. Cæterum quo
 niam durante diutius bello stipendium a so
 cijs collatum consumptum erat, & ob mor
 tem Hadriani Pont, ne obulus quidem Ro
 ma amplius mittebatur: Florētinaq; Resp.
 Genuenses ac Lucenses exacto primo tri
 mestri pecuniam ulterius pendere grauabatur,
 decreuit Prosper, cum aliunde nō
 posset reddita Aphonso Ferrariensium du
 ci Mutina, quam Guido Rangonius Ro
 manæ ecclesiæ nomine aduersus Ferrarien
 sem tutabatur, pecuniam in usum exerci
 tus parare. Iamq; missis ultro, citroq; orato
 ribus de summa conuentum erat, nisi Bar
 tholomeus Cattinarius, unus ē Cæsaris cō
 siliarijs, q p eos dies a Carolo Lanoio Bo
 noniam præmissus fuerat, ijs, qui negociū
tractabant, significasset, haud ē re Cæsaris
 fore, urbem bello opportunā tradere Fer
 rariensi, Gallici nominis studiosissimo, eccle
 siamq; Cæsari reddere inensam, præsertim
 in tam diuersis eligēdi Pontificis studijs aut
 Cæsari, aut Gallo fauentis: neq; deinceps
 (si paululum tolerarint) pecuniam defutu
 ram Lanoio iam cum pedestribus, equestri
 busq; copijs Neapoli in Insubres profici
 scente, & cum eo etiam redeunte Ferdinan
 do Daualo, qui ut superiore anno ne Pro
 spero pareret, in Hispaniam abierat, ita in
 præsen

præsentia sub Lanoio uiceis Cæsaris gerente cum munere gubernandi peditatus militare non detractabat. Quare oratores à Prospero Mutinam missi re infecta rediëre. Dū hæc geruntur, iam quotidie maior rerum omnium copia Mediolani suppetebat: Gallusq; timerë, cœperat, ne à Mantuano, & ab his qui Papiæ erant, occupato ponte, quo Ticinum è regione Vigleueni coniunxerat, commeatus penuria laboraret: propterea Petrum Baiardum, & Rentium Cerum cum copijs, quæ Moguntiaë erant, reuocat, quorum discessu à Briganteis collibus, totoq; superiore agro tanta tritici, & uini summa in urbem inuecta est, ut nulla amplius famis formido superesset. Tamq; de obsidione minimè Ammiraldus cogitabat: neq; aliter occupandæ urbis ulla suberat spes, patefactis præsertim insidijs, & prodicione à Murgante Parmensi primipilo in legione peditum Ioannis Medicis tentata. Nam cum is pontem sublicium, qua extra aggeres urbis iter erat, occiso cohortis centurione sibi in statione posito occupare polliceretur, & Gallum inde introducere, & iam treis coniurationis conscios, adiutoresq; haberet, Ioannem Ferrariensem expe ditatu Stephani Columnæ, qui sibi proximus excubias agebat, dato iureiurando so

tium ad facinus peragendum requirit, præ
 mium, quod ab hoste accipiebat, cum eo
 cōmunicaturus. Sed Ferrariensis fidei ple-
 nus, ut proditionis certior fieret, operam
 suam pollicetur, cumq; cognouisset, quid
 se facere & qua hora uellet, extemplo Ste-
 phanum ducem suum adiit, remq; omnem
 patefecit. Quamobrem Ioannes Medices
 sui militis crimen ægre ferens Murgantem
 statim, cæterosq; coniuratos comprehen-
 dit, disquisitioneq; per tormenta habita cri-
minis reos agnoscēs lanceis transfigi à mi-
lilibus iubet. Ammiraldus igitur quia iam
 hyems instaret, neq; belligerare eo tempo-
 re absq; summo militum incommodo po-
 terat, inducias duorum mensium à Prospe-
 ro petit: quas ut facilius impetraret, omnia
 cis Ticinum bello paria reddere pollice-
tur. Quod cum facere Prosper alijs ducti-
 bus inconsultis recusaret, Gallus locum in-
 ter castra sua & urbem deligit: ac ob signa-
 to fidei publicæ diplomate aliq; e Cæsaria
 nis mitti rogauit, duos & ipse pariter missu-
 rus pro inducijs, ijsq; tractandis, quæ utriq;
partī conducere uiderentur, missiq; pro-
 pterea sunt Ferdinandus Alarco, Hierony-
 mus Moron^{us}, et Paulus Victorius Floren-
 tinus. E Gallis uenire Galeacius Viceco-
 mes, & Thomas Boierius, exercitus quæ-
 stor.

stor. Cumq; Moronum ambo reperissent,
qui utriq; fuerat alias amicitia coniunctus,
eadem inducias poscunt, quas a Prospero
ante petierant: commemorantq; quantum
hæc bella, quæ iam triennio exacto initium
habuere, insubres premant: quantum è re
Mediolanēsi futurum sit, si quoquo modo
ab armis discedatur: ita Mediolanensēis da
mnis, cædibus, rapinis, incendijsq;, quæ
bella afferre solent, posse modum inueni
re: atq; interea tempus multa allaturū, qui
bus pax aliqua inter Regem & Cæsarem,
Mediolanensēisq; cohærere posset. Con
trā Moronus, & qui cum eō erāt, sese post
restitutum in ditionem paternā Franciscū
Sfortiam nūq; bellum quæsiuisse, uerum
Regem nimio propagandi imperij ardore
iam bis, non modo Mediolanensem ducē
rūm, in quo nullum ad eum ius spectet, sed
Italiam totam turbare nixum fuisse; & pro
pterea Italos principes communi cōsensu
commune damnum repellere. Iam non de
restituendis cis Ticinum locis, sed de recu
peranda totā ditione agi. Inducias, quas pe
tant, si rebus in Italia per uim occupatis ce
dant, Carolum Lañoiū, qui à Cæsare &
socijs missus in cisalpinam Galliam propē
diem uenturus sit, non denegaturum: & ic
circo ad eum proficiscerentur, neq; enī

de inducijs, neq; de pace aut de rebus componendis illo incscio sese quicquā acturos. Atq; ita Gallis in castra, alijs in urbem redeuntibus, Ammiraldus propter intempestiuam niuem, ne amplius sub dimo exercitū contineret, statuit in hyberna cōcedere, solutaq; Mediolani obsidione, Abbiatum se recipit, indeq; pedites a Narbonensi provincia, & Allobrogicis alpibus, quia nulli essent usus, dimisit, nouoq; Heluetiorum delectu aduentante primos, qui missionem postulabant, solutis stipendijs ad suos permisit redire: & ne, interea dum Cæsariani Carolum Lanoium serius uenientem Mediolani nihil agentes expectant, ipse quoq; frustra tempus tereret, Rentium Cerrum cum septem millibus Italarum peditū Aro nam, oppidum munitissimū, in finibus Verbanī lacus proficisci iubet, ubi Anchises Vicecomes Mediolanensis cum militum præsidio, pro Sfortia, iam bello: q; pace imperabat, tuncq; ad famam appropinquantis hostis habuerat supplementum mille & ducentorum peditum. Quamobrem licet postea per triginta dies nunquam cessans Rentius tormētis arcem: oppido imminentem: quassauerit, sine qua oppidi receptio nihil Gallo profutura erat: ita, ut ferreæ pilæ sex mille aduersus mœnia excussæ fuerint,

rint, ac sæpe instructis ordinibus irruptio
tentata sit, tamen tanta semper uirtus fuit in
tus propugnatorium, ut innumeris suorum
cælis, Renuis/ re infecta/ abire coactus sit.
Interim Carolus Lanoius Papiam appli-
cuit, ibidemq; aliquot dies moram trahens:
euocato ad se Morono, postquã de rebus
bellicis consilium habuisset, Mediolanum
uenire decreuit: quod antea distulerat, au-
dire scilicet cupiens quem Prosperi ualetu-
do exitum esset habitura. Nam iam octa-
uum mensem non sine propinati ueneni, si-
ue amatorij medicamenti suspitione graui-
ter ægrotabat. Verum ubi mente iam pror-
sus alienata/ paucos dies eum uiuere posse
cognouit, urbem ingressus præstantissimũ
belli ducẽ anteq; moreretur, uidere, eiusq;
funerĩ interesse uoluit, & uita functũ cum
Marco Antonio Columna nepote in pa-
triam sepeliendum ex testamẽto deferri cu-
rauit. Posthæc ne diutius bellũ traheretur,
cum Veneto oratore cõstituit, ut Venetus
exercitus traiecto Abdua sese Cæsareis co-
pijs iungeret, saltẽ quo tempore sex millia
Germanorum peditum Mediolanum ap-
plicauerint: quos præsentĩ pecunia adduci
mandauerat. Agit etiam cum oratore Cle-
mẽtis VII. qui paulo ante summo cum om-
nium Italorum gaudio electus fuerat Pon-

LIBER

tífex, ut equites Pontificij exercitui Cæsa-
 reo adiungantur: uigintiꝫ aureorum milli-
 bus ab eo acceptis per litteras, & nuncios
 cum Florentinis, Senensibus, & Lucensibꝫ
 statuit ut pecuniã secundũ fœdus ad se mit-
 tant: & ne belli diuturnitate nimis graue ui-
 deret oẽm conuentã pecuniã numerare,
 rem, quoquo modo potest, componit ad
 id persoluẽdum, quod reliqui erogare nol-
 lent, Sfortiam ducẽ coacturus ita, ut ei præ-
 ter portionẽ ex fœdere spectãtem, necesse
 fuerit ingentem pecuniã summã exer-
 citui Cæsareo erogare, iandudum pro exa-
 cti temporis stipendio debitã, antequam
 Mediolano, ubi iam quintum agebat men-
 sem, egrederetur. Qua in re incredibile est,
 quantum Mediolanẽses semper sese prom-
pros exhibuerint, tum præcipua quadam
 Principis comitate, qua plurimum ad con-
 ciliandam hominum beneuolentiam pote-
 rat, tum uarijs artibus, & Moroni oratiõẽ
 persæpe impulsit ita, ut bonorum depopu-
 lationes, exactiones pecuniã, & uillarum
incendia, quæ quotidie patiebantur, non
 tam grauia essent, quin spe uictorię & Gal-
 lorum expulsionis lenirentur, præsertim
 cum priuatas omneis pecunias in superio-
 re bello collatas intra sextum mensem e ue-
 stigalibus publicis Sfortia restituisset, idem
 etiam

etiam pro suo in populos studio & fide facturus, nisi reddendi facultas crebrioribus belli sumptibus ablata fuisset; & cum iam transgressis cis Abduam Venetis, Germanoq; peditatu/aduentante cum exercitu egressus fuisset, innumera civium multitudine Principem suum cū armis sequuta est, & militiæ munera obire non recusavit, donec Venetis, ita suadentibus decretum fuit, ut Mediolanum rediret: neq; in tanta æmulatione Mediolanensis imperij varijs ipse belli periculis se obijceret. Satis enim esse, si Moronus in castris uersaretur, tum ut consilijs ducum interesset, tum ut per eū oppidanis multa, quæ in exercitu erant usui, imperari possent. Gallus Cæsarianos copias educere, & Venetos cum eis cōiungi præter spem intelligens, & si perculsus erat clade apud Robechum nuper accepta, quo pauloante nocte in tempesta Lanoius, Daualus, & Ioānes Medices cum ualida equitum, peditumq; manu uenerant, ac plureis grauis armaturæ hostileis turmas nil tale metuentes adorti partim cæciderant, partim equis, armisq; spollatas, ac propè seminudas aufugere coëgerant: tamen, ut tantā belli molem posset sustinere, sex millia Heluetiorum præter eos, quos secum habebat, q̄ primum ad se deduci curat, ita, ut ex ea

LIBER

natione duodecim milliū peditū numerum
 haberet: quibus secum iunctis (si fors ita tu-
lisset) prælium detrectare volebat. Cæsaria
 ni aut, ēpostq; aliquot dies apud Binas cū,
 mox apud locum, qui Morta Vicecomitū
 dicitur, moram traxissent, ut hostē Abbia-
 to, ubi tutus esse uidebatur, extraherent,
 relictis præsidio Mediolani aduersus exer-
 citum Gallicum (si forte urbē adoriretur)
 peditum Itolorū quinq; millibus reliquas
 copias trans Ticinum adducunt, & ad Ge-
 minas columnas (Gambalotum uocant)
 primum castra locant. Ipse autem Urbina-
 tum Dux, qui in exercitu Veneto impera-
 bat, & Trumelli decreuerat castrametari
 (cum Garlascum hostium præsidio muni-
 tum inter se, & Papiam urbem interiaceret
 ita, ut à com meatu, qui Papia in singulos
 dies iumentis, & plaustris uehebatur, non
 solum Veneti, sed etiam Cæsariani paruo
 conatu possent excludi) ad expugnandū
 oppidum q̄ primum tendit. Cumq; muro-
 rum partem ad motis machinis humi stra-
 uisset, iubet pedites, equitesq; adhibitis sca-
 lis in muros euadere. lamq; ab ijs, qui intus
 erant, Veneti repellebātur, ipseq; dux acri-
 us instabat, & retrocedere suos non parie-
batur: tandem nonnulli ex ductoribus Ve-
 neis, & magis strenui milites per fossas
 mento

mento tenus aqua plenas transiliunt: tunc
pariter omnes, qua mœnia magis obruta
erant, & hostes reficiendis aggeribꝫ intenti
minus repellere poterant, acrius urgere &
maiore ui irrumperere conātur ita, ut undiqꝫ
fuga ab ijs, qui præsidio erāt, fieri cœpta sit,
oppidumqꝫ direptum. Cæsi, captiqꝫ eo die
plus qꝫ quadringenti ex hostibus sunt. Quæ
uictoria maximum duci Vrbinati decus,
Cæsarianis autem magnas comœtuum
utilitates attulit. At Gallus ubi hosteis trās
Ticinum profectos, Garlascoqꝫ potitos in
tellexit, ne Vigleueno quoqꝫ, et ceteris Lau
mellensis agri locis excluderet, omni pror
sus spe potiūdi Mediolani deiectus, relicto
Abbiati mille peditum, equitumqꝫ centum
præsidio, traiectoqꝫ Ticino Vigleueni ca
stra locat: & quia cunctādo tempus terere
uidebatur, sibiqꝫ, quoties leuibꝫ prælijs cū
hoste certamen euenerat, fortuna semper
fuerat aduersata, magnumqꝫ equitum nu
merum amiserat, biduo exercitū in aciem
deduxit, pugnandi copiam hostibus faciēs,
qui, tametsi numero ac militum uirtute su
periores haberentur, tamen & Venetis ita
suadētibus, & quia ex literis interceptis co
gnouerant pecunias hosti deesse, minime
uisum fuit tentare ancipitem pugnae for
tunam, cum tutiorem euentum cunctari

do sperarent. Cæterum ne oïno nihil agerent, quoniã post Ticinĩ traiectionẽ Gallũ Abbiato dimouerant, simili consilio Vigle ueno quoq; tentant encere. Sartiranã itaq; profecti (quod oppidũ est in citeriore Padi ripa) ubi quingenti pedites cum nonnullis equitibus præsidio posuerant, tormentis muros diruere aggrediuntur. Ammiraldus, ne suos lineret paulatim deficere, Vigleuenum reliquit obsessis auxilium laturus. Verum antequã Mortarium ueniret, nunciatum est Vgonem Pepulum Bononiensem, & Ioannem Biragum, qui oppido & arci præerant, expugnato utroq; loco in Cæsarianorum manus captiuos peruenisse, militesq; omneis, qui intus erãt, ad internitionem cæsos. Quare, cum iam sera essent auxilia, Ammiraldus Mortariũ se cõtinuit. At Cæsariani huiusmodi uictoria subnixa Vercellensium animos per Hieronymum Pectium eorum ciuem tentant a Gallis diuertere. Quod illi haud difficile fuit, Gibellinæ factiõis studio, cuius primas parteis in ciuitate semper tenuerat, a ciuib; itaq; receptus eius opera commeatus, & alia quæq; necessaria inde ad Cæsaris exercitum indies deferebantur. Quod quidẽ tanti fuit momenti, ut Lanoius, ceteriq; duces sperare iam auderent Gallis reditum in patriam

patriā intercludere, & ppter ea ad pagum
inter Vercellas & Nouariam (qui arcus
Marianus dicitur) proficiscuntur. Ammi-
raldo, qui Nouarię cum exercitu erat, duo
adhuc supererant, in quibus spem poneret,
ne a Cæsarianis interclusus fame premere-
tur, prohibitis non modo com meatibus a
Taurinis, unde iandudum exercitum alue-
rat, sed etiam ad hostilem exercitum con-
uersis: unum erat in Heluetiis, quorum de-
cem millia ad se mitti per oratores petierat:
atq; iis expectabat ut quadringenti equi-
tes, qui e Gallia ueniebant, nuper adiunge-
rentur: alterū restabat in Rhetis, qui Chry-
sones dicuntur, qui ad numerum quinq;
millium selectorum peditū stipendio Galli-
co per Bergomatum agrum iter faciebāt:
propositumq; erat per trāsabduanam orā
sele cum Federico Bozulo, qui cū magna
Italorum peditū manu regio nomine Lau-
dem urbem obtinebat, coniūgere: atq; ita
hosteis e Laumelleni agro reuocare, nisi
Mediolanum (quod minime credendum
erat) in discrimen adducere mallēt. Quod
sentiēs Sfortia Ioannē Medicem cum qua-
tuor millibus peditum, & ducentis equiti-
bus, qui ipsius Sfortiæ stipendio militabāt,
in Bergomatum finē trans Abduam mie-
sit, ubi aliæ, præter quas secum duxerat Vr-

binatum dux, conuenerant Venetorum
 copiae. Itaque iuncti Venetis Sfortiani sese
interponunt, ne Chrysones ipsi, qui in urbe
Laudae erant, coniungi possent. Ipse uero
 Ioannes Medices quotidie perleuis arma-
 turæ equites gentem huiusmodi praeliis in
assuetam infestabat: adeoque eos perculsit,
 ut quicque proficere diffusi, postque triduum
 ibidem morati sunt, in patriam regrede-
 rentur: & paulopost pacem & amicitiam
 cum Francisco Sfortia transmissis Mediola-
 num oratoribus petierint. Hoc igitur timo-
re liberatus Sfortia, ne Gallis Nouariæ ob-
 sessis commeatus ex oppido Abbiato mit-
 ti posset, eo Medicen se conferre cum copiis
 iubet: expugnatoque primum Ticini ponte,
 quem Gallus praesidio tenebat, ipse in ca-
 stra profectus tormentis oppidi moenia, a
 solis ortu ad meridiem, quatit. Mox magno
 Mediolanensis populi numero militaribus
 copiis adiuncto, pugnae signum dat, tantoque
animorum ardori oppidum oppugnatum
 est, ut quauis intus plusque mille propugna-
 tores summa ui ad defensionem incumbere-
 rent, tamen Mediolanenses per aggeres, &
fossas aqua plenas muros transfilirent adeo,
 ut statim captum & direptum oppidum fue-
 rit: hostes tum caesi, tum una cum oppida-
 nis capti, praedaeque haud medio cris uictori-

bus contigit, quæ causam postmodum magnæ attulit calamitatis. Nam cum ob diuturnam militum in oppido stationem ex nimio fœtore pestis homines inyalisset, præda pleroscq; milites infecit, & fere quicq; qui aliquid inde exportauerat, peste corripiebatur: atq; ita ea contagione paulo post tota urbs Mediolanensis infecta est. Expugnato Abbiato Sfortia haud minima cum laude Mediolanum redijt. At Cæsariani, q non longè à Nouaria castra habebant, indies acrius Gallum obsidebāt: & adempta cis Ticinum commeatus, & auxilij facultate Heluetijs, qui iam Eporediæ ad numerū quinq; millium conuenerant, uiam sese cū ijs, qui Nouariæ erant, coniungendi intercludere conabantur. Sed Gallus militibus & præsertim Heluetijs, quos secum habebat continua nouem mensium militia ian dudum fessis cupiebat bello finem imponere, & trans alpeis reuerti. Quare suis Nouaria eductis: instructa acie: ad oppidum Romanianum tendit. Cæsariani cum Venetis, qui in Vico Mariano erāt, cognita Gallorum profectione castra mouent. Lanoiusq; penes quem cura erat gubernandi exercitus, confecto passuum sex milium itinere ulterius nolebat progredi. Verum Carolus Borbonius, qui re in Bur-

gundia male gesta in Italiam uenerat: & ut suum in Cæsarem studiū & fidem magis declararet, in exercitu & agendo & consulendo nunquā defuerat: tātum eo die itinēris cōfici iubebat, ut in posterum abeuntē hostem, formidinis plenū, ad pugnam, uel inultū, possent cogere. Atq; in hac ducū altercatione Ammiraldus nocte in tempesta motis castris, sub diei crepusculum iam aduentantibus ad ulteriorem Sesitę ripam Heluetiis, qui Eporedia uenerant desyderio potius, ut suos in patriam reducerent, q̃ pro Gallis amplius pugnandi, ipse uado cum exercitu fluiuium trāsiuit. Et quamuis & Cæsarianis plusq; mille pedites non sint insequuti sine uexillis, equitesq; ferē totidē leuis armaturæ, tamen tantus terror hosti iam perculso iniectus est, ut nemo resistere auderet: sed prout quisq; magis poterat, iter acceleraret. Capta ibidem sunt tormenta sex bellica, & q̃plura ab hostibus relicta uexilla, a scloppetariis cæsi sunt Petrus Bardiardus, & Ioannes Cabaneus equitum ductores. Ipse etiam Ammiraldus codem teligenere adeo graue in brachio uulnus accepit, ut lectica necesse fuerit eum in Galliam deferre: neq; amplius præ nimio uulneris dolore in exercitu potuerit obire munus imperatorium. Quare cæteri duces: omnia
alia

alia cura omiffa, incolumem in Galliam ex
 ercitu reducere conantur. Tormenta, quia
magnæ essent molis, & per uallem, cui Au
gusta Prætoria nomen dedit, qua ipsi profi
ciscebantur, carris traducendis iter non
 erat, in arce quadam nouem passuum milli
 bus ab urbe Eporedia relinquunt. Marchio
 etiam Rothelinus est Gallia præceribus,
 qui Segusium usque cis alpeis auxilium Am
 miraldo laturus, cum quadringentis equit
 bus iam uenerat, in Galliam reuertitur. Ac
 Cæsariani duces, præmissis tantum ueluti
bus, qui hostem abeuntem sequerentur, &
per eos receptis tormentis, quæ Gallus cum
grauioribus impedimentis reliquerat, ad
 oppidum, quod Sancta Agathia nuncupa
 tur, conueniunt: ibique cum Legatus Vene
 tus rempublicam suam Cæsari, ac Mediola
 nensium Duci satisfecisse diceret, iam pulsas
 Italia Gallis, illud etiam Cæsarianis expo
 stulantibus denegare non potuit, ut antequam
 exercitum dimitteret, Laudem ciuitatem a
 Gallis occupatam liberaret, donec interea
 Daualus cum Hispano peditatu reciperet
 Alexandriam, quæ e Gallorum manu Vi
 tellius Romanus, Adurnorū armis frustra
 aliquot menseis recuperare tentauerat. Ibi
 etiam in concilio Cæsarianorum ducū re
 citatæ sunt literæ Caroli Cæsaris, Henricique

Anglorum Regis: quorū uterq; pulso iam
 Italia Gallo expeditionem in Galliam pro
 curabat. Ideoq; Carolo Borbonio decer-
nuntur sexdecim peditum millia, equites
mille, tormenta bellica quatuordecim: ipse
 que Lanoius eidem numerari iubet ducen-
 ta aureorum millia, quę Cæsar in Hispania
 mercatoribus Genuensibus numerauerat,
 ut Genuæ certo tempore redderentur. Ric-
 cardus etiam Pacæus orator Anglicus ma-
 gnā pecuniarum summā ad id bellum
 Regis sui nomine pollicetur. Per id temp⁹
 Moronus, ut Mediolani, quoties op⁹ esset,
pecunia æquiore lance exigeretur: decre-
uit centum longa temporum intercapedi-
ne antea nunc; renouatum agere. Et quo-
 niam urbs in sex classeis, quas uulgo por-
 tas uocant, distributa est: ipsæq; classes in
 centum circiter uicinas diuiduntur, e qui-
 bus duo ciues ex prudētioribus rebus pu-
 blicis semp præfecti sunt: uocatis ipsis præ-
 fectis ad nouum censum agendum incum-
bit, æstimatoq; fortunarum omnium pre-
cio actus est census sestertiū quater millies,
 quæ summa est centies centenorum milliū
 aureorum, quo uix constituto, pestis, quæ
 post direptū Abbiatum anno post cœptū
 bellum quarto urbem inuaserat, tantū acce-
 pit incrementi, ut Princeps in arcem Tritij,
 Moronus

Moronus autē cum Senatu & reliquis magistratibus Moguntiam se recipere coacti sint. Itaq; post modicum temporis contigit, ut neq; panis, neq; alia ad uictum necessaria Mediolani suppeterent, adeo, ut qui peste infecti extra ciuitatem emissi fuerant (quorum maximus erat numerus) cum ad eos commeatus nec a ciuitate, nec aliunde ob pestis timorem importaretur, seditione facta urbem ingressi sint omnia tumultu, armisq; miscentes, & nisi blanda quorundam ciuium oratione sedati ad ipsorum tabernacula non longe ab urbe posita reuersi essent, præter uim, quā plurimis attulissent, miraculo potius adscribi potuisset, q̃ diligentia, si quis a peste incolumis euasisset. Moroni igitur iussu post modum uicini ad urbem in singulos dies commeatum afferebant, Princepsq; pau-perum rationem habens ex publico sumptum eis subministrari iubebat. Sed quam necessaria ad uictum ex eo tempore non deessent, & plerique sacco induti, nudisq; pedibus supplicationes per totam urbem Dñs facientes, ueniam irarum Coelestium, finemq; pesti exposcerent: non tamen, nisi post quartum mensem uis morbi imminuta est. Quo tempore mortui sunt e populo Mediolanensi supra quin-

Quaginta hominū millia, præter eos, qui foris innumerabiles occubuerunt. Dum pestis (uti diximus) in urbe defæuisset, Urbinatum dux cum exercitu Veneto Laudem Pompeiam profectus, Federicum Bozulū affinitate, & fraterno amore sibi iam multos ante annos deuinctum, per tubicinem ad colloquium euocat, docetq; nihil amplius spei in Gallo esse, qui iam alpeis sine armis & impedimentis transgressus erat, & ideo satius esse ciuitatem reddere, cum nihil aliunde auxiliū speraret, q̃ quid posset uis experiri. Quamobrem Federicus, qui planè noscebat se plus commodi Galliarum Regi afferre posse, si duo millia ueteranorum peditum in Galliam adduceret, qui Regi magno usui futuri erant, q̃ si frustra ciuitatem ad nullum præsentem usum custodiret, cum Urbinate de urbe reddenda pactum init, accepta potestate cum militibus in Galliam redeundi. Per eosdem etiam dies Bussius, qui Alexandriæ præerat, siue diffusus urbem posse tutari aduersus strenuum hostem & peritissimum belli ducem, siue cæteris in Gallia cisalpina amissis locis superfluum existimauerit unam urbem Regi seruare, cum Ferdinando Daualo de ea restituenda pariter paciscitur, ut cum armis, ac rebus suis in Galliam

Galliam abire liceat. Atq; ita recepta Alexandria Bussi milites cum Laudensibus, qui per id tempus discesserant, in Galliam peruenere: ex quibus postea plus utilitatis Rex nactus est in bello Massiliensi, quam si, non modo Laudem urbem, & Alexandriam, sed & totam Mediolanensem ditionē custodissent: per eos enim effectum est, ut Massilia, maritima ciuitas, ualde bello opportuna contra Cæsaris exercitum defenderetur, donec Rex equitatum suum diuturno bello, non solum fessum: sed magna etiam ex parte amissum instauraret: & notum ex Heluetijs, ipsa q; e Germania præmijs pellectum peditatum colligeret: quo fretus, post quartum mensem non solum

Cæsarianis se opponere: sed ipsos

etiam discedere coactos a Mas

silię oppugnatione ma

gnis itinerib; antece

dere, & in Italiā

ipse profici

cisci

ausus est.

LIBER
GALEACII CAPELLÆ, DE

rebus gestis, pro restitutione Fran-
cisci II. Mediolanensium Ducis,

Liber Quartus.



OSTQVAM
Carolus Borboni-
us diutius cum ex-
ercitu in Gallia ste-
tisset, neq; quicquā
profecisset in oppu-
gnatione Massiliæ,
redditus certior ne-
que Cæsarem ab Hi-
spania, aut a Flandriā, neq; Regem Angli-
cum a Northmanis in Galliam eo anno ar-
malaturum, sero cognoscens se nimis ar-
duam provinciam sumpsisse, statuit in Itali-
am regredi. Quare maiora tormenta, quia
carris, & uehiculis propter alpium difficul-
tates iter nō erat, nauibus imposita Genuā
transmittit: minora autem in frustra commi-
nuta mulis uehenda imponit, ut ex eodem
metallo (si opus foret) cum in Insubres ue-
nisset, refici possent. At Rex sex millibus
Heluetiorum peditum, totidemq; Germa-
norum, ac decem millibus, tum ex Italia,
tum ē Gallia cōparatis, cataphractisq; equi-
tibus ad numerum duorum millium, ac to-
tidem sagittarijs equestribus comitatus, in-
credi

credibili quodam recuperandæ Mediolanensis ditionis desiderio accensus, nemini auscultando, qui ipsum ab huiusmodi expeditione deterreret, in Italiam quam maximis potuit itineribus contendit, iam non alium, quam se, ducē fore exercitui æquū ducens, alijs, quos delegisset, ter Italia pulsus: & quia ipsi itineri iam accincto Loduica mater significauerat conuenire eum se cupere, antequā Alpeis transiret (cum alioqui semper illi fuisset obsequēssimus) ueritus ne a suscepta prouincia filium pio quodam affectu dehortaretur, colloquiū parentis respuit: & Cancellario Galliarū, nonnullisq; a secretis, qui alias Regi comites esse etiā extra regnū proficiscenti confueuerant, mandauit, ut cum matre ad gubernandam Galliam remanerent, donec ipse bellū Mediolanense cōfecisset. Quod ut celerius fieret, statuit Cæsarianos, qui p Alpeis litoreas magnis itineribus in Insulas reuertebantur, & iam duorum dierū itinere anteibant, non amplius insequi. Atque ita ipse alpeis Cotias (recentiores montem Ienebræ uocant) transiens iuxta Salutianorum sineis ad occupandum Mediolanī imperium festinauit conatus Cæsarianos præuenire. In hoc rerum turbine Carolus Lanoius, qui totam æstatem Hastæ

cōsumpserat, iam bellū proculdubio oriri sentiens literis Sfortiam Ducem sollicitat, ut Mediolanum confestim redeat, quoniam propter pestem, quæ sæuissime ea æstate ciuitatem affligerat, nō solum ipse Princeps secesserat: sed uniuersi ferē ciues ex urbe discesserant. Verum Sfortia, qui ex litteris regis sæpenumero per id tempus intercep-
tis, & multorum relatu cognouerat quā-
tis uiribus Gallus in Italiam reuerteretur: quicquid res Cæsarianorum Massiliensi expeditione male tentata percussas uidebat, parum præsidij in eis ad sustinendum contra potentissimum Regem bellum existimans in tanto rerum discrimine malebat Mediolano abesse, quam absque militum præsidio accurrere ad urbem: quæ prima hosti obiceretur: & propterea Pisleono, quo se ian dudum contulerat, nō abscedere satius ducens Moronum ad Lanoium mittit, ut una quid agendum esset in bello, decernerent. Interea cum nullis ordinibus Cæsarianis, iactis alpibus, in Italiam peruenissent, Lanoius ne Mediolanensi ditione ab hoste excluderetur, audiens Regem iam Augustam Taurinorum cum parte copiarum aduenisse, Alexandriam cum militibus, quos in Italia retinuerat, se recepit. Eodē etiam tempore, Daualus, cum Carolo Borbono

bonio Gallum adeo festinabat praeuenire, ut, quo die Rex cum prima acie Vercellas applicuit, ipse Alba profectus/uicum Iriae oppidum iuxta Padum (quod quadraginta milliariorum spatium est) peruenit. Itaque cum postero die Caesariani omnes, praeterquam Germani, qui spatio tantum aberant itineris unius diei, Papiam uenissent, cognitumque esset Sfortiam adhuc esse Pisleoni, & eo etiam Moronum (quonia nihil praesidium a populo Mediolanensi, ob hominum paucitatem habere potuisset) se contulisse, ipsi Lanotius, Borbonius, & Daualus Sfortiam admonent, ut confestim Papiam una cum Morono se conferat, ad defensionem rerum Mediolanensium, quo res expostulauerit uenturus: ipseque Daualus literis manu sua (ut efficaciores essent ad persuadendum) conscriptis commemorat se uiginti dies, totidemque nocteis festinando Massiliae usque iter fecisse, ut rebus Caesareis, & Sfortianis suppetias ferret: & ne amitteret partitoties contra Gallum gloria: orareque propterea ne in re tam necessaria sibi met deesset, cum tot bellorum duces, ipseque semper uictor exercitus non solum opes: sed animam etiam, ac sanguinem ipsum offerret pro rerum Mediolanensium defensione. Quo nuncio uespere accepto, cum sub diei cre-

pusculum Princeps discedens Papiam uenisset cum aulicis, & magno ciuium suorū numero: qui undiq; urbe effluxerant ne Gallum, contraquem sepius arma sumpserant, Mediolani uiderent imperantem, offendit duces, exercitumq; omnem Papiā discessisse: exceptis duntaxat Germanis pedibus: qui paulo ante eo applicuerant. At Sfortia, & Moronus nihil differendum rati (& si de uia fessi non solum homines: sed iumenta etiam essent) statim Mediolanum gressum dirigunt: uixq; duo milliaria prætergressi erant, cum Ferdinandus Castriota, qui tormentis & machinis adducendis præerat, præmissis aliquot ex equitibus suis Sfortiam pene uenientem admonet magnas Gallorum copias tam pedestreis, q̃ equestreis, postquam Cæsarianus exercitus Binas cum fuisset prætergressus, aduenisse: nocteq; proxima maiorem partem exercitus hostium cis flumē Ticinum esse profectam: & propterea se occlusa uia cū tormentis Papiā reuerti. Atq; ideo Sfortia regressus Lanoio, & cæteris Cæsarianis ducibus, qui Mediolanum uenerant, frustra expectatus maximam de se malē cogitandi occasionem dedit. Nam, cum neque uallum urbis refectum offendissent: neq; farinā ad panem cōficiendum, aut lignorum

gnorum copiam in ciuitate esse intellexissent, pœnituit eos cœpti consilij, Principe præsertim, & Morono absentibus: quorum studio superioribus in bellis totum populum habuerant obsequentissimum. Itaq; nescire eo tempore unde fossiles ad reficiendos aggeres, & munienda mœnia, et instrumenta ad opus faciendum habere possent: & in tanta rerum difficultate, iam Gallis cis Ticinum castramerantibus, incertis rumoribus ferebatur Sfortiam, & Moronum cum Gallo consentire contra Cæsarem: eaq; ratione in tanto belli motu Mediolano abfuisse. Quare omnibus exercitus Cæsarei ducibus mandatur, ut in sequentem diem copias instruant, quo decretum fuerit, profecturi. Gallus autem, q̄ omnem spem uictoriæ in celeritate posuerat, instructis ordinib; Mediolano appropinquabat. Quod sentientes Cæsariani cōfestim milites exire, & uia Laudensi iter facere iubent: uixq; Daualus, qui in ultimis ad portam urbis remanserat, ut instructo ordine; & sine fugæ specie progredierentur, porta Romana egressus erat, cum per Ticinensem, & Vercellensem Gallicus exercitus ingressus est: qui si eo die relicto Mediolano insequeretur Cæsarianos, nemini dubium est, quin eo ipso die debellatum

fuisset. Nullius enim erat operę hostem ab-
 iectis magna ex parte armis, amissisq; equis:
 tam longo iunere fatigatum ad internecio-
 nem cedere, uel turpiter abeuntem com-
 pellere in preceptis. Sed nimia Regis (ut cre-
 ditur) potiundi Mediolani cupiditas, in cu-
 ius oppugnatione duobus superioribus
 bellis eius duces frustra tot mensibus incu-
 buerant, ipsum hoc praeuidere non permi-
 sit. Cæterum Rex ut semper fuit clementis-
 simus, ita nihil hostile in ciuitate fieri uoluit,
 quin paucos, præter eos, qui arcem obses-
 suri erant, ciuitatem introire passus, imple-
 ne eam quidem uoluit uidere, quoniam
 nix confecto bello muris se tenere haud de-
 corum esse existimabat. Interea cum amis-
 se urbis nunciū Sfortia accepisset, relictis
 Papię quinque Germanorum peditum mil-
 libus, una cum Morono, & magna Medi-
 olanensium caterua secundo Padi flumine,
 Cremonam ire pergit existimans id, quod
 paulopost contigit, Regem cum exercitu
 ad oppugnandam Papiam primum uen-
 turum, ut eam ciuitatem, & tormenta belli-
 ca, quę omnia ibi Cæsariani habebant, in
 potestatem redigeret. Quod Antonius Le-
 ua, qui in urbe cum Germanis, & aliquot
 Hispanis militibus remanserat, ita fore haud
 dubitans excubias, stationesq; militum cir-
 cum

cum mœnia disponit, molas etiam trusati-
les quamplureis, quanta potest celeritate,
 parari iubet, ne cis, transq; Ticinum à Gal-
 lo obsessus, omnibusq; molis, quæ pluri-
 mæ in fluuio erant, exclusus panis penu-
ria laboraret: deligit quoq; nonnullos Pa-
 pienseis, qui triticum, uinum, & reliquum
 commeatum in urbe describerent: & quia
 militibus stipendium unde daret, non ha-
 bebat, ipsos a ciuibus ali uoluit sumptib;
 iuxta cuiusq; facultates æqualiter distribu-
 tis. Atq; ut plurimis belli necessitatibus, q-
 bus pecunia opus erat, non deesset, sacro,
 profanoq; argento passim collecto mone-
ram excussit: in qua ad posterorum memo-
 riam signatū fuit, CÆSARIANI PA-
 PIÆ OBSESSI. M. D. XXIII. In-
 terea Lanius relicto in urbe Laudæ præ-
 sidio, in Cremonensem agrum se contulit:
 statimq; Moronum, cuius industriam, &
 prouidentiam in superiore bello cogno-
 uerat, ad se per litteras euocauit: & cum il-
 lo congressus, perspexit antea se, & de Du-
 ce, & de ipso Morono diuersi consilij ne-
 tas iniuria suspicatum esse, auditq; ibi Re-
 gis ad oppugnandam Papiam profectio-
 ne, coacto concilio, exquisitisq; ducū sen-
 tentiis, nonnulli Germanum peditatum
 minus aptum existimabant ad ferendam

obsidionem, nec sine stipendio, quamuis
 alerentur, credebant militię onus laturos:
 & iccirco duo millia Italorum peditum, q
 Alexandrię subfisterant, ea urbe, tanquam
 minus opportuna, derelicta, Papiam euo
 cari suadebant. Sed postremo uicit melior
 sententia. sero, s. pedites Alexandria uen
 turos: minusq; esse conueniens eam ciuita
 tem deserere: qua iter Genuam, & inde in
 Hispaniam esset, præsertim cum a Gallo
 iam cis Ticinum profecto minime uimen
 dum foret, ut magnas uireis adduceret ad
 Alexandriam oppugnandam. Quare eo
enixius operam esse dandam, ne Papia eo
 tempore amitteretur: quę facile in fide con
 tineri posset. Illud etiam multo magis esse
 aduertendum, si Germani inde educantur,
 ut ex alia natione imponatur præsidium,
 ipsos iustam irascendi causam habituros,
 quod eis minime duces confidere uideren
 tur: hominesq; suspiciosos, & iracundos
 fortasse ciuitatem hosti esse tradituros; &
 propterea, cum nulla, nisi in Germanis, ur
 bis defendendę spes reliqua esset, decernūt
exercitum quamprimum instaurandum,
 augendumq; esse nouo Germano pedita
 tu: ad quem conducendum Lanoius cum
 pecunijs certos homines miserat. Iniunctū
 est insuper Ferdinando Daualo: ut adiun-
 cto

Et secum Morono, cum Hispano pedita-
 tu Laudem Pompeiam contineat, tanquā
 urbem maximē opportunam ad bellum,
 & ad instruendum exercitum propter flu-
 uium Abduā: urbis muros alluentem: ul-
 tra quem omnia pacata erant: ne, si fortē
 Gallus eo diuertisset, non solum Papiæ ob-
 sessis succurrendi, ubi supplementum ex
 Germania aduenerit, opportunitas amit-
 teretur: sed tota etiam transaduanā ora,
 & Cremonensis ager in hostis potestatem
 perueniret. Interim Rex ad motis tormen-
 tis: Papiæ muros pluribus in locis quassare,
mox instructa acie, qua magis mœnia diru-
ta erant, milites fossas transire, & murum
ascendere iubet. Sed Germanis, & alijs, q-
 • intus erant, repugnantibus non sine mul-
 torum cæde Gallicus exercitus repellitur.
 Itaq; uim frustra expertus Ticinum fluuiū,
 qui in duo scinditur cornua, alteroq; tan-
 tum ciuitatem alluit, aggeribus in alueo fa-
ctis tentat diuertere. Sed ubi iam immen-
 sos in opere fecisset sumptus, tantæ de cœ-
 lo deciderunt pluuiæ, ut nimia aquarum
 ui tota moles corrueret. Quamobrem ob-
 sessi Cæsariani ab ea parte, qua fluuius præ-
 terlabitur, fossa præalta, & uallo murum,
 qui tenuis admodum erat, confestim repa-
 rant ita, ut si hostis (quod deinde euenit)

iterum fluuiū diuertisset, possent nō minus
 ab ea parte, quam ab alijs aduersus exerci-
 tum Gallicum sese tueri. Verum Rex, qui
 totis uiribus, totoq; animo erat intentus
 non solum Cæsarianos ditione Mediola-
 nensi: sed etiam regno Neapolitano expel-
lere, cum Clemente VII. Pont. agit per Al-
 bertum, Carporum principem oratorem
 suum, & Io. Maſthæum Gibertum, ipsius
 Pont. Datarium, qui ad se in castra uenerat,
 ut secū in gratiam redeat obliteratis odijs,
 quæ Leonis X. tempore exorta erant: eo-
 rumq; hortatu Ioannem Scotum, Albanie
 ducem cum decē millibus peditum, & sex
 centis equitibus, ac cum Rentio Cerro, &
 plurimis ex Vrsina familia, quæ Gallicæ fa-
 ctioni semper studuit, ad inuadendum re-
 gnum Neapolitanum mittit: simulque dat
 operam, ut magna sulphurei pulueris, &
ferrearum pilarum summa in tormentorū
usus ab Alphonso Estensi, Ferrariensium
 duce mutuo accepta per milites, qui Padū
 cum Albanie duce transierant, ad se addu-
 ceretur, præsertim quia Lanoius, & Daua-
 lus cognita Gallorum trans Padum profe-
 ctione, relicto in urbe Laudæ modico præ-
 sidio: ad impediendum hostium conatum,
 cum omni exercitus robore Padum tran-
 sibant, Cum enim Regem huiusmodi rerū
 appara

apparatu plurimū egere audiuiſſent, exi-
ſtimabant ob id ſolum Gallicas copias Pa-
dum tranſſiſſe: nec veriſimile putabant Me-
diolanenſi imperfecta expeditione Gallos
Neapolitanam (quod uarijs iam rumori-
bus ferebatur) tentaturos. Itaq; cum Mon-
ticellum Cæſariani applicuiſſent: oppidū
trans Padum Placentiā uerſus: quinq; milli-
bus paſſuum à Cremona ſitum, Fidentio-
lam ſeſe poſtero die conferre decreuerant,
niſi per leuis armaturæ equites quidam Re-
gis cubicularius, & alter amanuenſis Alba-
niꝯ ducis captiui in caſtra fuiſſent adducti:
ex quibus cognouēre Gallos, qui trans Pa-
dum proſecti erant, à Rege admonitos fu-
iſſe, ut omni ſtudio conarētur hoſtem à Pa-
di ripa abducere: ut cum procul abeſſet,
iſpe poſſet armatis aliquot nauibus (cum
breui itinere Papiā Cremonam ſecundū
fluuij curſum tendatur) pontem occupa-
re, quem Cæſariani paulo ſupra Cremon-
nam inſtruxerant. Atq; ita hoſtibus Pado
excluſiſſe totam ipſenemine repugnantedi-
tionem Mediolanenſem facilius occupa-
ret. Quod haud difficile factu perſpicien-
tes Cæſariani/Monticelli ſeſe continent, p̄-
ſertim q̄ Regi, & eius copijs ſe minus pa-
res ſperabant cum rebus ceteris, tum pecu-
nia: quæ ſegniter à Cæſare ſubminiſtrabat:

& Romanus Pontifex, & Florētia Resp. ut in superioribus bellis consueuerant, nō solum non iuuabant: sed iam aperte fauebant Gallo: & nuncijs, ac literis Pontifex hortabatur, ut Lanoius relicta cisalpina Gallia: cum exercitu in Neapolitanum regnū reuerteretur, pollicitus Regem; mutato cōsilio: ab expeditione Neapolis temperatum. Neq; solum Pontificiæ, & Florentinæ pecuniæ Lanoio deerant: sed ab ipsa etiam Neapoli, & à Duce Mediolani, cui ferè sola Cremona relinquebatur, ne minimā quidem partem eius, quæ fuisset usui in tanto bello, percipere poterat ira, ut necesse fore prospiceret stipendiū defectu nō modo exercitum augeri non posse: sed breui dissolutum iri. Non parū etiam angebatur Veneti Cæsaris: superiore anno fœderē coniūcti ex pacto debitas auxiliareis copias mittere detrectabant: neq; oratores, qui Cæsaris, Francisci Sfortiæ nomine crebro Venetias, & ad Urbini ducem propterea mittebantur, quicquā proficiebant. Id. s. effecerat timor potentissimi Regis: aduersus quem pugnando maius in se odium nolebant concitare, & maxime etiam illos mouebat suspicio non ab re concepta: ne, si forte Cæsariani aduersus Gallum uictores existissent, eiecto Sfortia Mediolanense imperi-

perium ipsi occuparent: quod ualde eos
angebat. Verebantur enim ne potentioris
uicinitas aliquando ipsorum Reipub. offi
cere posset. Quare Carolus Lanoius, eius
que consiliarij conditionibus opera Pon
tificis à Rege acceptis, relictis Insucribus:
cum exercitu in Neapolitanum regnum
reuerſi optimum esse existimabant. Id quod
culdubio fecissent, nisi Daualus, qui & rei
militaris sciētia, & magnanimitate primas
parteis in exercitu obtinebat, ac etiam Hie
ronymus Moronus summam turpitudi
nē esse prædicassent additis nuper sex mil
libus Germanorum peditum, totidemque
paulopost in auxiliū uenturis, de discessu
tum differere, cum de pugna cogitandum
esset: affirmantes, nisi frustra tempus tera
tur, exercitum Cæsari addictissimum, & tā
longo stipendio ditatum posse aliquot ad
huc dies exigua pecunia contineri, modo
Germanis nuper adductis non desit unde
seſe alere possint: nec pro uirili Sfortiā Du
cem impræſens (ut antea semper fecit) de
futurum: cuius exemplo debere Lano
ium non modo Neapoli quam maxi
mam possit, pecuniam cogere: sed pri
uata etiam uasa aurea, & argentea ipsum,
& reliquos duces pro sustinendo bello cō
ferre. Quę sententia cū uicisset, omnes eis

Padum regressi Laudem Pompeiam pro
 ficiscuntur: materiamque omnem tormenta-
riam ad Regem deferri permittunt. Atque
 ut contra exercitum hostilem (si Neapolim
 peteret) non deesset praesidium, Lanius
 Honoratum Caietanum unum e primori-
 bus, qui apud se essent, Neapolim mittit:
 ac per proceres, & principes regni Nea-
 politani equites, peditesque deligi mandat
 ad uim repellendam. Ipse interea Daualus,
 qui maiore spe bellum moliebatur, animo
 que iam conceperat cum ipso Rege belli for-
tunam (ubi Germani omnes aduenissent)
experiri: ne quid sibi a tergo relinqueret,
 cum omnibus fere copiis pergit ad Cassi-
 ani arcem, supra Abduam recipiendam:
 quam Galli primis belli diebus occupaue-
 rant: admotisque tormentis, ubi nullum pro-
 pugnatorem auxilium mitti senserunt, uita-
 tantum incolumem paciscentes relictis ar-
 mis, impedimentisque omnibus: ex pacto
 ad suos reuertuntur: magnusque tum Gallos,
 qui Mediolani erant, inuasit timor, ne ad
 urbem occupandam Caesariani pergerent:
 quod quidem iccirco semper dissuaserat
 Moronus, ne Hispanus miles occasione
 nactus non ante ciuitate (si ea potiri conti-
 gisset) uellet excedere, quam stipendium
 iamdiu debitum acciperet. Quare praesidio
arce

arci in deditiōem acceptæ imposito, ad
ciuitatem Laudem omnes reuerſi ſunt: ibi
que ex literis Antonij Leuæ cognouerūt
Germanos Papiæ obſeſſos pecuniam effla
gitare, minitariq; ciuitatem hoſti tradere,
niſi ſtipendium penderetur. Daualus igit,
& Moronus, quibus uictoriæ nanciſcen
dæ maior cura inerat, cum neq; præſentē
haberent pecuniam, neq; fieri poſſet, ut eo
tempore, etiam ſi affuiſſet, Papiam depor
taretur, uaſrefacto Germanos quietos red
dere ſtatuunt. Duos itaq; homines deli
gunt fide, & industria præditos: qui cum
equis: uino onuſtis: conferant ſeſe in caſtra
regia: triaq; millia aureorum in uaſe uina
rio occludunt. Quāmobrem, ubi Papiæ
erant propiora hoſtis caſtra, tabernaculū
ponunt, tanquam uinum uendituri. Intē
rea literis ignotis characteribus ſcriptis An
tonius Leua in urbe de tota re edocetur: q
extemplo ab ea parte, qua ſignum datum
erat, complureis milites ad leue prælium
emittit: dumq; acriter in caſtris ad arma cō
clamatur, tabernaculaq; & tentoria tollun
tur, ob hoſtium timorem, alter ex ijs, qui
deferendæ in urbem pecuniæ prouinciā
ſumpſerat, fracto uaſe uinario, & arrepta
pecunia inter tumultum elapſus Papiam
ingreditur: & ad Antoniū Leuā adduct^o

LIBER

significat se pecuniā portasse, non ut Germanis omnibus satisfieri posset: sed ut ducum, qui foris exercitum gubernabant, satisfaciendi studium perspicerent: simulq; intelligerent quanto cum discrimine illud, quicquid erat pecuniæ, attulissent: Dauali que, ac cæterorum ducum nomine obsecrat, ne in tam diuturno bello, quod tanto sumptu sustinetur, amittendæ pecuniæ auctores esse uelit. Germanus miles, qui nuncium dicere, ac Daualum uera scribere cognoscebat, seditionem non modo cōpresitiam excitatam: sed usq; ad belli exitum a petendo etiā stipendio abstinuit. Per eosdem etiā dies præfectus Germanorū Papię moritur ex acuta febre, uel (ut multi existimauere) incerto ueneno, cum haud mediocris esset suspicio illum cū Rege ad prodendam ciuitatem consentire: & ne tur multus inter milites excitaretur, si aut in iudicium uocatus fuisset, aut uiolenter trucidaretur, tutius consilium nonnulli captū fuisse affirmarunt illū de medio ea uia tollere. Interea cum e Germania sex insuper pedum millia Laudem Pompeiam aduenirent, & persæpe ipsum Lanoium Neapolim reuerti uolentem, Daualus tandem cōsilium mutare coëgisset, Moronusq; Cremona tantū pecunię attulisset, quantiū satis esset

esset ad equitatū hybernīs mouendum, & aduersus hostem deducendum, quantum que ad prouidendum sufficeret, ut operari, tormentorum apparatus, funeis, & feramenta cū reliquis belli instrumentis non decissent, ipse Daualus, cui a Carolo Lano io cura belli gerendi, propter magnā rerū omnium difficultatem, relinquebatur, ut miro ardore flagrabat immortalē sibi gloriā comparandī, ita omnia ad bellum necessaria Morono strenuam operam eidem præstante præparat: ducesq; & cohortiū centuriones hortatur, ad prosequendum bellum et necessarium, & gloriosum: cum que omneis fermē benē animatos agnouisset, conuocatis Hispanis peditibus, a quibus summoperē colebatur, & in quorum promptitudine, & militandi peritiā maximā uictoriæ reposuerat spem, suggestū ascendens, ut facile ab omnibus audiri posset, in hanc sententiā orationem habuit. Nisi uos hactenus commilitones agnouissem, quæcunq; bellorum discrimina glorię uestræ, & Cæsarei nominis amplificationi post habuisse, profecto absq; stipendio aduersus hostem educere posse non confiderem. Sed cum animaduerto eosdem uos esse, qui proximis annis Gallum Mediola no non modo fortiter expulistis: sed etiā

LIBER

cum magna copiarum multitudine reuer-
sum acie profligastis, & tandem Italia coë-
gistis turpiter abscedere, spei plenus timor-
rem omnem abijcio : certamq; uictoriam :
uestra uirtute fretus, mihi polliceri posse ui-
deor. Quin Regē ipsum, qui nunc adsit,
non maiores uireis ad bellum afferre: sed,
si uictus fuerit, plus prædæ allaturum existi-
mo : atq; illum in Italiam hoc tempore de-
scendisse uerisimile est, quia suis iam ter in-
de pulsus nihil ultra confidat : tantoq; facili-
us eum uinci posse arbitror, quanto nimio
animi ardore uno, eodēq; tempore & Pa-
piam urbem munitissimā frustra treis men-
seis oppugnet: & exercitus partem ad ten-
tandum regnum Neapolitanū mittat, qua-
si copias nostras ad hunc diem semper in-
uictas contemnat, quia penuria rei num-
mariaē paululum laboremus. Quod qui-
dem uos minimè mouere debet, qui tot an-
nos Cæsaris auspicijs militastis: & licet ali-
quando sera : tamen debita semper stipen-
dia retulistis, quæ neq; hoc tempore amit-
tetis, cū paulo ante literis certior redditus
sim in Hispaniam ingentem auri summam
mercatoribus Genuensibus numeratam
esse, ut paulopost Genuę in uestrum usum
reddatur, Quod si de amittendo stipendio
nonnulli fortasse timent: nihil huiusmodi,
nisi

nisi hoste uictore metuendū est, quoniam uobis uictoribus ab omnibus Italię, & Gallię locis pecunia minime defutura est: uictoriamq; ē manibus nostris uix elabi posse arbitror, si in aciem descendere, & paucos dies stipendiorum solutionem expectare uoueritis, tot hostibus deuictis, tot ciuitatibus, & oppidis expugnatis aliquando ditati. Iam hostis non amplius duorū dierum itinere abest: breui possumus (modo ipsi non detrectaueritis) manū cum eo conferere: cui & numero, & fortitudine præstamus. Nec uereor, ut Rex obstinato quodam animo nunquam se Papiā abscessurum, nisi ea recepta, prædicat: quinetiā uiribus inferior, ne obsessis opem ferri patiatur, ad pugnam descensurus sit. Quod, si forte præter multorum opinionem non præstiterit: tamen æquum est eos, qui Papię inclusi sunt, & pro salute reliqui exercitus sese iam tertium mensem obsideri patiuntur, liberare: maxime etiam gloriosum est cogere potentissimum Regem ad relinquendā iamdiu cœptam obsidionem. Cæterum tantum mihi desiderium cum ipso dimicandi quotidie suggestitur, ut (si fors pugnam obtulerit) sperem illum nullo modo manus nostras euasurum: gloriamq;, & nomen Cæsaris, ac uestrum adeo au-

etum iri, ut, non modo toti Italię, & Gallię
 formidandum sit: sed leges etiam impone
 re debeat. Audita Dauali hortatione cum
 non solum Duces: sed milites etiā sese ala
 creis exhibuissent ad pugna, offerrentq;
 quoties iussisset, contra hostem exire, Ger
 manum peditatum etiam admonebat, par
 te stipendiј accepta; quo cibaria in castris
 emere possent, reliquum expectare ne gra
 uentur, quod ubi antea ab Hispanis pro
 missum fuisse audiuerunt, pariter sese idē
 facturos pollicentur. Reliquum igitur erat
 id etiā equitibus persuadere: qui iam mul
 to ante stipendium non acceperant: & dif
 ficiliores ad id faciendū uidebantur. Qua
 re ad diuersa orę transabduanę, & Cremo
 nensis ditioris loca, ubi hyberna agebant,
 Daualus profectus eis persuasit, ut parte sti
 pendij accepta, & ipsi militare non recusa
 rent. Atq; ita rebus cum exercitu constitu
 tis, Cæsariani hyeme nondum exacta, Meli
 gnanum primum profecti sunt, ut Medio
 lano ad decem millia passuum propinqui
 experirentur, an Galli metu urbem essent
deserturi. Sed postquam cognitum est nul
 la signa timoris edere, mutato consilio, ad
 expugnandum oppidum Sancti Angeli
 reuertuntur: qđ ferme mediū est inter Lau
 dem urbem, & Papiam; neq; id ab re. Nā
 nisi

nisi eo expugnato à ciuitate Laudæ, ubi q̄
commeatum adducebant, frequentes con
ueniebant quotidie, nulla fermè cibaria ad
exercitum deferri potuissent. Erant autem
in oppido pedites Itali octingenti cum du
centis equitibus: sub Pyrrho Gonzaga:
& paulo ante Rex hostium aduentum ti
mens Iacobum Cabaneum, magistrū equi
tum, & Federicum ipsius Pyrrhi fratrem
eo miserat, ut perspicerent an oppidū ad
uersus hostem satis munitum esset, & qua
les militū animi uiderentur, amboq; Regi
retulerant omnia diligenter prouisa esse.
Sed Daualus: dispositis tormentis, ut pri
mum mœnia lustrauit, ad Moronum, qui
pedibus ægrotus: in urbe Laudæ substite
rat, scripsit se in posterum diem tormento
rum ui oppidum quassaturum, oppugna
turum, atq; expugnaturū: resq; literas cō
p̄bavit. Prostratis enim aliquot speculis,
ex quib; ppugnatores tela, et scloppos emit
tebant, omnes, qui præsidio intus erant, re
licta murorum defensione intra arcem sese
recipiunt. Tunc Daualus cum paucis mi
litibus fossam (aqua enim: licet profunda
esset, carebat) ingressus ab Hispano Centu
rione, qui lapidū fragmenta manibus ap
prehendens pileum rubrum lancea paulū
supra muri altitudinem eleuari iubet, dein

L I B E R

apprehensum puerū toto capite supra mu-
 rum extollit: cumq; nemo in eum eiacula-
 retur, oppidi defensores aufugisse existi-
 mans Hispanus saltu in murum euadit:
 Hunc statim insequutus est ipse Daualus.
 Quamobrem admirati milites non solum
 ducis prudentiam: sed etiam magnanimi-
 tatem, per muros introire in oppidum per-
 gunt, donec per ingressos reclusa porta:
 aditus omnibus patefactus est. Nec maio-
 rem defensionē qui in arcem confugerant,
 fecere. Quin statim omnes sese Daualo de-
 diderunt: quos equis tantum, armisq; dem-
 ptis, exceptis eorum ducibus, in columeis
 cum uestimentis abire permisit, ea conditi-
 one, ut trans Abduam sese reciperent: nec
 nisi post exactum mensem, contra Cæsaris
 exercitum rursus militarent. Quo effectū
 est, ut eo die, præter adeptam gloriā, haud
 mediocrem etiam beneuolentiam hostiū
 Daualus sibi conciliarit. Igitur Rex expu-
 gnatione Sancti Angeli audita, cum Cæsa-
 rianos aduersum se quamprimum profe-
 cturos minime dubitaret, ne (quod initio
 nullo modo facere statuerat) ab obsidione
 Papiensi recedere cogeretur, omneis copi-
 as, præter paucas, quæ trans Ticinum ad
 continendos in fide populorum animos
intra oppida hyemabant, in unum contra-
 hit;

hic: &, ut obsessis auxilium ferri prohiberet, in ualle, quam Vernaula riuus perfluat exercitum collocat ab ea parte, qua Cæsariani uenturi erant. Atq; ut tutior contra hostem foret, iam dudum Ioannem Medicem cum tribus peditum millibus, & trecentis equitibus conduxerat Sfortie in sensum, qd ab eo, cuius stipendijs hactenus militauerat, Gallo iam acriter bellum gerente non accersiretur. Multos etiam alios duces Italiçi generis sollicitat, et præsertim Guidonem Rangonium, Mutinensem, magni nominis uirum, & Franciscum eius fratrem, ac præcipue Io. Ludouicum Palauicinum, qui, & si in Gallum ob supplicium Manfredi fratris aliquãdiu male animatus fuisset: tamen, ut contra Saluatorum familiam, et Ioannem Medicem, quorum potentiam ob Pontificis affinitatem formidolosam habebat, præsidium sibi pararet, postq; pecuniarum inopia à Francisco Sfortia, & Cæsarianis militum præfecturam habere non potuit, quinquaginta equitum ductorem, & peditum tribunum, se Regi requirenti obtulit. Euocati etiam a Rege sunt duo milia peditum Italicorum: Massilia nuper Saonam profecti, ubi superiore estate pro eius urbis defensione/ sub Rentio Cerro militauerant. Sed dum propè flumen Urbæ in a

grum Alexandrinū peruenissent, Gaspar Maynus Mediolanensis, qui ab initio bellum cum mille & seprengentis peditibus Alexandriae tutandæ præfectus fuerat, cū parua militū manu urbe egressus, illos de uia fessos, nihilq; tale cogitanteis offendit: atq; animose facto impetu eos, postq; paululū substitissent, fugat: fugienteisq; insequitur, usq; ad oppidū Castellatium: Cumq; unā ingressus esset, paucis eorum cæsis; cæteri sese dedidere. At Maynus armis, equisq; hostibus tantūmodo demptis; omneis incolumeis, præter duos centuriones, dimisit: & non paruam inde retulit laudem, capris præsertim in ea pugna decem & septē uexillis. Per id etiam tempus cum in castris Regis militarent peditum Chrysonū circiter sex millia, Io. Iacobus Medices Mediolanensis, qui arcis Mussi iuxta Larium lacū præfecturam gerebat, uasfrē facto illos à Galli auxilio ita reuocare aggressus est. Clauena Rhetorum oppidum est, non longe à lacus summo, ubi arx supra collē erat, à domibus, quę in oppido frequētes sunt, haud mediocri interuallo seiuſta: qua, dū præfectus nihil tale suspicatus fortē egressus esset, à Medicis militibus, qui nō longē ab arce inter quasdam rupeis collocati, erāt in insidijs, comprehenditur; accerlitq; ad por-

portam præfecti uxor/timens coniugi, quē
mīlites strictis gladijs occidere minitaban-
tur, nisi statim arcē traderet, illos intromit-
tit. Atq; ita Medices: accepto à suis peracti
facinoris signo: cum trecentis pedibus,
quos propinquos iam adduxerat, per ar-
cem ingressus/oppidum in potestatem re-
digit: ac confestim tumultu in locis uicinis
excitato/non solum Chrysones, qui domi
erant, in armis fuerunt: sed eos etiam, qui
cum Rege apud Papiam militabant, per li-
teras reuocarunt, & cum non profecissent
literę, bonorum proscriptionē minati om-
neis in patriam reuerti quamprimum iussē-
re: quod quidem Regi plurimum obfuit.
Nam cum hostes ad teli iactum propin-
qui essent, discessus sex millium pedum,
præter attenuationem exercitus, cæterorū
etiam fregit animos. Iamq; uincendi totā
spem duabus tantum in rebus Rex posue-
rat, unam scilicet in hostium rei pecuniarię
inopia, quæ tanta erat, ut Germanis pediti-
bus singulis sex diebus dimidiū numi au-
rei daretur, quo uix panē emere possent: et
Hispani pedites/transacto tempore, quo
absq; stipendio in castris permanere Daua-
lo polliciti fuerant, iniussu ducum passim
prædam quærentes abirent: neq; in castris,
nisi magna cū difficultate, reuocarent: ita

ut ad eos cōtinendos necesse fuerit tantam
 ritici, & uini summam singulis eorum co-
hortibus dare, quantum se abſq; carne,
 aut alio obſonij genere alere poſſent, qđ
 nequaquam tamen fieri potuiſſet, niſi Mo-
 ronus euentura multo ante proſpiciens
 caſtellum caſtris propinquū, in quod ma-
 gna uini, & frugum copia ex proximis uil-
 lis conuecta fuerat, ne à militibus diripere-
 tur, magna diligentia ſeruari curaſſet. Al-
 tera ſupererat ſpes in ijs copijs, quas iam
 delegerat Palauicinus: cui Rex mandaue-
 rat, ut Cremonam modico Sfortianorum
 præſidio munitam occupare conaretur: et
 quam maxime poſſet, commectum, qui in
 de ad hoſtium caſtra deferebatur, impedi-
ret. Quamobrēm ille conſeſſim cis Padum
 cum peditū duobus millibus, & quadrin-
 gentis equitibus proſectus Caſale maius
 ingreditur: & quia nulla mœnia cingebāt,
carris, uasis uinaris, cratibus, aggeribus
 quę, ut commodius poteſt, oppidum fir-
 mar: mox equeſtri procella uiatores, & co-
lonos uillarum deterrere, & populari cœ-
 pit. Quapropter Sfortia, qui Cremonæ
ſubſtiterat, magnis anxius curis ægrē à ci-
 uibus, qui iam multa tributa contulerant,
tantum æris exigit, quantum ſatis eſſet ad
pedites mille quadringentos cōtinendos:
 quos

Quos cū paucis equitibus sub Rodulpho Varano Camerinenſi militantiſus, & cū leuis armaturæ turma ad cōporis ſui cuſtodiam antea delecta, Alexandro Bentiuolo Bononiēſi parere iubet: qui uel hoſte numero inferior, quamprimum Caſale maius contendit; Palauicinus igitur, & ſi propediem Franciſcum Rangonium Mutinēſem cum peditum, & equitum manu uenturum ad ſe non ignoraret: tamen parum ſibi à Sfortianis impreſentia timendū ratus, cum copijs ad pugnaē egreſſus equites Bentiuoli primum in fugam uertit: ſed ubi Sfortiani omnes aduenerunt, reſque cominus geri cōpta eſt, et Bentiuoli, & militem eius fortitudine pauliſper, qui cum Palauicino erant, pedem retroferunt, donec ipſe enix⁹ ſuis animos addere in Sfortianos: impetu facta equo excuſſus: uiuus in hoſtium uenit poteſtatem. Atq; ita fuga undiq; exoritur: & Sfortiani hoſteis inlequuti una oppidum ingrediuntur. Capit permulti ex hoſtibus fuere, plures tamen diuerſa in loca abierant, neq; ullo poſtea in loco ſedem firmarunt. Magnam laudē huius pugnae ſucceſſu Bentiuolus retulit: tantumq; præſidij rebus Cæſaris, & Sfortianis attuliſſe uiſus eſt, ut benē de toto bello ſperare cōptum ſit: ipſiq; Sfortia, & Cæſa

riani duces magna læticia ex tã foelici euen-
 tu affecti sunt. Imprimisq; Daualus nihil
 cogitabat, nisi quomodo cum Rege absq;
 loci incommodo congredi posset, sperans
 quemadmodum & ipse, & reliqui, qui Cæ-
 sari fauebant, in leuibus prælijs semper su-
periores extiterant, ita etiam, si tota acie de-
certaret, uictoriã penes se fore: cuiusq; erat
 studium per diem plureis horas in equo
 esse, & castra hostium circumquaq; lustra-
 re, ut quo in loco Heluethi, in quo Itali pedi-
 tes stationem agerent, ubi equitatus mora-
retur, ubi tormenta essent hostilia non mi-
 nus ipse, quam hostis sciret: folias etiam
agrorum, uias, exitus, ingressusq; omneis
 uiarum propinquos optime callebat. No-
 ctu uero sæpe ad arma hostem excitabat;
 & modo à fronte, modo à latere ugens
 aliquando integras cohorteis cæcidit. Quo
 effectum erat, ut formidabilis Cælarianus
 exercitus Gallo iam esset, optimeq; consu-
 lere uidebatur Albertus Carpensis, qui Ro-
 ma Pontificis nomine certos nuncios ad
 Regem mittebat, ut omnino decertandi
 occasionem uitaret: exercitumq; ita com-
muniret, ut necessitate adductus cogi non
 posset ad pugnam. Breui enim fore, ut ex-
 ercitus hostilis pecuniæ defectu dissoluere-
 tur. At Rex, & si uera Carpentem suadere
 cogno

cognosceret, & magno suo incommodo pauloante Ioannes Medices idem belli sci-
entissimus, atq; audacissimus in uelitari pu-
gna scloppo: iuxta pedis talum uulnera-
tus fuisset ita, ut præ effracti ossis dolore
Placentiam naue secessisset: tamen magno
sibi dedecori fore existimans, si Papiensem
obsidionem ob timorem intermitteret, mi-
nimè eos audiebat, qui inde discedere con-
sulebant. Cæterum Daualus, qui exerci-
tum suum eo uidebat adductum, ut (nisi
celerem reportaret uictoriam) paulopost
discedendi necessitatem esset habiturus,
euocatis in castra militibus, qui aberant,
ac rebus omnibus ad pugnam paratis, ex
omnium ducum sententia media nocte ca-
stra mouit: equitumq; duas, peditum au-
tem quatuor acies instruxit: quarum pri-
mam ex duobus millibus Germanorum,
totidemq; Hispanis admixtis Italis consti-
tuit: secundam ex solo Hispano peditatu:
tertiam, & quartam ex Germano: cumq;
Rex exercitum omnem inter castra Cæsa-
riana, & Papiam haberet, à fronte, à tergo,
& à sinistro latere præaltis fossis, & uallo
castra munierat: à dextro autem muro Bar-
ci Papiensis se tutum esse credebat, præser-
tim quoniam intra palatium/Mirabellum
nuncupatum, ubi antiquitus Duces Me-

diolanēſes, cum uenationi darent operam,
 habitare ſoliti erant, nonnullas equitum
 turmas, & peditum cohorreis diſpoſuiſ-
ſet. Sed Daualus inſtructo exercitu per ſa-
bros lapidarios, militum etiam auxilio ſe
 xaginta muri paſſus tanto ſilentio proſtra-
uit, ut ſtrepitus ab hoſte nuſquam fuerit
 auditus. Itaq; cum Barcum ingreſſus eſſet,
 prima peditum acies, cui Alphoſus Da
 ualus, Vaſti Ammonis princeps præerat,
 Mirabellum: reliquum uero exercitus ad
 Regia caſtra contendit: quo factum eſt, ut
 conſeſſim ad arma in exercitu Gallico cō-
clamaretur. At Rex cuius caſtra ſuperiori-
 bus noctibus aliquot in locis ab Hiſpanis
infeſtata fuerant, ſuſpicatus Cæſarianos
 Mirabellum proficiſci, propterea quod in
 tra Barcum hoſteis ueniſſe pleriq; renun-
 ciarent, ſuis ſtatim opem ferre decreuit.
 Iuſſis igitur militibus arma capere, caſtro-
rum relicta munitione: Cæſarianis æquo
 loco pugnandi fecit poteſtatem: & cum
 primum agmen Hiſpanorum obuiam ha-
buiſſet, à ſcloppetarijs, quibus plurimum
 ea gens ualeat, Gallorum primi multa cæ-
 de, & ſanguine coguntur retrocedere, do-
 nec Heluetij pedites, equitatusque à latere
 urgens Hiſpanos repellunt, ſed ſubſequu-
 ti Germani in cuneatam frontem aciem
 porri-

porrigentes Heluetios post magnam illa-
ram cædem profligant. Tum Rex magno
equitum cataphractorum numero stipa-
tus pugnam ingressus, dum suos a fuga cō-
pescere enititur, equo grauiter ictō effusus
a quinq; Cæsarianis militibus capitur: sta-
timq; Lanoius, qui casu eo aduenerat, cor-
poris proceritatem, & armorum pulchri-
tudinem miratus ipsum iam se, qui esset,
palam ferentem in potestatem recipit. Eo-
dem etiam tempore Alphonsus Daualus
cum prima acie equites Gallicos, qui Mira-
belli substituerant, sternit: & Antonius Le-
ua cum Germano peditatu Papia egres-
sus Gallos a tergo cædebat, donec fuga
undiq; cœpta nemo amplius e tanto exer-
citu resistere auderet. Sed omnes, quibus
primus impetus uitam non ademerat, se
dedunt: ita ut præter postremam equitum
aciem, cui Carolus dux Alanconij Regis
sororius præerat, & qui statim conferta
manu cum tota acie prælio se subtraxerat,
pauci ex alijs, qui superfuere, Cæsariano-
rum manus euaserint. Cecidere in ea pu-
gna tum ferro, tum fugientes Ticino sub-
mersi ex Gallorum exercitu supra octo
hominum millia: equæ primoribus totius
Galliæ circiter uiginti: inter quos fuerunt
Guilielmus Gonfierius Ammiraldus, Les

Caphr

LIBER

C.
 cunus, & Iacobus Cabanneus, magistri equi-
quitum (Galli Marefcallos uocant) Ludo-
 uicus Tremellius, Burgundiæ præfectus,
 Galeacius Sanseuerinus, ab armis, equis
que ipsius Regis, magnus Scutifer nuncu-
patus, & alij quamplures. Rex ipse captus
 cum reliquis ferè exercitus ducibus. Ex
 Cæsarjanis uix septingenti desiderati sunt:
 nemoq; è ducibus, præterquam Fernan-
 dus Castriora in acie occisus fuit: tantum
 que prædæ totus exercitus, & præcipue
 Hispani, tum è castrorum direptione, tum
è captiuis congesserunt, ut præter summā
 laudem, & gloriam sibi comparatam
 potentissimo Rege capto, & deletis
eius copijs, ac recuperato Medi-
 olanensi imperio, nulli un-
 quam in Italia milites
 ditiores effecti
 sint.

GALEACII CAPELLÆ, DE

rebus gestis, pro restitutione Fran-
cisci II. Mediolanensium Ducis,
Liber Quintus.



ROFLIGATO

ad Ticinum Gal-
lorū exercitu, ca-
ptoq; eorum Re-
ge, duo potissimū
impedimentū attu-
lerunt, quominus
Carolus Lanoius
uictricia signa in-

ferret in Galliam : quæ tanta accepta clade :
omni prorsus præsidio caruisset. Vnum,
q; sine pecunia non poterat nouum bellū
parari. Alterum, q; nisi explorato Cæsaris
animo tam arduam prouinciā aggredi-
haud æquum ducebat. Accedebat præte-
rea, q; Regis captiuitate maximas contro-
uersias, quæ inter duos Christianorum po-
tētissimos principes uarijs de causis obor-
tæ alias fuerant, sedari tum posse sperabat.
Quare Cæsarem quamprimum de uicto-
ria certiolem facit. Quo autem id celerius
fieret, Regem ad scribendum literas ad ma-
trem hortatus est, quibus rogabatur nun-
cij in Hispaniam proficiscentes, & inde et

LIBER

am redituri tuto iter p Gallias agere pos-
 sent: fore enim, ut id sibi magnopere profi-
 ceret apud Carolum Lanoium: cuius au-
 ctoritate, & gratia sperabat a Cæsare liber-
 tatem adipisci. Quod non solum poscenti
 ultro concessit mater: sed nuncio etiam p-
 peranti alias ipsa dedit literas, quibus Cæ-
 sarem obsecrabat, ut humane conditionis
esset memor. Fieri enim posse, ut mansue-
 tudinis, & clementiæ aliquando gratia re-
 ferretur. Atq; id illi haud difficile fuit exo-
 rare. Nam Cæsar, ut in Italia debellatum,
 & Regem captiuum esse intellexit, animū
 ad pacē extemplo adiecit: neq; ob tam in-
 signē uictoriam ullum læticię edidit signū:
 sed tantum supplicationibus gratias egit
 Dijs immortalibus, qui sibi rerum in Italia
 componendarum tam facilem uiam aper-
 ruissent: simulq; Lanoio per literas man-
 dat, ut Regem ipsum & loquendo, & con-
 sulēdo ad id ipsum hortaretur. Interea La-
 noius accepta a Francisco Sfortia Pisseo-
 nensi arce Regem custodiendum eo addu-
 cit: postmodū Papiam reuersus, cum ma-
 gnum sibi onus incumberet tot stipendio-
 rum militibus persolutorum, magnam
 exercitus partem in Placentinum, & Par-
 mensē, ac etiam Regiensē agrū ire præ-
 cipit, ea ratione Clementem Pont. & Al-
 phon

phonsus, Ferrariensium ducem adducturus, ut pecuniam in exercitus usum erogarent. Venetos etiam hortatur præstare, quod impensæ amplius in bellum factum erat pro militibus, quos in auxilium mittere tenebantur, cum ipse in augendo Cæsariano exercitu eam rationem habuerit, ut numerum eorum expleret, qui ab eis mitti ex fœdere debuissent. Atq; tantus iam erat in Italia Cæsarianorum metus, ut paucis diebus Clemens Pontuiginti quinque aureorum millia, & Alphonsus Estensis quinquaginta numerarint: Veneti etiam auri signati octingenta pondo polliciti sint, ne hostium loco haberentur. Sed dum Lanoius spe consequende maioris summæ moras nescit, immutatam Venetorum offendit uoluntatem. Nam nisi renouato fœdere, & fide ab ipso Cæsare data, Lanoio credere haud satis tutum existimabant. Per eosdem etiam dies pecuniæ, quæ iandudum in Hispania à Cæsare mercatoribus Genuensibus numeratæ fuerant, quæstoribus in Italia redduntur. Quod uero reliqui in stipendia exercitus debebatur, id omne Sfortiæ Duci necesse fuit persolvere: ut tot milites, qui non modo oppida, & uillas passim uastabant: sed intra urbem populaturi omnia uenire minabantur, à ceruicibus

LIBER

populorū deīceret, Atq; ita in Hastensem
 & Salutianū agrum, ac in Taurinos exo-
nerata huiusmodi procella Mediolanen-
 ses ingenti periculo liberati uidebantur:
 nisi idem Lanoius, qui superiore bello
 a Cæsare Mediolanensis Ducatus diplo-
 mæ Sfortiæ concessum; penes se habere pa-
 lam dixerat, quo Italos principes certiores
 redderet, ab ipso Cæsare totius Italiæ regnū
 non affectari, ipsius iussu duodecies cente-
 na aureorum millia postulasset, ut Sfortia
 iustis Ducatus titulis insigniretur. Neq;
 propterea ditionem Mediolanensem a Cæ-
 sare uendi aiebat: qui maiorem tam in ea
 defendenda, q̃ in adipiscenda impensam
 fecisset: Cæterum, cum id grauius onus, q̃
 quod ferri posset, uideretur, haud impru-
 denter responsum fuit Sfortiam propediē
 legatos ad Cæsarem missurum: ut quo sta-
 tu res Insubrum essent, certior redderetur:
 neq; uereri/quin multa de Lanoij petitiō-
 ne detraheret. Atq; ita in aliud tēpus re hu-
 iusmodi dilata, Lanoius Pisleonum seces-
 sit, ubi Franciscus Galliarum Rex magna
 cura in arce custodiebatur: cumq; crebris
 cum eo colloquijs multa de Cæsaris beni-
 gnitate quotidie polliceretur, magnā spem
 Regi iniecit, fore, ut si cum Cæsare congre-
 di posset, in libertatem restitueretur. Et p-
 pterea

pterea Lanoium obsecrabat, ut in Hispaniam potius, quam Neapolim, quo sibi proficiscendum esse antea audiuerat, adduceretur. Neque ad id minus intentus erat Lanoius; quippe qui & magna præmia, & haud minorem gloriam sibi speraret comparare, si ipsius opera inter duos adeo potentis, eisdemque infensissimos Reges benevolentia conciliaretur. Quamoprem Regi persuadet, ut iter in Hispaniam a Gallis tutum reddat. Proptereaque Anna, quæ Memoransim ab oppido eiusdem nominis uocāt, unus est purpuratis Regis ad Lodouicam matrem, cui statim audita Regis captiuitate regni procuratione Gallia omnis demandauerat, ire pergit: eiusque iussu deductis est portu Massiliensi sex triremibus Lanoium cum Rege profectum ad portum Delphini uiginti passuum millibus, orientem uersus a Genua offendit. Cumque in illum usque diem semper dixisset se Regem Neapolim adducturum, tunc conuerso ad occidentem itinere cum decem & septem tri-
remibus in Hispaniam ire properat. Accep-
to nuncio Lanoium cum Rege in Hispaniam ad Cæsarem proficisci, reconciliatio-
nem inter eos tractari nemo amplius dubi-
tauit. Quare in animos Italorum principum statim irrepsit opinio Italiae totius domi-

triremes

LIBER

natum à Cæsare affectari: Regisq; Galliarū
 restitutione ingentem quæri pecuniæ sum-
 mam: atq; ita Cæsari facile fore, qui regnū
 Neapolitanum possideret, & in Insu-
 brijs uictorem haberet exercitum, alias Italiae
 urbeis, & loca in potestatem redigere: ab
 alijs pecuniam extorquere: quæ placerent
diripere: militum hospitia arbitratu suo in
 oppidis, & ciuitatibus distribuere. Quo
 metu perculsi Clemens Pontifex & Veneta
 Respublica crebris literis, & legationibus:
 hinc inde missis: consiliū inire cœperunt,
 qua potissimum uia huiusmodi coniuncti-
 onem impedirent: nihilq; magis conduce-
re uisum est, quàm Lodouicam, Regis ma-
 trem Italiae uiribus in spem filij liberandi
 inducere. Sed ad id peragendū censebant
 oportere Galliam Italiae esse pacatam. Fo-
 re enim, ut Cæsar rebus suis metueret, si in-
 ter se consentienteis tot principes perspice-
 ret: quorum auxilio potius, q̃ proprijs ui-
 ribus, superiora confecisset bella. Existima-
 bantq; Sfortiam, Mediolani Ducem, ut diti-
 onem suam onere Cæsarianorum militū
 liberaret, in eandem sententiā uenturum,
 præsertim cum iandudum à Cæsare in si-
 gnia, & iusti Ducatus tituli non nisi durissi-
 mis conditionibus, promitterentur. Atq;
 ut huiusmodi cōiunctione facilius Italia fo-

ret defensio, per Hieronymum Moronū
tentant Ferdinandum Daualū a Cæsaris
obsequio diuertere; magnaq; propterea
pollicentur præmia. Primum scilicet toti-
us Italicæ militiæ ducatum, Neapolitaniq;
regni sceptrum: quod, non modo cōmu-
ni principum sumptu adipisci: sed etiam tu-
tari (si opus fuerit) pollicentur. Quod cū
non respuere Daualus uideretur, modo si
ne dedecore, & proditionis specie facere li-
ceret, iuris ciuilis, & pontificij auctoritate
demonstrare conantur Neapolitanum ci-
uem (q; ius eius ditionis ad Romanam Ec-
clesiam spectet) non posse solū a quocunq;
alio absq; ignominie, aut defectionis nota,
ut Ro. Ecclesię adhæreat, desciscere: uerū
etiam ad parendum pontificijs mandatis
obligari: atq; ita cum in ipsorum sententi-
am transisse illum existimassent, Sigis-
mundum Alberti Carpensium principis a se-
cretis deligunt; quem in Galliam mittant/
ad fœdus cum Italis principibus tractan-
dum. Verum, seu q; in itinere interceptus
eo non peruenerit, seu q; Rex in Hispaniā
traiectus maluerit pace, quam bello de li-
bertate sua cum Cæsare agi, Galli non, ut
antea, Italici fœderis cupidī uidebantur.
Quinimō, ut filio captiuo Lodouica ma-
ter morem gereret, Margaritam filiam ex

morte Caroli Alanconij Ducis pauloan-
 te uiduam in Hispaniam unā cum legatis
 mittere non recusauit. Quod quidem po-
 poscerat Rex, ut Cæsari gratificaretur: qui
 iam animo agitabat Heliodoram sororem
 suam, quam Carolo Borbonio superius
 pollicitam retulimus, Francisco Regi, ipsi-
 us autem Regis sororem Borbonio in ma-
 trimonium tradere: atq; ita illum in Duca-
 tum, quo ob sequutas ipsius parteis fuerat
 expulsus, restituere. Cum ergo Legati in
 Hispaniam applicuissent, inducias primū
 sex mensiū fecerunt: quibus Carolo Bor-
 bonio iter tutum ex Italia ad Hispaniam
 pateret. Mox, cum ad conditiones pro Re-
 gis restitutione allatas deuentum esset, Cæ-
 sarq; totius Italiæ ditioni, nec non prouoca-
 tionibus Belgicæ inferioris, quæ ad Sena-
 tum Parrhisiensem pertinebant, ac impri-
 mis Burgundiæ renunciari à Gallo uellet,
 legati inter cætera mandatum habere signi-
 ficant, ne quid ullis conditionibus transal-
 pini regni imminui paterentur. Cumq; ali-
 ter Cæsaris animus ad pacem haud inclina-
 retur, unā cum Regis sorore, quæ Caroli
 Borbonij nuptias confestim aspernata fue-
 rat, in Galliam re infecta rediere. Quam-
 obrem Rex, qui ex Hispania abundi non
 paruam spem in ea legatione posuerat, ani-
 mo con-

mo cōsternatus in aduersam ualeitudinem
incidit: & nili Cæsar egrotum uisitasset, bo
noq; iussisset esse animo, in magno uersa
batur uitæ discrimine. Sed Cæsaris comi
tas, renouataq; ex illius oratione libertatis
spes breui hominem ad pristinam reduxit
incolumitatem: idq; maxime ut speraret,
præstabant nunci, qui sæpe ad illum ueni
ebant: clamq; significabant quotidie Cæ
sarem à suis in Italia moneri, ut pacem Gal
licam honestis conditionibus non asper
naretur: neq; sineret Gallos Italis iungi: pe
riculum enim imminere ne dissoluto exer
citu, qui rei pecuniariæ inopia diutius con
tineri non poterat, non modo eius aucto
ritas in Italia: sed regnum etiam Neapolita
num in discrimen adduceretur. Atq; ita se
ro coactum iri quomodocunq; pacem à
Gallo accipere: quam impræsentia maiore
commodo dare posset. Quæ cum ueri simi
litudinem habere uiderentur, ualdeq; Ca
roli Imperatoris animum mouerent, illud
etiam magis mouit, q; Ferdinandus Daua
lus quæcunq; in Italia aduersus Cæsarem
acta essent, per certum nuncium patefecit:
nec de se male amplius permisit suspicari.
Nam antea & Antonij Leuæ, & Ferdinā
di Marini exercitus quæstoris literæ multa
à principibus Italiæ haud è re Cæsaris tra

cæari significauerant: nec poterant plerique
 non admirari, q̃ Daualus, cui totius exer-
 citus demandata erat cura, in tanto nego-
 cio nihil scriberet. Incertum autem est, an
 ad id impulsus fuerit, siue q̃ Frācisco Sfor-
 tia in grauiorem ualeitudinem, & in sum-
 mum uitæ discrimen præter spem redacto:
 maluerit ipse (si illi mori contigisset) præ-
 esse Insucribus, q̃ cum maiore periculo
 maiorē dignitatem quærere: siue q̃ eo ani-
 mo simulauerit se Cæsari iratum, suamq̃
 aduersus illum operā petentibus non ne-
 gauerit, ut aduersariorum consilia intelli-
 geret, atq̃ ita eorum conatus facilius pos-
set infringere. Patefacta igitur principum
 Italorum coniuratione, Cæsar statim Daua-
 lo rescripsit, ut quoquomodo ei melius ui-
 deretur, prouideret ne quid res suæ detri-
menti acciperent. Itaq̃ Daualus reuocato
 ex Taurinis exercitu, ubi per æstatem stati-
ua habuerat, Mediolanum uersus præter
 omnium spem uenit: & cum primum No-
 uariam applicuit, per litteras Hieronymū
 Moronum ad se euocat; qui (ut erat calli-
 do ingenio, & in indagandis hominum
consiliis perspicax) nonnullis rumoribus
 edoctus, ei parum fidebat. Sed cum Daua-
 lus nihil non fuisset pollicitus, ut ad se ueni-
 re nō recusaret, Moronus sperans uirū fa-
 mæ,

ma, & honoris cupidissimum nunquam adductum iri, ut contra datam fidem quicquam mali, in se præsertim amicissimum, moliretur, Nouariam uenit: multaq; cum illo collocutus, dum discessum parat, Antonio Leua ita iubente à militibus comprehenditur: quo nuncio consternatus Franciscus Sfortia Iacobum Philippum Saccū ad Daualum mittit, ut suam erga Carolū Cæsarem uoluntatem, & obseruantia declararet. Sed quoniā Moronus uel ea potissimum ratione coniectus erat in carcerem ne hominis ingènium, quod ipsi multoties alias usui fuerat, impræsentia officeret, iisdem artibus, quibus Moronū ad se traxerat, benigne, & comiter allocutus oratorem illum ad hortandum principem pellexit, ut ciuitates, & munitiora loca Cæsaris nomine sibi custodienda traderet. Fore enim, ut cognito eius animo, atq; erga Cæsaream maiestatem promptitudine, & fide sedatis suspicionibus, quæ non temere de Pontifice, & Venetis indies suboriebant, protinus restituerentur: gratiorq; Princeps efficeretur Cæsari. Quæ quidem, & si grauiora essent, q̃ ut tam facile deberent concedi: tamen, ut declararet imperiū, quod à Cæsare acceptum habere semper præsestulerat, paratum ad eius utilitates reddere, &

ne tantam in se Cæsarianorum uim concitaret, cum omnia ab Italiæ principibus adhuc imparata essent, præter Mediolanensem, Cremonensemq; arceis, quas ad corporis sui tam malè ex longa ægrotatione confecti custodiam reseruauit, reliqua totius ditionis loca, ac ciuitates Daualo concessit: confidereq; haud minus innocentia & benignitate Cæsaris, q̃ Dauali pollicitationibus uidebatur: qui se nil præterea inuouaturum non semel affirmauerat. Sed principem statim fefellit opinio. Nam Daualus cum primum munita loca præsidio firmauit, cum ualida Germanorum, & Hispanorum peditum manu, ac nonnullis equitibus ad urbem gressum dirigit: nemi neq; aduersante, distributis intra priuatas domos militibus, ex templo sibi postulat arcem dedi. Res profecto haud æqua, ut iã non modo id agi uideretur, quo rebus Cæsareis consultum esset: sed ut Princeps causa indicta non modo Ducatu: sed etiam libertate spoliaret. Sero itaq; Sfortia agnoscens se nimiam Dauali uerbis fidem adhibuisse, passus est se potius obsidione cingi, q̃ Daualo, aut Cæsarianis amplius confidere. Interea Carolus Cæsar, qui ob ea, quæ Mediolani agitabantur, planè cognoscebat, ut magis, & magis à se principum Italorum

rum

rum animi quotidie alienarētur, satius duxit conditiones à Rege captiuo oblatas nō aspernari, q̄ ansam relinquere, ut Lodouica eius mater Clemēti Pont. atq; Italię principibus iungeretur, præsertim cum post infectam cum legatis in Hispania pacem, scēdus cum Henrico Anglię Rege renouatū esset: atq; ad id incitabat, q̄ Rex libertatis desiderio Burgundię cedere pollicebatur: dicebatq; se effecturum, ut tota Gallia, postquam in regnum esset profectus, consensum præbere haud abnueret: qua spe ductus Imperator plerisq; eius cōsiliarijs, maxime Carolo Lanoio, & Henrico, Naufonis comite ita suadentibus, scēdus ijs conditionibus cum Rege icit, ut rebus Italię omninō cederet: Senatum Parrhisiensem à Flandrię prouocationibus abdicaret: Burgundiam restitueret: utq; ipsi ad sumēdam imperij coronam in Italiam uenturo peditum sex millia, equites cataphractos sexcentos cum totidem sagittarijs: penso in semestre stipendio in auxiliū præberet: proq; ijs obseruandis, & donec libertate adepta, pmissa denuō sibi rata fore iuraret, filios duos natu maiores daret obsides: ut que pax firmior, & scēdus arctius iungeretur, Heliodoram eius sororem uiduam in matrimonium acciperet: ex qua si filios

Ada.

C. m. f.

filios Re
obsides

contingeret nasci, Burgūdiæ dominatum
 eis reddere Cæsar pollicebat. Atq; in hūc
 modum inita pace minus iam rebus Italiæ
 sibi timendum existimans, Pontifici haud
 ausculabat quotidie pro restitutiōe Fran-
 cisci Sfortiæ oranti: neq; culpam transfere
bat in Daualum, quem ille omnium aduer-
 sus Cæsarem actorum reum arguebat, cū
 patefactis ab eo aduersariorum consilijs
 de fide ipsius dubitare minime æquum ui-
 deretur. Itaq; cum nulla à Cæsare refulge-
ret spes Sfortiæ liberandi, statim Pontifex,
 & Veneti animum ad Regem Galliarum
 conciliandū adiecerunt: quem eo animo
 fœdus cum Cæsare existimabant percussis
se, ut cum ad suos rediisset, causam quære-
 ret non seruandę pacis, Propterea ad eum
 in Gallias mittunt gratulatum pro recupe-
 rata libertate, & ad suos optatissimo reditu
 mandataq; legatis præbent fœderis percu-
 tiendi: quod postmodū initum est his con-
 ditionibus: ut Gallus omni ditione Italiæ,
 excepta duntaxat Hastensi ciuitate, cedat:
 quotannis autem per Franciscū Sfortiam
 ei pendantur quinquaginta aureorū mil-
 lia: ipsumq; non solum Mediolanense im-
 perium possidere patiatur: sed etiam una
 cum Pontifice, & Venetis teneatur com-
 muni sumptu in paternum imperium re-
 stitue

foedus inter
Clementem
Regem et
nos.

Conditione.

stituere. Quod uero ad Neapolitanum re-
gnum attineret, eligendum esse Regem, q
septuaginta aureorum millia in singulos
annos Regi persolueret: huiuscemodiq
tributis eum contentum esse debere: exer-
citum quoq; per Pontificem, & Venetos
parari tanto equitatu, peditatuq; tum Itali-
co, tum ex Heluetijs, ut Cæsarianis esset nu-
mero superior: sustentandosq; stipendio-
rum sumptus, donec penitus exercitus Cæ-
sarianus Italia pelleret. Quo percussio fœ-
dere Pontifex, ut belli gerendi iustam ha-
bere causam demonstraret, ad Cæsarem in
hæc ferme uerba literas dedit. Non opus
esse arbitramur longo sermone ad demon-
strandum quo studio, quibusue curis a no-
stri Pontificatus initio, tum pacem commu-
nem totius Christiani nominis, tum priua-
tim tuam nobiscum coniunctionem, pecu-
rauerimus. Sunt enim omnia acta, cogita-
taq; nostra tibi æque nota, ac nobis. Illud
uero silentio præterire non possumus, ni-
hil nos unquam prætermisisse, quod uel ad
boni pastoris erga uniuersum gregem of-
ficiū, uel priuatim ad fidelis amici animū
erga te pertineret: cuius tamen uoluntatis,
atq; amoris erga te nostri eum sumus exi-
tum consequuti, ut repulsi à beneuolentia,
& cōiunctione tua semper fuerimus. Quo

Lr ponti
ad Cæsare

circa ad ea consilia, a quibus & natura, &
uoluntate omni tempore abhorruimus,
necessario sumus compulsi: licet serius, q̃
& rerū indignitas, & honoris nostri, publi
ciq; commodi ratio postulabat. Iam enim
patiētia nostra ad negligentia Rerumpub.
conuertebatur, nisi tandem arma capere
mus: quæ & iusticiæ, & Italiæ libertati, &
nobis ipsis præsidio essent. Etenim (ut cau
sas breuiter attingamus, quibus adacti su
mus ita facere) meminisse potes antequam
ad Pontificiam dignitatem assumeremur,
nos summopere tibi addictos fuisse: et quo
rerum tuarum is exitus esset, quē tute opta
bas, neq; laboribus, neq; periculis, aut im
pensis nos pepercisse: & postq̃ ad Pontifi
catus honorē uocati fuimus, tuiq; hostes
magnas in Italia copias habebant, & si p
dignitate abstinendū nobis ab armis ope
ræprecium fuisset: tamen ne te, tuaq; nego
cia impedita relinqueremus, non solum
Florentinorum auxilia: sed etiam Ro. Ec
clesiæ copias in tuis subsidijs, & castris uer
sari permisimus: nec pecunias cessauimus
tuis suppeditare, donec depulsum illud pe
riculum fuerit. Q. si idem postea insequen
ti bello, quod ad Ticinum confectum est,
non præstitimus, id non uoluntati nostræ
erga te imminutę: sed pōtificat^o dignitati,
quæ

quæ communis in nobis patris personam
exposcit, potius attribuendum est, præser-
tim cum tu ipse uidere potueris, quæ nobis
esset cura rerum tuarum. Nam si societate
hostium tuorū sequi uoluissimus, magnā
nobis præmia non solū proponebantur :
sed iam parata erant : & tui tam facilem ui-
ctoriā nunquam nacti fuissent : ob quam,
cum sublata omnis contentio uideretur,
cum tuis ducibus fœdus iniuimus : & quō-
ali, ac sustineri exercitus tuus posset, plus
quam mediocrem auri summam dedimus :
ea conditione, ut à finibus nostris exerci-
tus abduceretur : restituereturq; pecunia,
si tu fœderi cum illis inito nō consentiret.
Quod quanquā minime apud teratum
fuerit, nihilominus neq; aurum recupera-
uimus, & contra fidem datam in Romanę
Ecclesię locis diuti⁹ exercit⁹ tui bona pars
uersata nullum crudelitatis, nullum auari-
tiæ, aut immanitatis genus in nostros præ-
termisit. Quamobrem cum ita à te, et à tuis
accepti essemus, ut nulla meritorum no-
strorum ratio haberetur, nemini mirum
esse debet, si quæ in tui detrimentum à Fer-
dinando Piscario occulta consilia haberi
cœperant, cum ad nos delata essent, non
penitus aspernati sumus. Cæterū cum tui
Mediolanense imperium occupassent, cir-

LIBER

cum uallareq; perrexissent Franciscū Sfor-
 tiam, a te toties declaratum Mediolani Du-
 cem, tantam indignitatem (ut uerum fate-
 amur) ægre quidem tulimus: & cunctis, p-
 pe Christianis principibus auxilium con-
 ferentibus, pro communi Italiæ periculo
 non negleximus arma capere: ita tamen
 ut legatum tuum, qui pro componendis
 (uti aiebat) rebus uenerat ad nos, interea
 audiremus: & relapsi in pristinam concili-
 andæ amicitiae spem, & perpetuitatem, &
 beneuolentiæ nostræ fructum tibi pollice-
 remur, modo per te Mediolanensium Du-
 ci (etiā si quo pacto errasset) clementia im-
 partiretur: sine qua res Italiæ eo tempore
securitatem habere non poterant. Sed tu
 plus iniquis tuorum, q̃ par erat, consilijs
 fidei adhibens, pro clementia iusticiæ rigo-
 rem obtulisti: quæ tamen nescio quo mo-
 do iusticia appellari possit, cum iudicium,
 atq; sententiam pœna antecesserit, & Prin-
 ceps tui haftenus semper obseruatissimus
indicta causa iam septimum mensem acer-
rimam tuorum obsidionem patiatur. Qui-
 bus tot, & tantis causis de te diffidere, & q̃-
 dammodo desperare coacti sumus: nostrā
 quæ amicitiam, quam tu toties repudiasti,
 multis, & magnis principibus adiungere:
 quorum optimum in Christianam Remp-
 ani

animum si essemus aspernati, non pastoris,
& communis patris laudem, sed superbi;
& insolentis nomen acquisiuissemus. Ha-
bes rationem actorum, & consiliorum no-
strorum: quæ iccirco à nobis summatim
explicata est, ut non solum coram Deo (is
enim inspector est cordis) sed etiam coram
hominibus testatam optimam uoluntatē
nostram relinquamus. Dum hæc fierent,
Franciscus Sfortia in arce Mediolani inclu-
sus diutius obsidionem tolerare non pote-
rat. Quamobrem Antonius Leua, Alpho-
susq; Daualus, quæ mortuo Ferdinādo Da-
ualo rerum Mediolanensium administrati-
onem susceperant, quæcunq; onera, uel in-
tolerabilia urbi imponere in animum in-
ducūt potius, q̃ Principi oblesso opem fer-
ri patiantur: imprimisq; ciues, qui iurare
in uerba Cæsaris recusabant, nisi sibi cau-
tum esset Cæsareum dominatum haud ini-
quum fore, modo æqua pollicendo, mo-
do metu ne deteriora cōtingerent, iusiurā-
dum facere cōpellunt. Postremo, cum diu-
turna stipendiū inopia, imminensq; belli
metu opus esset pecunia, a plurimis, q̃ mer-
catura, aut opificio diuitias comparauerāt,
non paruam efflagitant auri summam: pi-
gnoribusq; ablatis, & carcere detrectatis
ad erogandum pecuniam cogunt. Qua-

re fenatus, populusq; Mediolanensis: con-
 uentu inter sese habito: omnes uno ore co-
 ram legatis Cæsaris queruntur nō modō
 uillas, oppidaq; diuturno militum sumptu
 quotidie exhauriri: agrosq; colonis pas-
 sim discedentibus, incultos remanere: sed
 etiam in urbem ipsam, & ciueis manus in-
ijci, priuatasq; pecunias contra toties pro-
 missam fidem extorqueri: à quibus cū tem-
 perari posthac efflagitarent, omniaq; sese
 facturos Cæsariani pollicerentur, hoc ani-
 mo Mediolanenses discessere, ut si cuiquam
 postmodum pro eroganda pecunia uis in-
 ferretur, uicinorum implorata ope arce-
 retur iniuria: & ut huiusmodi decreto De-
 us Opt. faueret, supplicationes à summo
Virginis matris templo ad diui Ambrosij
 tutelaris cædem triduum decernunt. Sed
 nihilominus Cæsariani, quibus cordi ma-
gis erat habere pecuniam, q̃ pollicita ob-
 seruare, missis satellitibus in priuatam fabri
cuiuspiam domum, cui nudius tertius au-
 reos quingentos numerare imperatum fu-
 erat, totam urbem tumultu concitarunt.
 Dominus enim domus, cum sibi per uim
 auferrentur pignora, correptis repente
armis, auxilioq; uicinorū implorato, abi-
 re coëgit satellites: qui cum paulopost An-
 tonij Leuæ iussu, ad quem factum retule-
 rant,

rant, alijs adiunctis rediissent, portasq; domus occlusas perfringere conarentur, à uicinis pariter omnibus ad arma conclamarum est. Itaq; paulopost tumultus totā urbem peruadit: neq; quicquam tamē ultra eo die tentatum est, q̃ ut uis arceretur. Perterritus subito tumultu Antonius Leua e curia per minus frequentem urbis partem ad loca arcis proximiora, ubi tria millia Germanorum peditum ad arcis obsidionem collocata erant, se contulit: collectaq; peditum manu, & Gaspare Mayno non parue auctoritatis inter ciueis comitatus, qua populi armati turba densior erat, ire pergit: hortaturq; ut depositis armis digrediantur: neq; huiusmodi tumultibus minime profuturis omnia misceant. Idem etiā alia ex parte faciebat Daualus, qui eo equiore animo audiebatur, quo minus populo erat inuisus. Itaq; cum diei ferme dimidium totam urbem perequitassent, ea conditione populus ab armis discessit, ut Cæsar, eiusq; legati uestigalibus contenti priuatæ parcerent pecuniæ: neq; ullum præterea militem, q̃ quos ab initio ad arcis obsidionem posuerant, in urbem adducerent. Sed cū postero die nonnullos ex Hispanis ducibus aduentanteis uidissent, crebrisq; nuncijs admonerentur integras cohortes peditū,

equestreisq; turmas properare ad urbem,
 præmissis aliquot ad Alphonsum Daua-
 lum, & Leuam patritijs, qui resumendorū
 armorum causam in ipsos impingerent,
 magno adeo tumultu totam urbem conci-
 tarunt, ut de linquenda urbe Cæsariani de-
 liberauerint. Cæterum cum magnum po-
 puli numerum ad curiam diripiendam,
 ubi rerum criminalium præfectus cum pe-
 ditum manu diuersabatur, accurrisse co-
 gnouissent, reuocatis animis uias trabibus,
tabulisq; quo melius fieri poterat, obual-
 lare pergunt; & ab arcis custodia ad popu-
 lum se conuertunt. Quo factum est, ut in
 ipsa arce obsessi erumpendi occasione:
diu tentatā nacti sint. Nam Princeps mul-
 torum pollicitationibus fretus, qui magna
 sese facturos iactauerant, emissa militum
manu statim munitiones hostium occu-
 pat. Sed ubi qui opem, aut com meatum
 ferat, conspicit neminem, abiecta auxiliij
 spe iam clamorem, & strepitum in urbe
 paulatim sedari audiens suos intra arcem
 recipit. Interea multi pugnae insueti, multi
 etiam ob direptam curiam præda onusti
 abire, & signa pro libito deserere adeo, ut
 quibus tutandę patrię maior cura erat, ani-
 mus deficeret; nec spernendæ a Cæsaria-
 nis oblatae conditiones uidebantur; qui
 præ

præter Germanos ad obsidionem arcis iã
 pridem positos, cæteros milites non mo-
 do ex urbe: sed ex agro Mediolanensium
 amouere promittebant. Itaq; cum à solis
occasu ad ortum incerto euentu pugnati
esset, utrinque ab armis discessum est: ali-
 quotq; postea diebus quæta urbs uideba-
 tur: licet pleriq; id Cæsarianos potius, q̃a
 e re sua esset, eo tempore ab armis cessasse,
 quam ex animo promississe existimarent,
 præsertim cum multī ex militibus non mo-
 do sese in Mediolanenseis malè animatos
 palam iactarent: sed breui assererent uindi-
 ctam sumpturos. Neq; secus erat putan-
 dum, cum à Pontifice, à Venetis, ab Helue-
 tijs, à Gallia imminente bello necesse Cæ-
 sarianis esset nihil intentatum relinquere,
 quo tot hostiū impetum sustinerent. Prin-
 cipium igitur à nonnullorum ciuium rele-
 gatione factū est: qui maiorem antea gra-
 tiam Cæsarianorum promeruerant, cum
 in superiorib; bellis ad arma toties aduer-
 sus Gallos sumenda alacris sese exhibuis-
 sent. Hos enim Cæsariani, ob Sfortiani no-
 minis studiū, habebant cæteris suspicio-
 res: & tumultus paulo ante in urbe conci-
 tati culpam in illos transferebant. Quod
 ubi populo renunciatum est, indignatus
 occasionem quæri, qua ducibus suis (si fa-

&o denuo opus esse contingeret) priuare
 tur, ad amouendam eorum suspicionem
uades dare promittit. Sed dum nonnulli
 ex ijs, qui pro uadibus nomina profitebā
 tur, minus probarentur à Cæsarianis, po
 pulusq; nolle quenquam ē ciuibus relega
 ri etiam atq; etiam contenderet, & in ciuita
 te nō deessent seditioni, qui omnia cuperēt
 tumultu misceri, primo de legatis, & Cæsa
 rianorū ducibus palam obloqui, mox ar
 reptis armis (si quempiam militū, maxime
 ex Hispanica natione, nacti essent) trucida
re, spoliatumq; necare: & quamuis id pri
 matibus, & ijs præcipue, quib⁹ ciuitatis sa
 lus erat carior, displiceret, ac centuriones
cū aliquot armatis per urbis portas dispo
siti essent ad ppulsandas populi aduersus
Cæsarianos iniurias, tamen tantus facino
rosos furor inuaserat: totq; milites, præser
 tim Hispani, qui propius urbem Ducum
 suorum iussu se cōtulerant: in horas nihil
talē metuentes adueniebant: ut ipsi Centu
 riones ad huiusmodi amentiam cōpescen
dam nō sufficerent. Hanc occasionē nacti
 Antonius Leua et Alphonfus Daualusq;
 ut militibus prædæ auidis morem gererēt,
 tum etiā ut parere docerent Mediolanen
 sem populū, denunciarunt protinus sese
 nulla ampli⁹ pmissorū fide ergā ciuitatē te
 neri.

neri. Atq; iccirco ea parte, qua stationem
 suorum posuerant, uallo, & tormentis per
 noctē munita, collecto militū agmine im-
pulso alia ex parte egressi, primū occiso q̄
 dam ex infima plebe, q̄ caput honoris cau
 sa detegere (ut moris est) corā ipsis asperna
 batur: mox trib⁹ alijs, quos in uia obuios
 habuerant, trucidatis initium pugnae prae-
buerunt: igneq; ex turri accenso signū cæ
 teris accedendi ad urbem dedere. Cōmo
 uit uniuersos ciueis tam inopinata cædes:
 quē ipsis Alphonso Daualo, & Leua non
 modo præsētib⁹: uerum etiā iubenti
 bus hostiliter erat ædita: nec quisq; tam pa
 cato animo in ciuitate fuit, qui non uel cū
 omniū fortunarum, & uitę periculo, arma
 capescenda censeret. Sed nullus eo tēpore
 Cæsarianos timor inuadebat, quippē q̄ su
 pra mille armatos, præter eos, qui arcē an
 tea obsidebant, paulo ante clam introduce
 rant: occupauerātq; pleraq; loca urbis emi
 nentiora, unde a scloppetarijs crebris ictib⁹
Mediolanenses interficiebant. Quare
 multi ē ciuib⁹: abiecta omni uictorię spe,
præmisso tubicine deligunt oratores: q̄ be
 nigna oratione Cæsarianorum ducū iram
lenire studeant. Sed cum in eo duces persi
 sterent, ut suspecti emitterent, a populo in
 contione acclamātū est minime æquū esse,

cum totus exercitus hostiliter ad urbem ap-
propinquaret, ut inde exirēt, qui præsidio
forēt ciuitati. Atq; ita redintegrata pugna:
miserabilis erat tā inclytæ urbis calus. Ger-
maniem in propinquas domos ignē inie-
cerant, ne Mediolanenses ē tectis, & specu-
lis suos interficere possent: ipsiq; ē turricu-
lis, & fenestris, quas militibus munierant,
passim psternebant ciueis: nec quisq; in eo
prelio uiuus capiebat; sed ubiq; uulnera, cę-
des, incendia apparebāt. Redacta in tanto
discrimine ciuitate, cum Leua, & Alphon-
sus Daualus perspicerent (si reliquæ Hispa-
norum peditum cohortes in ipso pugnan-
di ardore intromitterentur) non solum ur-
bem direptioni obiectum iri: sed eundem
cædibus fore finem, qui et militū foret satie-
tati, duces nondū ingressos admonent, ne
absq; ipsorū iussu ciuitatem introeant: au-
dientescq; populū de pugna fessum esse, &
non solum eos, quos antea exire iusserant:
sed maiorē etiam numerū migrare uelle,
ab armis hinc inde cessatū est, cū a solis oc-
casu ad nonam diei, horam utrinq; armati
stetissent, maximoq; ciues uidebātur so-
luti periculo, nisi paulopost cogno-
uissent diem illum tot malorū,
quę postea secuta sunt, fu-
isse initium.

GALEACII CAPELLÆ, DE
 rebus gestis pro restitutione Fran-
 cisci II. Mediolanensium Ducis/
 Liber Sextus.



OSTQVAM
 ex ei⁹ diei pugna
 innotuit quantū
Veterani milites
inconditæ multi-
tudini præstarent,
 mœstitia, & do-
 lor, qualis in ca-
 pta urbe esse so-

let, in omnium animo et vultu apparebat.
 At Cæsariani uoti cōpotes, urbem ingressi
obseptas uias recludi, sibiq; a ciuibus non
militarem uictum: sed opiparē, ac perquā
 eleganter parari imperant: designatisq; p
 totam urbem hospitij, militū arbitrio co-
 guntur ciues, præter epulas, etiam uesteis,
 & indumenta præbere: quibus sumptib⁹,
 & interdum etiam contumelijs, & uerberi-
 bus uexati multi quotidie, uel relicta supel-
 lectile, uxore, & liberis tot impendentium
periculorum metu abibant: neq; bonorū
publicatione, aut ædium ruina, quas mili-
 tes a fundamentis in odium fugientū de-
moliebantur, retineri poterant. Interea

Pontifex, & Veneta Respublica undique coactis militibus duces suos in Insubres maturare imperabant, ut iuxta foedus cum Francorum Rege paulo ante initum, Cæsarianum bellum aggrederentur: Franciscoque Sfortia andudū obfesso opem ferrent. Quod cum Alphonsus Daualus, Antoniusque Leua prospicerent, neque esset dubium, quin Veneti Laudem ciuitatem essent tentaturi, ut ibi sedem ad omnia belli exequenda negotia constituerent: propterea treis Hispanorum peditum cohorteis praesidio urbis collocauerant: qui cum Mediolanum a suis direptum iri existimarent, nullo iussu retineri potuerunt, quin statim ad urbem ad uolarent: relicto in ciuitate Laudæ sub Fabricio Maramaldo Italorum peditū septingentorum praesidio. Ceterum ipse Dux suus: ita permittente in ciueis nullum praetermittebant insolentie genus: adeo ut plerique de fuga potius abiecta rei familiaris cura cogitarent, quam diutius in huiusmodi seruitute uiuere, nisi Lodouicus Vistarinus patritius, qui cum Cæsarianis militabat, adiecto ad liberandā patriā animo, clam pactis cum Francisco Urbini duce, ac Petro Pisaurio, legato Veneto conditionibus, iuuenes aliquot delegisset: quorum operam in tradenda Venetis urbe strenuā sperabat fore. Ita

que

que admonito Vrbinate, ut q̄ secretius fieri posset, noctu cum parte copiarum ad urbem appropinquaret, ipse in aliquot vicinis domibus suis dispositis, assumptisq̄ tantum secum duobus comitibus/ ad turriculam quandam, ubi sex tantum pedites ex cubias agebant, perguit animaduersurus in eos, nisi uigilanteis offendisset, subsequerisq̄ paulopost ijs, qui facinus aggredi parabant, tanta celeritate omneis comprehensos necauit, ut strepitus nusquam sit exauditus. Patrata huiusmodi cæde: Vistarinus per uallum demissus ad urgendum Venetorum aduentū properat, antequam Maramaldus, aut alius quispiā facinus resciret: adeoq̄ fauit fortuna, ut Veneti prius traictu Abdue: fossas, & munitiōes urbis transirent, q̄ hosteis aduenisse quisq̄ intelligeret. Ceterum: re tandem cognita: Maramaldus: collectis suis omnibus in arcem se recipit: quam deferere turpe existimabat, nisi prius ab Alphonso Daualo, & Leua admoneretur, quid sibi in tanto rerum discrimine agendum esset. Sed cum magni momenti Cæsarianis huiuscæ urbis amissio uideretur, ex templo Hispani omnes Mediolani in armis fuerunt: & ad tria millia pedum ciuitate egressi cum Alphonso Daualo, & Ioanne Urbina tribuno/ ante horam

Agere' gora

Esse' in ur

diei quintam per arcem urbem ingressi ad
 functis Maramaldi peditibus usq; ad forū
 perueniunt. Iam Franciscus, Vrbinatū
 Dux cum magna exercitus Veneti parte
 introierat: uicosq; omneis, ac domos plu-
 rimas, quæ ad eam portam, qua ipse intra-
 uerat, respiciebant, præsidio munierat ea
 de causa, ut si maior ingruisset hostium uis,
 iter sibi liberū ad discessum pateret. Quare
 haud segniter ab Hispanis, qui urbem re-
cuperare conabantur, dimicatum est; &
 non semel tentatum, si qua possent Vene-
 ros præsidio deijcere. Sed cum illi acriter
 repugnarent, & cominus gladijs, atq; ha-
piis restant stis, eminus etiā scloppis certaretur, Hispani,
 qui potius Laudem urbem amittere, q̃
 Mediolanum in discrimen adducere uole-
 bant, & ad protrahendum ibidem bellū
 nihil parauerant, reductis secum peditib;
 Italis, qui cum Vistarino haud consense-
 rant, relicta etiam arce Mediolanum reuer-
 tuntur: statimq; Germanos mille & quin-
 gentos Papiam ire iubent, ne ea quoq; ci-
 uitate amissa omnis abeundi uia (si quid
 durius incideret) præcluderetur. Equites
hæc gravibus etiam tam grauis, q̃ leuis armaturæ Medi-
olani olanum reducunt, uel ut tutiores contra
 hosteis essent, uel ut maiore sumptu Medi-
 olanenseis grauarent: quibus adeo erant
 infen

Infenſi, ut nonnunquam clueis, & matro-
 nas, ac etiam pueros domi uinctos aſſerua-
 rent, tanquam ſumptuū obſides: reliquam
 que familiam mancipiorū loco haberent:
 uidereq; erat tabernas paſſim occluſas, De-
 orum templa nullis ornamentis referta, q̄
 cum omni lautiore ſupellectile, & merci-
 monijs paſſim in caueis, & terræ uiſcerib;
abſcondebantur: quanquam id fruſtra à
 multis fiebat. Nam & ſeruos, & ancillas,
 in quibus maior erat ſuſpicio, milites coge-
 bant/ubi ciuium bona abſcōderentur, ma-
 niſtare: & ipſi tanquam canes ſagaces ar-
morum, quæ ad ſe iuſſerant conferri, per-
 quirendorum prætextū habebant, ut om-
 neis domus latebras rimarentur: et ſi quid
 piam, quod placeret, aderat (nam quiſque
 fortunarum hoſpitis ſui arbitrium ſibi uē
 dicauerat) protinus auferebatur: ipſiq; An-
 tonius Leua, & Daualus, ac Carolus etiā
 Borbonius, qui nuper ex Hiſpania à Cæ-
 ſare Inſubribus præfectus redierat, adeo
 milites debacchari permittebāt, ut uniuer-
 ſi ciues ſuppliciter peterēt relictis facultati-
 bus abire quo uellent, ſibi licere, ut ſaltem
 à militum iniuria corpora libera eſſent. At
 Borbonius meliora illos ſperare hortatus,
 deumq; optimum teſtem inuocans/ primis tormētorum hoſtiliū iētibus caput ſu-

um deuouebat, nisi numerato aureorum
 triginta millium tributo, quibus menstruum
 stipendium militibus dare posset, ex
 templo tam graui onere liberaret urbem.
 Quod mortis genus creditum est, illi postea
 Romae ob periurium contigisse: frustra
 enim intra paucos dies a Mediolanensibus
 pecunia exacta est: & nihilominus Hispani
 in uexandis ciuibus adeo perseverarunt,
 ut reperi sint, qui tot erumnarum taedio si-
 bimet laqueo mortem consciuerint: quique
 e sublimi nonnunquam praecipites sese de-
 derint. Verum apud plerosque plus quam
 Borbonij pollicita, spes Laudensis uictor-
 riae poterat. Nam cum ciuitatem illam tam
 segniter a Caesarianis in hostium potesta-
 tem relictam fuisse audiissent, fieri posse
 non putabant, ut quinque millia Hispanorum,
 cum tribus Germanorum peditum milli-
 bus, paucisque equitatu, praesertim deficien-
 te stipendio, & nulla annone aceruata qua-
 titate, tam uastum urbis spacium diutius tu-
 eri possent aduersus omnis ferme Italiae ui-
 reis. Atque id prima belli praese tulerunt ini-
 tia. Nam cum primum Hispani Laude ces-
 serunt, Pontificij, qui ad numerum octo
 millium peditum, cum valido equitatu in
 agrum Placentinum pauloante peruene-
 rant, confecto ratibus ponte Padum transi-
 cre:

ere: & Venetis adiūcti Mediolano appropinquabant: miserant etiam antea Octavianum Sfortiam, episcopum Aretinum ad Heluetios: qui Francisci Galliarum regis favore quatuordecim peditum millia conscripterat: & per Rethos, & Bergomates descendens liberum iter ad exercitum Italicum habebat. Sed cum serius, quam tempus exposulabat, proficisceretur, Sfortiani in arce Mediolanensi obsessi ad id inopiæ redigebantur, ut præter panem, qui ex farina fursuribus admixta conficiebatur, quo pluribus impartiri posset, nihil haberent. Quare delectu inter eos facto circiter ducentos homines tertia noctis vigilia ex arce emittunt: qui per hostium munitiones egressi, qua negligentius excubias fieri antea animaduverterant, per uim arreptauia Melignanum peruenere: ibique repperito Francisco Guicciardino, Pontificis legato una cum Veneti exercitus imperatore, ac plerisque alijs ducibus, obsessorum inopiam significant: asseruntque (si diutius auxilium ferri protrahatur) arcis deditio nem breui sequuturam: uel (quod peius futurum esset) omneis in hostium potestatem uenturos. Quamobrem Itali duces iussis Sfortianis bono animo esse, magis ut hostium animos tentarent, quam ut sexde

411 milites. cim peditum millibus nuper collectis sperarent Cæsarianos ueteranos milites Mediolano expellere, ad portam, quæ Romana dicitur, gressum dirigunt. Cumq; Ioannes Medices, qui primam aciem ducebat, tormētis turrim quandam obruere aggredetur, ut patefacto per eam aditu facilius esset irrupēdi uia, ad id loci omne Cæsarianorū robur protinus accurrit: & non tantum ciuitatem tueri: sed etiam egredi audent, & manū cum hoste cōserere. Postquam autem leuibus aliquot præliis hinc inde usq; ad horam diei nonam pugnatū esset, Itali, qui intra paucos dies Helueticos uenturos haud ignorabant, quibus adiunctis minimè dubium erat quin superiores euaderent, reductis machinis, quæ usq; ad hostium munimenta actæ erant, Melignanum regressi sunt non sine magno Cæsarianorum fauore: qui cedente hoste nihil sibi ulterius ab eo timendum existimabant. At Mediolanēscis ingens oppresserat moror, cum audirent exercitum Italicum, in quibus pristinæ libertatis paulo ante effulserat spes, retrocessisse, neq; in hominum animos cadere poterat id hostium metu, sed potius haud sincera erga Ducem Sfortiam uoluntate factum fuisse credebant. Hoc successu elati Cæsariani, cum omnes prius

prius intra urbis interiora mœnia hospitia delegissent, aggeres circa suburbia alias cōstructos reficere properant: & quotquot tam e populo, quam e patritijs nacti erant, ligonibus, & batillis in euacuandis fossis cogebant insumere operam adeo, ut huius scē contumeliæ uerecundia aliquot dies nemo ex optimatibus in publicum proderet. Sed uarijs in locis occlusi aduentantibus Heluetijs meliorem fortunam præstolabantur. Non enim uerisimile uidebatur Franciscum Francorum regem, qui toties: omni aduersante Italia: res Insuorum solus in discrimen adduxisset: & qui impræsentia Heluetios in Galliam cisalpinam trans mittebat, nunc adiunctis Italicis uiribus imparem tam paruo hostium exercitui fore. Quare Sfortiani redintegrata spe, licet uix paucissimorum dierum cibus, & is quidē exiguus, ac pessimus superesset: tamen de deditione nullum faciebant uerbum haud dubium auxilium expectantes. Sed dum tardius exercitus Italicus Malignano discedens cum iumentis compluribus, & uehiculis commeatu onustis progreditur, & superiorem uiam, qua ad arcem itur, duobus passuum millibus ab urbe capeffit, uenienteis Heluetios sibi adiungat, sine quibus in pugne discrimen iterum nolebat se

LIBER

conferre, Sfortiani obsessi iam non famē:
 sed mortem ipsam in faucibus habentes:
extrema necessitate adducti Iacobum Phi-
 lippum Saccum ad Carolum Borboniū,
 & cæteros Cæsarianos duces emittunt: q̃
 postquam multa de eorum aduersus Sfor-
 tiam odio conquestus fuisset, quod inno-
 centissimum principem, & Cæsari nomi-
 nis ac amplitudinis semper studiosissimū,
æmulorum calumnijs circumuentum/tan-
 diu obsessum tenerent, tandem pollicetur
 arcem reddere, si non iniquæ interea con-
 ditiones fiant, donec Cæsare intellecta iu-
 sticiæ melius possit consulere: quod quidē
 haud aspernati sunt Cæsariani: omni enim
 se prorsus hostium timore liberos existi-
 mabant, si arce potirentur: & propterea ni-
 hil Sfortiæ non dare promittunt. Illud tan-
 tum difficultatis inerat, q̃ Borbonius cū
 Mediolanensi Cremonensem, etiā arcem
 reddi postulabat: cōtendebatq̃ id & a Du-
 ce, qui innocentiae consideret, minimē re-
 cusari, & ab se maxime expeti debere, ut
 rebus Cæsareis, aduersus quas omnis Ita-
 lia cum Gallis, & Heluetijs armaretur, con-
 sultum esset: qua de re cum antea Sfortiani
 dubitassent, Sacco in mandatis dederant,
 ut si aliter fieri non posset, pro Principis, et
 suorum salute, ac libertate omnia pollice-
 retur.

retur, Sed dum orator ex uultu, & sermone hostium recuperandæ arcis desiderium agnoscit, cautius agens ad suos rediturus gradum uerit, tanquam de Cremonensi arce nihil facturus. Itaque flexis Cæsarianorum animis conuentum fuit: ut Sfortiæ cum suis omnibus, ac tota eorum supellecile abire liceret. Comumque ciuitas, quam Cæsariani præsidio tenebant, eidem promittitur cum non modicis redditibus, donec a Cæsare super imperio Mediolanensi, & criminibus, quæ in Principem impingebant, iudicatum esset: traditusque propterea est Cæsarianis exposcentibus Io. Angelus Ritus, uir à secretis ipsius Sfortiæ, ut ab eo omnium actuum, & consiliorum, quæ Mediolani agitata fuisse ferebantur aduersus Cæsarem, ratio intelligeretur. Sed ille eximia fide, & prudentia præditus adeo utranque causam & Ducis, & suam æquam esse ostendit, ut intra paucos dies dimissus non sine adepta ipsius etiam hostis beneuolentia abierit. Firmatis huiusmodi deditionis conditionibus Franciscus Sfortia quamuis Hispanorum promissis non satis fideret, & minime se putaret incolumem, donec in Cæsarianorum potestate esset: tamen dissimulato metu relictis in ciuitate impedimentis, quæ paulo post ipsius discessum magna ex parte

LIBER

ab Hispanis direpta fuerunt (iumentorum
 em̄ & uehiculorum usus non suppetebat)
 in castra Italica uiam capessit. Ceterum ma
 gna etiā iniecta est suspicio, cum ipsi hono
 ris gratia Antonius Leua se comitem usq;
 ad uallum urbis adiunxisset: uerebatur em
 ne mala potius quapiam ex causa, q̄ ex of
 ficio id potissimū ab eo factū esset. Quod
 etiam pleriq; patritij Mediolanēses, qui ob
 sidionem unā tulerant, ueriti arma induti
gradum faciebant, ut si princeps cōprehen
 deretur, ipsis cum militibus (quibus, ut par
 ceretur, mos induct^o erat) abire liceret. Igit
 postq; in castra Italica, præter spem, incolu
 mes peruenerunt, Sfortia, qui omnem tot
 malorum culpam non Cæsari, sed eius mi
 nistris attribuebat, statuit omnino uel inui
 tis amicis omnibus, qui multa de Cæsaris
 iniuria aduersus ipsum loquebantur, Co
 mum se transferre: ibiq; manere q̄adæmu
 lorum calumniæ innotescerent, nisi Sfortia
 nus, qui cum militum præsidio ad recipie
 dam ciuitatem præmissus fuerat, renunci
 asset Hispanos, qui intus erant, egredi nol
 le, etiam si Princeps intromitteretur: quo
 niam conuentum fuisset, ut Comum red
 deretur, neq; pactū, ut Hispani inde abse
 derent. Itaq; cognito Cæsarianorum ani
 mo: Franciscus Sfortia in castra redijt: et cū
 hæc

hactenus contra Cæsarianos nulla in re cō
sensisset, tunc Italicum fœdus cum cæteris
principibus inijt: & bellum aduersus illos
tanq̃ cōmuneis hosteis pro uirili suscepit.
Per eos dies Sigismundus Malatesta, unus
educibus, qui pro Cæsarianis Laudæ erāt
& postq̃ ciuitas in Venetorum potestatē
peruenit, cum Alphōso Daualo regressus
Mediolani militabat, tubicinem cū literis
ad Vistarinum mittit: quibus illum ad sin-
gulare certamen prouocabat, eo q̃ contra
iusiurandum, & militare decus ciuitatem:
ipsius fidei creditamq̃ hosti tradidisset: polli
ceturq̃ armorū iudicio, quæ mentiri haud
solere pleriq̃ opinantur, in eo perfidiā de
monstrare. At Vistarinus neq̃ se cōtra ius
iurandum, neq̃ contra militiæ decus fecisse
dicebat, qui pro libertate patriæ id facinus
aggressus esset: imō sibi plus, q̃ mediocre
præmium deberi, q̃ de scūissimorum hosti
um manu ciueis suos uindicasset. Itaq̃ sta
tuto die cum armis equestribus equo subli
mi uectus, gladioq̃ & claua ferrea cinctus
in certamen descendit: pariterq̃ Sigismun-
dus magna Hispanorū caterua comitatus
in castra Italica, ubi pugnae locus electus
erat, proficiscitur: & paribus armis indut⁹
agilitate corporis, qua plurimum fidebat,
Vistarinū primo circuire, & modo à dex

tra, modo à sinistra, uulnus si qua posset in-
 ferre: neq; tamen, præter equum, quem dū
 obus affecit uulneribus, hostem ledere po-
 tuit. Sed ille, qui & corpore proceriore, et
 uiribus plus poterat, postq; Malatestā tot
 gyris fatigatum incautus ictum frustra tu-
 lisse aspexit, ense aggressus eum in dextra
 uulnerat adeo, ut præ dolore gladius è ma-
 nu excideret. Quare acrius iam uulneratū
 & sui defendendi impotem insequutus to-
 tam duelli aream coëgit non semel retroce-
 dentem circuire, donec occidente iam sole
 (cum quatuor horas pugnassent) Vistari-
 no palma certaminis adiudicata est, non si-
 ne manifesto toti⁹ belli omine, q; absq; cru-
 enta militum cede diu, trahi deberet. Inte-
 rea cum iam inclinante æstate, præter unā
 Laudem Pompeiam, nullū fuisset receptū
 oppidum, & Mediolani oppugnatio uide-
 retur durior (quoniam Cæsariani non mo-
 do fortiter intus urbē defendebant: sed fo-
 ris etiam quotidie leuibus prælijs pugna-
 bant audacter) dimissis ad obsidionem Hel-
 uetij una cum Pontificis copijs, , omniq;
 fere equitatu Malatestæ Ballioni Perusino,
 impigro Duci cum octo millibus peditū
 Cremonæ expugnatio destinatur: ubi mil-
 le Germani pedites cum quingentis Hispani-
 nis, & equitibus ducentis præsidio positi
 erant.

erant. Verum postq̃ aliquot dies Malate-
sta circumseclisset urbem, & tentato infelici-
ter per arcem, quam Sfortiani tenebant, in-
gressu supra mille homines amisisset, ne-
res amplius frustra tentaretur, Franciscum
Vrbinate, Veneti exercitus imperatorē
cum omnibus Venetorum copijs co ten-
dere oportuit. Is igitur patefacto usq; ad
munitiones aditu, quibus Cæsariani urbē
ab arce secluserant, fortiores milites clam
traducebat, qui scutis obtekti unā cū sclop-
petarijs uallum alcendebant: atq; ita emi-
nus uulnerati pleriq; concidebant propu-
gnatores. Tormenta etiā ex arcis turribus
crebra emittebant aded, ut exijs, qui hosti-
bus obuiā p̃dirent, pauci redirent incolu-
mes. Tot itaq; Cæsariani difficultatib; pre-
ssi ciuitatē dedere paciscuntur, nisi intra de-
cem dies auxilium a suis feratur. Conuen-
tum etiā est, ut Germani trans alpeis in pa-
triam redeant. Hispanis autem nisi post an-
num in Mediolanensi diuione militare ne li-
ceat. Interea Romæ Clemens Pontifex ob di-
uturnum in Insubribus bellum difficulta-
te pressus pecuniaria cū Vespasiano Pro-
speri filio, totius Columnēsis familiæ nomi-
ne paciscitur de iniurijs ultro, citroq; remit-
tendis, satius utriq; parti existimans euen-
tum totius belli expectare, q̃ nouo militū

LIBER

delectu, & sumptib/ domi fatigari: huius-
 modiq; scedere dimissis tribus peditū milli-
 bus, qui Romę iandudum stipendia meru-
 erant, tutus fuisset, nisi Vgo Hispanus, qui
 superioribus mensibus a Cæsare frustra
 missus Romam uenerat/ pro rebus Italię
 componendis, nactus occasionem Pontifi-
cis opprimendi Pompeiū Cardinalem,
 & Ascanium Columnēseis impulisset (q̃a
 nullam ipsi fidem dedissent) tumultuarius
collectis militibus Romam inuadere: fore
 emur Clemēs nullo munitus præsidio, uel
 in palatio uiuus cōprehenderetur, uel sal-
 tem a bello aduersus Cæsarem discederet.
 Itaq; delectu armatorum duorum milliū
 clam factū Romę prius nunciatum est Car-
 dinalem Columnam/ cum magnis copijs
 apud diui Ioannis Lāteranensis esse, quam
 quisq; tale quidpiam suspicaretur: & iccir-
 co cum frustra Pontifex præsidium in tem-
 pore conaretur parare, hosteis iam appro-
 pinquare audiens uia occulta/ cum pleris-
 que, qui uel in pōtificio palatio habitabāt,
 uel officij, aut metus causa eo conuenerāt,
intra molem Adriani (que nunc arx sancti
 Angeli dicitur) se recipit: seroq; admonit⁹
 non modo carnēis, et alia esculenta: sed an-
nonam, et uinū tot hominibus intra pau-
 cos dies defuturū, maluit pauxillū de suo
 iure

Iure decedere, q̄ ad deditionem fame cogi: & propterea missis oratorib⁹ ab Hispano, qui hæc iactabat fecisse non tam ad Pontificem offendendum, q̄ ut eum in parteis Cæsaris accedere cogeret, conditiones accipit: ut seruatis quatuor mensium cū Cæsare inducijs: copias, quas in agro Mediolanensi habebat, cis Padum reduceret: atq; dati ob eam causam obsidibus Columnæ ses eo libentius discessere, q̄ etsi haud ignorerent arcem nō diuturno tempore ad deditionem ob nimiam obsessorum multitudinem potuisse cogi: tamen haud existimabant Pontificem tam uecordem fuisse, ut eo se recepisset, ubi quatuor dies se continere nequiuisset: & ipsi pauci ac sine pecunia, & commeatu depopulati omnē Pontificiam supellectilem abire incolumes satius ducebant, q̄ expectare donec milites deligerentur: atq; ita turpiter inde cogerentur abscedere. Dum hæc fierent, Francisc⁹ Galliarum Rex ex fœdere cum Pontifice, & Venetis inito, Vasconum quatuor milia, & quadringētos equites cataphractos, totidemq; uelites duce Michaelē Antonio, Salutianorū principiē in Italiam destinat: q̄ Italico exercitui adiunctus: communibus auspicijs bellum aduersus Cæsarianos gerat: & forē per id tempus iter faciens in

LIBER

ora trāspadana aliquot oppida receperat,
 cum ei renunciatum est ob pontificis copi
 as, quæ eius iussu discessum parabāt, & Ve
 neti exercitus absentia, cuius magna pars
 apud Cremonam urbis deditionem expe
 ctabat, Cæsarianos non modo Mediolani
 non obsideri: sed populari omnē undiq;
agrum: & magnos commectus indies in
 urbem cōportare. Quare spreta transpa
 danæ regionis curatraciectis copijs Hispa
 nos cohercere ab agrorum, & uillarum in
ursionibus pergit: uerum hæc sero prou
 debantur, Nam seu q̃ antea exercitus Itali
 cus parum curauerat castella urbi propin
 qua redigere in potestatem, & impositis p
 fidijs prohibere, ne quicq̃ in urbem com
 portaretur: seu quod ea est soli ubertas, at
 que urbis amplitudo, ut non nisi longo tē
pore res ad exitum deduci possit, Hispani
 per æstatem omnia ad tolerandam diu ob
sidionem (si ita opus fuisset) congelerant:
 & ciuium sumptu prope incredibili indies
lautius epulabantur. Illud etiam Cæsaria
 nis addebat animos, ut non modo pares
 Italici, sed etiam superiores euaderet, q̃ Ge
 orgius Frondespergus, qui duob; superio
 ribus bellis in Italia pro Cæsare cū magna
 laude militauerat, a Gaspare filio, qui Me
 diolani Germanis imperabat, et ab Alpho
 so Da

fo Daualo, Antonioq; Leua magnis pol-
licitationibus accitus ppr̃is pecunijs qua-
tuordecim peditum millia delegerat, pen-
soq; in singulos homines ultra ducum, &
centurionum stipendia aureo nummo, p
Tridentinos saltus iter in Italiam tenta-
bat arripere: quo nuncio consternati Ialo-
rum animi, ne obsidionem penitus inter-
mittere cogrentur, cœnobium ab urbe
duobus passuum millibus munire prope-
rant: ubi tria peditum millia cum quingen-
tis equitibus tuto hyemare possent. Mogū-
tiam etiam firmari iubent præsidio, ut plu-
ribus a locis uiatores deterrere possent, q̃-
minus ad urbem commeatus cōportaret.
Verum hoc rerum apparatu, cum innotu-
isset Germanos: Frondespergo duce cum
tormentis, & ualida equitum manu a Fer-
dinando Pannoniæ Rege tradita alpeis: fru-
stra repugnante Venetorum præsidio: trā-
sisse, abiecta huiusce muniminis curā Me-
diolanensem obsidionē penitus intermit-
tunt: ipsiq; Vrbinas et Ioannes Medices cū
equitibus, & expeditiore peditatu profici-
scunt aduersus Germanos: qui iam Pische-
riam iuxta lacum Benacum applicuerant,
ac pleraq; Venetorū oppida, & loca immu-
nita partim annona & cibarijs, partim pe-
cunia muletabant. Quocirca Veneti, ut su-

LIBER

orum animos cōfirmarent, prohiberentq;
 (si qua possent) ne hostibus ulla re auxiliū
 ferretur, quotidie in armis erant: Germanosq;
 iter facienteis infestabant adeo, ut le-
 uibus preliis eorum multi quotidie deside-
rarentur. Verum ubi Germani in Mantu-
 anos iter direxerūt, Vrbinas, & Medices,
 ut proficiscenteis quiescere haud sinerent,
 cum ualida equitum, & peditum manu a-
 latere, & a tergo hosteis adoriuntur. Ipseq;
 Medices, ut pote audacior, & leuibus ma-
gis assuetus p̄liis antegressus scloppo crus
 grauiter saucius pugna statim coactus est
 excedere: & Mantuam delatus non sine
 magna totius Italię iactura intra decimum
 diem uitam finiuit. Interea Mediolani solu-
 ta penitus obsidione Hispani stipēdia mul-
 torum mensiū efflagitare: palāq; minari,
 nisi quamprimum pendantur, sese omnia
 turbaturos: & ut res militū animos cōpro-
 baret, tabernas, & domos diripere: ciueis,
 quos obuiam habuissent, spoliare, & capti-
 uos facere cœperunt: adeo ut ad huiusmo-
 di tumultum accurrentes ipsi Borbonius,
 Alphonfus, & Leua p̄misso quinque mensi-
 um stipendio seditionem uix sedare potu-
 erint: utq; pollicita seruādi facultas suppe-
reret, non modo per noctem plerosq; e ci-
 uibus, & mercatoribus, quos ditiores exi-
 stimabant,

stimabant, cōprehenderunt, & carceri in-
clusos quam maximam pecuniæ potuerūt
summam exsoluere cōegerunt: sed argen-
tum etiam, & aurū ex ipsis Deorum tem-
plis abstulere. Itaq; numerata in singulas
cohorteis stipendiorū parte Papiam mo-
do hos, modo illos (quamuis id esset diffi-
cillimū: atq; haud scio/an quicq; toto hoc
in bello difficilius fuerit) transmittabant.
Eo em̄ animo Cæsariani omnes, & præci-
puè Hispani Mediolanū uenerant, ut nun-
quam nisi pecunia, & præda onusti inde
abscederent. Verū ubi id omnino impossi-
bile fore cognouerūt, præsertim tanto mili-
tum sumptu plerisq; ad egestatem redactis
Fortunas ciuium ex urbe discedentiū mul-
ti inuasérant: multiq; ut ciues eijcerentur,
coloni tantum, & foeminæ retinerentur p-
priæ utilitatis causa suadebāt. Sed ob Ger-
manorum Frondespergo duce aduentū,
qui apud Casalemai⁹ ope Mantuani Prin-
cipis traiecto Pado: Fidentiolam, agri Pla-
centini oppidum sese contulerant, senten-
tiā immutata est, cū Mediolanensis ditio, p-
sertim diuturno bello uastata: amissa etiam
Cremona, & Laude Pompeia tanto mili-
tum numero haud sufficere uideret. Quā-
obrem alias sedeis quærere, alibiq; tantam
exonerari procellam decretum est, Adie-

Atus est igitur animus ad Pontificis urbeis: in
 quem, tanquam pristinae amicitiae desertorem,
 male animati erant. Placentiaque primum
 eorum sensisset impetum, nisi Salutiano &
 Venetis persuasum fuisset e re Italiae fore
 Clementem, quod & secum foedere iunctus,
 & Pontifex esset, ab iniuria tutari, praesertim
 quoniam polliceretur post transactos qua-
 tuor menseis bellum instaurare. Atque ita trans-
 misso in urbem ualido praesidio, moenibusque
 uallo, & fossa communitis Borbonio, qui
 cum Hispano peditatu, & equitibus, addu-
 ctis machinis eo uenerat, tanquam equo terro-
 riter exultanti frenum iniectum est: adeo ut
 uim experiri noluerit, Italicum scilicet ex-
 ercitus ueritus, qui non longius, quam sex pas-
 suum millibus castrametatus, licet pugna
 abstinere decreuisset: tamen quotidie Cae-
 sarianos leuibus infestabat praelijs, equita-
 tuque comitum hostium prohibebat: quod
 effectum est: ut Caesarianis summa pe-
 cuniae inopia laborantibus, cum
 per uillas, & oppida ad paran-
 dum uictum uagari non lice-
 ret, nouo consilio foeli-
 ciorem fortunam quaerere
 satius ui-
 sum sit.

Galacii

GALEACII CAPELLÆ, DE

rebus gestis/pro restitutione Fran-
cisci II. Mediolanensium Ducis,
Liber Septimus.



AM NIHIL
Cæsariani in op-
pugnanda Placē-
tia proficere spe-
rabant: & neces-
se erat exercitū,
cui stipendiū nō
suppetebat, spe
prædæ contine-

re. Quare ex omnium ducum sententia:
Borbonius aduersus Florentinos, & Pon-
tificem cum tanto exercitu statuit iter diri-
gere. Antonium autem Leuam cum qua-
tuor Germanorum, totidemq; Hispanorū
cohortibus Mediolanum remittit: ubi tria
millia Germanorum peditum uictum sibi
a Mediolanensibus parari imperauerant:
& iam decretum erat, ut in quatuor urbis
classibus alerentur iuxta ciuium censum:
uel in singulos sexta pars aurei nummi in-
dies numeraretur: utq; onus facilius tole-
rari posset, uiciniarum præfecti non solū
diuites: sed etiam eos, qui labore quōtidia-
no uitā agebant, p uirili coëgerant ad sum-

ptum faciendū. Ceterū adeo multi ex urbe
abierāt, ut iuxta censum mille aureorū/uni
cuiq; esset alendus unus militum: neq; ta
mēn reliquæ duæ classes immunes erant.
Sed Italī peditibus ad numerum circiter
duorū millium/sub Lodouico Barbiano
militantibus, & ihs, qui cum Antonio Le
ua regressi erant, stipendium pendere co
gebantur. Igitur senatus consulto cautum
erat, ut omnes, qui triennio proximo urbe
abscesserant, quamprimum reuerterētur:
& militum onera tam imprēsens, q̃ in futu
rum sustinerent. Senatus autem, qui à Le
ua immunitatem hospitiorum impetraue
rat, litibus, quę propterea oriebantur, sem
per intentus nihil magis curabat, q̃ nullā
militibus excitandi tumultus occasionem
relinquere: & iccirco præconis uoce fugi
entes sub capitis pœna euocabantur, eorū
que bona nulla absentię excusatione do
nabantur militibus. Dum hæc Mediolanē
agerentur, iam Franciscus Sfortia ē Cre
monæ, & Laudæ uestigalibus, ac tributis
ad tria millia peditum in armis habebat: et
non modo duas ciuitateis, oramq; transab
duanam militum suorum munierat præ
sidio: sed in agrum quoq; Mediolanensem
illos progredi iubebat. Forteq; eo tempo
re euenerat, ut Sfortianē repentino impetu
Mogun

Moguntiam occuparent. Quamobrem,
si impune id ferret, dedecori sibi fore Anto-
nius Leua existimans, cum septem armato-
rum millibus ad oppidum properat. At
Sfortiani, qui omnia imparata, nullamq;
auxilij spem habebant, propterea q; exer-
citus Italicus paucis Venetorum exceptis,
qui trans Abduā stariua habebant, Borbo-
nium Italix inferiora loca petentem seque-
batur, oppidum diripiendum Cæsarianis
relinquunt. Eiectis Moguntia Sfortianis
una tantū melioris fortunę supererat spes:
quod Borbonium, qui ne oppidum qui-
dem, quo se reciperet, habebat, sine pecu-
nia, sine com meatu cum exercitu tam ma-
gno aliquo in præcepsum iturum existima-
bant: neq; in animum cadere poterat uni^o
Alphonſi Eſtenſis opibus, qui tum solus/
contra pristinum institutum ob odium in
Clementem Pont. Cæsarianorum partib;
fauebat, tantam gentiū colluuiem diu pos-
se sustentari. Cæterum pleriq; sefellit opi-
nio. Nam postq; in Florentinorum ditio-
nem peruenire, atq; occupandæ urbis, cu-
ius opibus tot milites ditari sperauerant, fa-
cultas nō dabatur, spretis inducijs a Caro-
lo Lanoio, cū Pontifice nuper pactis Bor-
bonius maximis itineribus Romam con-
tredit: ubi Pōtifex dimissis magna ex parte

LIBER

ritus
boni.

St. f.
g. e. i.

militibꝫ sub Lanoj fide se tutum existima-
bat. Itaqꝫ aditu per uim occupato, cū ipse
Borbonius murum ascendens scloppo
ictus statim mortuus concidisset, Cæsaria-
ni milites non modo hostiliter urbem diri-
puerunt: sed ipsum etiam Pontificem, qui
in Adriani molem confugerat, ad deditio-
nem coactum captiuum tenuerunt. Neqꝫ
dies ille, quo alma urbs prædæ fuit, quo
ipse diuorū reliquiæ altaribus erutæ sunt,
quo tot uirgines intra castos parietes oc-
clusæ libidinem coactæ fuerunt militum
explere, quo non modo in homines: sed
ipsa etiam in marmora, & antiquas Roma-
norum statuas sæuiū est, sinem dedit malo-
rum. Nam milites distributis in tota urbe
per domos paulo ante direptas hospitij,
Cardinalejs, Antistites, principum orato-
res, ciueisqꝫ, & mercatores, ac omnem po-
pulum Romanum, quibus paulo ante in-
numerabili pecunia redemptis: nihil om-
nino supererat, ad alendum tantum exer-
citus coëgere: ipsiqꝫ per ludibrium sacer-
dotalibus uestibus induti urbem perequi-
tabant: &, tanqꝫ ibi eorum perpetuum so-
ret domicilium, quęcunqꝫ ad uoluptatem,
& delitias quærebant: neqꝫ exercitum Ita-
licum, qui uicinorum populorū in se studi-
um, & fidem continebat, neqꝫ Francorum
Regem

Regem timentes: qui alium exercitum parabat, duce Lautrecho: ad comprimendas in Italia Cæsarianorum uiribus, & præsertim ad restituendam Pontifici libertatem: cui expeditioni sumptuum portionem rex Anglicus impartiebatur: & male animatus in Cæsarem, cum ob alias causas, tum ob non restitutam iamdudum; mutuo creditam pecuniam, nihil magis cupere uidebatur, quam eius potentiam cōpescere. Sed antequam Gallus alpeis transiret, Veneti auctis copiis, adiunctisque tribus Sfortianorum peditum millibus aduersus Cæsarianos, qui Mediolani æstiuæ agebant, proficiscuntur. At Leuane, cum præcipuum Italici exercitus abesset, robur collectos paulo ante milites, eosdemque paucos formidare uideretur, cum Germanis peditibus Hispanisque ferme octingentis, totidemque Italis, ac non magna equitum manu urbe egressus occurrit hostibus, statimque illos cōegit iam castra intra Melignanum collocanteis potius retrocedere, quam committere, ut oppidi immuniti causa pugne locus esse posset. Per id tempus Io: Iacobus Medices, quem supra arcis Mussi præfectum esse retulimus, aucto nomine, & uiribus ob Clauenæ strenuum facinus, non modo a Francisco Sfortia, & Venetiis maiora stipendia merebatur: sed ipsi etiam

L I B E R

Francorum regi dignus uisus est, quem cū
 magna peditum manu in Ducatum Medi
 olanensem præmitteret. Et propterea, dū
 Heluetios Gallico stipendio, apud Lariū
 lacum expectat, cum paucis armatis arcē
 inter Leucum, & Comum Mongutiū di
 stamper dolum occupat: quam Alexan
 der Bentiuolus nihil huiusmodi metuens
 inhabitabat tanq̃ domū propriam. Quā
 obrem Antonius Leua statim recuperan
 dæ arcis Lodouicum Barbianum præficit:
 qui tentata infelicitèr oppugnatione, ac
 cælis ferme e suis centū, re infecta Mogun
 tiam abiit. Liberato itaq̃ suorum præsidio:
 Medices collectis circiter peditum tribus
 millibus in agrū Mediolanensem descen
 dit. At Leua, qui Melignani castrametaba
 tur, siue q̃ milites cōmeatum omnem eme
 re cogerentur, & alieno sumptu uiuere as
 sueti stipendium, quod a Mediolanensib⁹
 pendebatur, donec extra urbem permane
 rent, in summa annonæ penuria non suffi
ciebat, siue quod urbi tam propinquo du
 obus à lateribus hoste metueret, sublatis ta
bernaculis in urbē rediit. Ceteroq̃ factus
 Medicem cœpisse locū: castris immunitū
 (Caratum uocant) quatuordecim passuū
 millibus ab urbe, ipse prima uigilia cū om
 nibus copijs egressus sub solis ortum ho
 steis

fteis nihil tale opinanteis adoritur. Quare
 territi noui milites domibus, in quibus di-
 uerfabantur, exeuntes in planitie propin-
 quasæpibus circumdata aciem instruunt:
 uelites cum scloppetarijs ad leue præliū nō
 omneis hostiū copias uenisse rati: sed opi-
 nione frustrati, cum loco decliui, & clauso:
 tanq; carcere septi essent, absq; sui defendē-
 di facultate: pleriq; aut cæsi sunt, aut capti
 in hostium uenerunt potestatem: nonnulli
 tamen, cum Io/ Jacobum ducem: arrepto
 equo fugam quæsisse intelligerent, diuersa
 in loca, quo timor, & occasio suadebant,
 abiere. Adepta huiusmodi uictoria Anto-
 nius Leua cum suis incredibili gaudio Me-
 diolanum regressus est: ubi tantummodo
 armatos ducentos reliquerat minime Ve-
 netos timens, qui decem tantum passuum
 millibus aberant. Cum ijs itaq; , qui belli fi-
 nem cupiebant, parum spei in Veneris su-
 peresset, reliquum erat auxiliū a Gallis p-
 stolari: qui superatis alpibus: duce Laure-
 cho, Hastam applicuerāt: expectataq; Hel-
 uetiorum legione in unum cogeabant copi-
 as: & forte per id tempus Ludouicus, Lo-
 droni comes cum ualida Germanorū ma-
 nu Boschi (oppidum est in agro Alexan-
 drino) pecuniam ad sumptus militum, qui
 Alexandriae erant, perferendos exigebat:

Volites
 scloppetari
 fene pre

cum Lautrechus iussis equitibus/cum par-
 te Heluetiorum ad oppidum properare,
 Germanis uiam ad suos Alexandriam re-
 deundi preclusit: subsequutoq; postmodū
 toto exercitu, et ad motis machinis; aliquot
 in locis pergit quassare moenia. Sed intus
 ppugnantium multitudo plureis dies Gal-
 lum detinuit: tandem expugnato oppido,
hostiliterq; direptis, & incensis domibus:
oppidani, qui fugam non arripuerant, co-
acti sunt pecunia libertatē redimere. Ger-
 mani autem, qui primo impetu mortē eua-
 serant, Gallicum stipendium sequuti/Lau-
 trecho adhæserē. Dum hæc agerentur, An-
 dreas Doria Genuensis, Gallicę classis præ-
 fectus: solutis ē Massiliensi portu decem &
septem triremibus oram Lygusticam infe-
stabat: & usq; ad Genuę portum progredi
 ens non modo Genuensium impediēbat
mercimonfa: sed etiam nonnullas naueis
onerarias, quæ maximam uim frumenti
deuehebant, intercipere conatus intra por-
tum Delphinī obsederat ita, ut inde exire
 non auderēt: eodemq; tempore Cęsar Ful-
 gusus, qui ob aduersam factionem Adur-
 nis Genuę imperantibus exul Venetis mi-
 litabat, & paulo ante cum auxiliaribus Ve-
netorum copijs ad Lautrechum uenerat,
 Galli iussu terrestri iunere aduersus Genuę
 enseio

enſeis proficiſcitur. Atq; ut ciuitas, quam ſumma uict⁹ penuria laborare haud igno-
rabat, celerius ad deditiōem cogeretur,
qua ſibi iter erat, pecora, atq; armenta abi-
gere: oppida, & uillas, quæ ob locorum
aſperitatem paucae ſunt, depopulari: neq;
ullum edulij genus intra urbem importa-
ri ſinere. Quibus rebus per mori Genuen-
ſes, cum omnem ciuitatis tuendæ ſpem in
illis nauibus poſitam eſſe perſpicerent, edu-
ctis armatis ſext⁹ triremibus auxilium ferre,
ſi qua poſſent, tentare: adeoq; Genuenſib;
fauit fortuna, ut ſubito uentorum turbine
compulſus hoſtis/ Saonam ſe recipere co-
actus ſit: Philippinusq; Doria, Andreæ ex
fratre nepos in Genuenſium manus inci-
derit. Atq; hoc ſecūdo rerum ſucceſſu: Ge-
nuenſes non ſolum aduerſus Fulgoſum
intus ſeſe tuentur: ſed etiam exire urbe au-
dent, & hoſtem pugna laceſcere: quem in
fugam uerſum cū incautius ſequentes præ-
tergreſſi eſſent, ipſe ad urbem alio itinere
ire perrexit: & Gabrielem Martinengum,
militem Genuenſium ducem fruſtra ſuos
reuocantem comprehendit. Itaq; Genuen-
ſes cum ſuos excluſos uiderent, & iandu-
dum laborarent re frumētaria, Fulgoſum,
& milites Venetōs, qui cum eo erant, in-
tro admiferunt. Sed Lautrechus paulo

post sequutus præfectū. Regio nomine cū
præsidio urbi imposuit: & recepta paucos
post dies per deditiōē arce, in quā Adur-
nus cum Cæsarianis se receperat, & ciuita-
tem, & omnem oram Lygusticam ditione
tenuit. Interea exercitus direpto Boscho
 Germanos Alexandrię inclusos infestare,
& ne commeatus amplius introferretur,
prohibere, donec Lautrecho reuerso: mœ-
nia circumfederi, & oppositis machinis/p-
strari cœpta sunt: & primo quidem aggressu
maximè declinauerunt Cæsarianorum
animi ob militū amissionem, qui Boschum
profecti inde redire non potuerant. Verū
cum paulopost Albericus Barbianus/cū
armatis quingentis, per colleis Alexandrię
proximos in urbē intrasset, difficilior op-
pugnatio reddebatur. Nam strata machi-
nis murorum parte uallum magna celeri-
tate intus reficiebatur: & sine ingēti cæde
Galli ingressum per uim tentare non pote-
rant, præsertim anteq̃ Veneti tormenta nō
pauca cum puluere sulphureo misissent: q̃
bus postea diuersis in locis mœnia adeo
quassabantur, ut Baptista Lodronius diuti-
us urbem tueri posse diffusus/deditiōem
facere coactus sit his conditionibus, ut sibi
cum Germanis, atq; impedimentis omni-
bus in patriam, Barbiano autem in Tauri

nos abire liceret : modo per semestre contra Galliarum Regem , atq; eius socios arma non inferret. Recepta itaq; urbe quingentos ferme e suis Lautrechus delegerat, quos Alexandriae praesidio imponderet, nisi Franciscus Gauatius, Sfortiae legatus implorata Anglici, & Veneti oratoris fide coquestus fuisset, iam in ipso belli initio foedus non seruari : & propterea Lautrechus, cum se id ob Genuensium uicinitatem, & commodum militum, qui adhuc e Gallia uenturi essent ad restituendam Italiae libertatem tentasse diceret, quando ipsis aliter uideretur, ut Sfortianum urbi imponderetur praesidium permisit. Per hos dies Antonius Leua, qui debellatis Medicis copijs Mediolanum se contulerat, exercitumq; continebat in suburbis, neq; ciueis alia re, praeter q; stipendio militum grauabat, queri pecuniam, serius a ciuitate subministrari : neq; ad tantos sumptus sufficere. Quocirca Mediolanenses, qui haec ad maius imponendum onus tendere non ignorabant, polliceri supra uireis sese facturos, quo stipendium militibus non deficeret, modo extra priuatas domos continerentur, & parceretur urbi, tandiu superiore anno ab Hispano exercitu uexatae. Sed nihil proficiebant querelae ciuium ; mosq; gerebatur militib;

ut epularum, & lucri causa/ aduersus tam
ualidas hostium uireis urbem & sese tueri
 uellent. Introducto itaq; exercitu, distribu
 ti iuxta ciuium censum milites fuerunt: q
 & si numero non multi admodum erant:
 tamen, quia in una quaq; cohorte plerisq;
 duplex, aut triplex stipendium pendebar,
 multo plureis pecuniæ distributiones ad
 sumptus quotidie conferre oportebat: &
 multis, qui urbem deseruerant, multis etiã
 egestate compulsi: portiones suas non cõ
 ferentibus, reliqui ad illorum sumptus co
 gebantur. Cum autem Antonius Leua,
alioqui in rebus etiam duris intrepidus, iã
 capta Genua, & Alexãdria, ac tanta uir ho
 stium adueniente, tam modico exercitu,
 præsertim sine pecunia, sine cuiusq; auxiliij
 spe, adeo magnã urbẽ tutari posse diffide
 ret, dicitur animo agitasse Papiam se reci
 pere. Cæterum quia certior factus est eam
 urbem commeatu carere, sententiam ea
 fiducia mutasse, qd uirò in re militari ma
 gni nominis, etiam si hosti cedere oportet
 ret, nuncq; honestæ conditiones de futuræ
 essent. Atq; ita misso Papiã Lodouico Bar
 biano, cum ipse antea quam plurimis edi
 ctis ciueis urbe abscedere phibuisset, tunc
 modo iuxta censum pecuniam duorum
 mensium numerarent, uolentis abire per
 milit:

misit: diplomataq; obsignabat abeuntib;
ut apud hosteis etiam morari liceret. Id au-
tem plerisq; euitandorum tot imminentiū
periculorum causa haud displicebat: & ni-
si rei pecuniariæ obstitisset inopia, pauci
oblata huiusmodi opportunitate in urbe
remansissent. Dum hæc Mediolani agun-
tur, Galli pactis inducijs cum Ioanne Cer-
uillione Hispano, qui Casellas oppidum in
transpadanis munitissimū tenebat, ne abe-
unte iam æstate nimiam in oppugnatione
moram traherent, in agrum Mediolanen-
sem proficiscuntur: & cum haud longius,
q̃ octo passuum millia ab urbe castra locas-
sent, ex eo loco præter omnium spem Pa-
plam ire perrexerunt: incertum siue id fa-
ctum sit, quia Francisci Sfortiæ restitutio-
nem egre ferrēt, siue quia occasione Papiæ
expugnandæ prætermittere noluerint: Re-
missis em̃ a Barbiano Mediolanum paulo
ante militibus circiter quadringentis, quo
Lautrechus traiecto Ticino profecturus
uidebatur, Papia erat expugnata haud dif-
ficilis, Sfortianis præsertim, & Veneris ad-
tuctis: qui tantam adduxerant tormento-
rum, & pulueris sulphurei copiam, ut qua-
tuor diebus, quibus acriter urbs oppu-
gnata est, magna murorū pars solo æqua-
ta sit; neq; ullo modo qui intus erant, ad

uallum obducendum sufficerent. Quam
 obrē Papienses supplices Barbianū obse
 crant, si sibi, si militibus nollet parcere, par
 ceret tot matronis, & uirginibus, quas ir
 rumpente hoste iam rapi, iam per uim stu
 prari uidere uidebantur. Sed cum nihil eo
 tempore profecissent preces, tandem sero
 Barbianus admonitus militibus, & ciuib;
 qui unā propugnationi aderāt, iam nimio
 labore fessis, tubicinē ad Lautrechū p de
 denda urbe mittit. Sed, dum Gallus ipse,
 qui profectus erat in Venetorum castra, p
 quiritur, milites: acie iam structa maximo
 impetu, qua murorum ruinæ aditum da
 bant, urbem ingrediuntur. Quod ubi con
 spexit Barbianus, reclusa porta confestim
 in hostium castra ultro pergit: deductusq;
 ad Lautrechum captiuus Genuā mittit.
 Interea Galli ob acceptam superioribus
 annis apud Papiam cladem, urbi inensi,
 post cædem primo ingressu editam, ac di
 reptas non solū priuatas domos: sed mo
 nachorum etiā cœnobias, & diuorū tem
 pla, nullum captiuus ciuib; efficiēdis mo
 dum facere: sed plerosq; ter, & quater ad
 sese redimendum pecunia cogere: postre
 mo Vascones, qui præter cæteros erant im
 manissimi, ignem in ciuium domos infer
 re, & totam urbē miscere incēdio, nisi ipse
 Lautre

Lautrechus tandem post octauum diem
 militum furorē in immeritam urbem ulte-
 rius debacchari prohibuisset. Recepta in
 hunc modū Papiæ Lautrechus quam pri-
 mum/cum Innocentio Cardinale, legato
 Bononiensi, qui ad ipsum paulo ante pro
 liberando Pontifice uenerat, agere cœpit/
 de profectione aduersus Cæsarianos: qui
 Romam occupabāt. Quod cum diu secre-
to contineri nō potuisset, Franciscus Sfor-
 tia magno optimatum cœtu, qui ad se Me-
 diolano confluxerant, comitatus ad Lau-
 trechum anteq̃ Papiā discederet, uenit, tū
 ut suam in Regem demonstraret obseruan-
 tiam, & studium: tum etiam ut ipsi Lautre-
 cho, qui huiusmodi honores ambire uide-
 batur, persuaderet satius esse Insubrum pri-
 us expeditionem perficere, q̃ relictis pro-
 pinquis hostibus longinquos sectari: &
 haud quidem minus uere, q̃ ex animo, ga-
 ere sua esset, admonebat: idēq̃ sentire Lau-
 trechus profitebatur. Sed duorum, Gallia-
 rum scilicet atq̃ Angliæ regum: quorum
 communi sumptu continebatur exercit⁹,
 præcepta obstare: qui se in Italiam potissi-
 mum miserint/pro recuperāda Pontificis
 libertate: quo perfectō haud difficile fore
 Antonium Leuam Medioloano expellere:
 Interea ipsum Sfortiam/cū Venetis posse

urbem obsidere: & breui compellere ad
 deditionem, si præsidij impoſitis oppida
 & caſtella muniatur: arceanturq; per equi
 ratum uiatores, qui commeatum ad urbē
 compoſtare conſueuerunt. Atq; ubi hæc
 parum ſufficiant, ſe in Inſubres Deo Opt.
 fauente, pro cuius eccleſia militet, uictorē
 paulo poſt rediturum: & ſi quid radicum
hoſtilium adhuc ſupererit, extirpaturum.
 Cæterum quācūq; hæc Sfortia in bonam
 partem acciperet: tamen non eum latebat,
 q̄ multi proterito afferēbant Regem iccir
 co nolle impræſentia ipſum in Ducatum
 ſuum remitti, q̄ uereretur, cum primum
 ipſe Sfortia eſſet reſtitutus, cum in parteis
 Cæſaris tranſiturū: uel potius quia in ipſi
 us arbitrio haud fuiſſet reſtituto Principe
 Mediolanum reddere, ſi pro filiorum recu
 peratione ſibi pacifci contigiffet de traden
 do Cæſari Mediolanenſi Ducatu. Habito
 huiusmodi colloquio: Sfortia poſtero die
 Laudem Pompeiā reuertitur. At Lautre
 chus paucos dies Papiæ moratus, dimiſſis
 Heluetijs, qui Romanam expeditionem ſe
 qui noluerunt, cum Germanis, qui Gallia
 frequentes Regis iuſſu ad ſe ueniebāt, Pla
 centiā conceſſit. Ibiq; per oratores Alphō
 ſum Eſtenſem, Ferrarienſiū ducem, ac Fe
 dericum, Principem Mantuanorum q̄ tuti
 ore

Ores essent partes Regis, fordere iungit. It-
terea Antonius Leua, cum Galli discessis-
sent, parum Sfortianos, & Venetos timēs,
qui ad gerendum bellum cis Padum soli
remanferant, cum quatuor armatorū milli-
bus, & magna tormentorum ui Abbiatū
circumsedit: & multis ictibus incenia quat-
ens Sfortianos, qui oppidum præsidio te-
nebant, unius diei spatio coëgit ad deditio-
nem: & iam naueis ad trañciendum Tici-
num parabat, idem aduersus Vigleuēnū,
Mortariumq; ac reliqua Laumellensium,
& Nouariensiu oppida factururus, nisi Lau-
trechus Petrum Nauariensem, peditatus
Regij præfectum cum ualida Vasconum
manu remisisset: atq; ita paucis dieb⁹ rece-
ptum Abbiatum: Sfortiani maiore militū
præsidio, & conuecto undiq; com meatu:
muniuerunt. Quo effectū est, ut quamuis
Vascones Placentiam ad Lautrechum re-
dierint: tamen Leua spe potiundi Laumel-
lensis agri frustratus Mediolani plureis di-
es se cōtinuerit. Sed postq; relictis Insubri-
bus Lautrechus in Flaminiam peruenit,
Italos, & Hispanos Milites emisit, ut uict⁹
pēnuriā, quæ diuturno bello omnia Me-
diolanensis imperij loca inuaserat, aliqua
ex parte leuaret: aditumq; qua posset, pa-
refaceretq; is, qui lucri causa annonam, &

LIBER

cæterum com meatum in urbem compor-
 tabant: simulq; ut regionem, & oppida, q̃
 minore conatu expugnari poterant, reci-
 peret: hostilq; sentiret sibi animos, & uireis
 haud deficere. Redacto itaq; in potestatem
 toto superiore Mediolanensi agro (quem
 Seprium incolæ uocant) Philippus Torni-
 ellus, qui Italiam erat præfectus, collectis na-
 uibus cum mille ferme, & ducentis pediti-
 bus Ticinum transgreditur: atq; urbē No-
 uariam per arcem, quam Galli expugna-
 re noluerant, ingressus Sfortianos ad nu-
 merum quadringentorum inde abire coë-
 git: pars itaq; Aronam ad Federicum Bor-
 romeum, reliqui cum Accursino Lauden-
 si profecti sunt Mortarium: atq; ibi sese tan-
 quam frontē pro defensione Laumellen-
 sis, & Papiensis agri aduersus Torniellū,
 & Cæsarianos opposuerunt, donec trans-
 misso ualidiore prælidio Torniello facul-
 tas adempta est ulterius euagandi: sed tan-
 tummodo leuibus præliis quotidie inuicē
 certantes totam hyemē consumpserunt:
 neq; facinus ullum memorabilius edebat,
 q̃ q̃ oppida, & loca omnia immunita pal-
 sim diripiebantur: & non modo deprehē-
 si uiatores (adeo res in formam latrocinij
 uenerat) sed etiā intra proprias domos op-
 pidani captiui fiebant: neq; hæc tantū ede-
 bantur

bantur a latronibus, quorum numerus, tum
ob hominum egestatem, tum ob intermis-
sas plerasq; bellorum diuturnitate merce-
narias artes, haud erat exiguus: sed ipsi et-
iam milites nullum prætermittebant latro-
ciniæ genus: & si quem nacti erant, ex quo
aliquid corradî posset, inauditis prius cru-
ciatibus laceratum cogeant aurum excu-
tere. Per id tempus Io. Iacobus Medices, q
communî Italogum principum stipendio
militabat, ne omnino nihil ageret, Leucû,
tanq; oppidum sibi opportunissimum; in
extremo lacus Larij cum sexcentis pediti-
bus circûsedit: neq; poterant Hispani Co-
mo auxilium obsessis mittere ob multitu-
dinem nauium, quas ipse Medices iam pri-
dem Comensibus eripuerat. Quare Anto-
nius Leua, ne per ignauiam oppidû amit-
teretur, decreuit, quando classe nō posset,
terra auxilium ferre. Eductis igitur Medio-
lano omnibus copiis, ipse cum Germanis
ad quintumdecimum ab urbe lapidem ca-
stra locat. Hispanos aut, atq; Italos pedites,
quorum numerum receptis Nouariensi-
bus per hyemem auxerat, expugnata Ol-
ginati arce in ripa Abduæ posita, quā Me-
dices antea occupauerat, trans Abduam
ire iubet, ut terrestri itinere Leucum ingre-
di possent. Philippoq; Torniello auxiliū p

uim obsessis ferēdi cura demandat. Nam Medices antea explorato Cæsarianorum aduentu, & cum Venetis, & cum Sfortia egerat, ut ad se auxiliares armatorum copiae mitterentur: & acceptis à Venetis aliquot tormentis bellicis omneis aditus, qui ob locorum & montium asperitatem difficiles erant, uallo, fossisq; obstipauerat: uimque hostium huiusmodi auxilio haud magno conatu repellere sperabat: & ne tanta spe frustraretur, ipse, quo periculū maius imminebat, adesse suos ad strenuē pugnam dum horiari, ut præteritam ignominiam præsentī uirtute resarciant: arma, ac instrumenta ad instaurandos aggeres aduersus uenturos hosteis parare: operarios militibus iubere adstare: Venetos præterea in locis asperiorib⁹ præsidio ponere: ut quāto locorū natura tutiores essent, tanto longius abessent a periculo: uerum id frustra prouisum est. Nam Cæsariani occupato ex aduerso latere monte, qui Leuco imminet, tentato infelicitè pluribus in locis aditu, tandem qua Venetorum cohortes præsidio positæ erant irrumpunt. Quod sentiens Medices suspicatus quamprimum id, quod antea uarijs rumoribus ad se delatū fuerat, Sfortiam egrè laturus, si Leuco ipsum potiri contigisset, tormenta protinus, quæ

a Venetis acceperat, nauibus imposita ab-
 ducit: ipse quoq; cum suis nauibus ascendēs,
 quas in ripa ad omnem casum paratas ha-
 bebat, Torniello, & Cæsarianis facultatē
 reliquit oppidi muniendi: statimq; agitare
animo cœpit (quando hac uia Leuci poti-
 undi facultas secus cesserat) alia rem aggre-
 di. Nam Hieronymus Moronus, quem su-
 pra a Ferdinādo Daualo carceri inclusum
 fuisse retulimus, post transactum annum
 ingenti auri summa a Carolo Borbonio li-
 beratus, & unā cū eo Romā profectus, iam
 apud Philibertum, Auracq; Principem, q
 post occisum Borbonium exercitus prele-
cturam susceperat, magnam sibi uendica-
 uerat auctoritatem: neq; quicq; sine eius
 consilio a Cæsarianis Romæ agebatur. Is
 igitur siue, q; Medici bene esse cuperet, siue
 q; in parteis Cæsaris maiore, quam antea
 studio transisset, Antonio Leucē literas mie-
 ti a Philiberto persuasit: quibus moneba-
 tur ne Medicis amicitiam aspernaretur: q̄
 magno ei aliquando usui esse posset: simul
 que ipse ad Medicem in eandem scripserat
 sententiam, & ut hominem, quem rerum
propagandarum cupidissimum agnosce-
 bat, magis alliceret, se Leuco, & eius iurib;
 quod a Sfortianis, a Francisco Galliarum
 Rege, & ab ipso Ferdinādo Daualo Cæsa-

LIBER

ris nomine dono habuerat, cessurum ob-
 tulit, modo parteis Cæsaris iuaret: neq;
 conditiones adeo optatas Medices respue-
 rat: sed animi sui consilia minus declarans,
 quid ferret rerum euentus expectabat. Ve-
 rum, postq; Veneti, qui præsidio ad Leuci
 oppugnationem uenerant, Cæsarianis (uti
 retulimus) cessere, dolum subesse ratus ac-
 cipit cōditiones à Morono oblatas: et Leu-
 co positus magnas Cæsarianis, præsertim
 in uendenda Mediolanēsisibus annona ui-
 litates attulit. Interea Carolus imperator,
 qui iam certior erat summis Gallorum ui-
 ribus, omniumq; fere Italorum principū
 consensu Lautrechum in Italiam descen-
 disse, ne per ignauiam sui opprimerentur,
 Henricum iuniorem Prunluincæ ciuitatis
 in Germania inferiori ducem in Italiā mit-
 tit: & quamuis Veneti transitum eius im-
 pedire conati sint, Franciscūq; propterea
 Vrbinaum ducem accersuerint, qui toto
 superiore anno in Vmbria cum Saluti-
 no principe māserat aduersus Cæsarianos,
 qui Romæ erant: tamen tantis uiribus, tan-
 toq; belli apparatu Germanus stipat⁹ erat,
 ut tutius cōsiliū sequuti Veneti ciuitates,
 & oppida munitiora præsidio firmare, q;
 extra milites continere maluerint. Quare
 German⁹ miles: nemine obstātē alpeis trās-
 gressus

gressus alia oppida depopulari; alia incendere; ab alijs pecuniam extorquere. Coloni præterea undiq; fugere: pecus intra ciuitates, ne præda hostibus esset, abigere. Dum hæc agerentur, iam Mediolanensium calamitates eo processerant, ut miseranda opulentissimæ olim urbis esset facies. Nam uix quatuor annorū redditus suffecerant ad sumptum hyemis unius tolerandum: & pleriq; ad extremam inopiam compulsi, nihil habebant, non modo quod impartirentur militibus: sed nec quo sese alerent. Siquis aut ex ijs, qui huiusmodi sumptus pferre non posset, militum, & præsertim Germanorū incurrebat manus catenis uinctus, tanq; capitis reus esset, carnifici custodiendus dabatur, donec pecuniam recuperaret: & reperti sunt qui pro mortuis in tam atroci carcere, cum uiuos redimere non possent, coacti sunt aurum maiore cura perquirere, ne cadauera sepultura carerent: & tamen in tanta ciuitatis calamitate non deerant qui, uel magistratum, & priuati lucris causa, uel in odium Sfortiani nominis reliquis suaderent satius esse pecuniam, quamuis magno fœnore, perquirere, ut presentibus malis exitus expectari posset, q̃ in alienas terras proficisci, uisumq; ab ignotis querere, præsertim tot impen-

dentibus in itinere latronum, & militum
 periculis: quæ quidem paucos remorabā
 tur. Nam quo maius imminebat pericu
 lum, eo maiore diligentia fugæ occasio ar
 ripiebatur. Quocirca reliquum erat fugiē
 tium fortunas publicare: quorum tantus
 erat numerus, ut eorum nomina typis im
 primerent, quādoquidē manu describere
 nimis longum esset. Accedebat ad hanc
 Mediolanensium calamitates tam ingens
 annonæ penuria, ut greges pauperum fa
 me morientium quotidie in uis publicis
 reperirentur. Patricij aut, qui pauci admo
 dum in urbe erant, obsiti squallore, & sor
 didibus conspiciebantur: ianuæ domorum,
 & artificum tabernæ passim erant occlusæ:
 atq; in frequentioribus antea urbis regio
 nibus urticæ, & sentes accreuerant. Igitur
 cum eo indies redigeretur status ciuitatis,
 ut diutius durare nō posset, Antonius Le
 ua, quasi Mediolanensium conditionē mi
 seraretur, conuocatis ciuibz iureiurando
 promittit, si ex priuato censu (publica em
 deerat pecunia) uiginti dierum stipendia
 militibus pendantur, exercitum urbe edu
 cturū: neq; posthac aliud onus a se imposi
 tum iri. Quod cum Germanis haud place
 ret (ne quidpiā intactum in urbe relinque
 retur) monachorum, & uirginum cœno
 bia in

bia ingressi, præter epulas, quas laute sibi parari iusserunt, tot quotidie molestias illis exhibebant, ut plerique mutatis uestibus religionem dissimulare cogerentur: neque prius ad cœnobîa reuersi sunt, quàm Germani omnes Antonio Leua ita iubente urbe excessere. Iam enim Æstas aduentabat, & Papiam, quam tantis uiribus, tantoque belli apparatu Lautrechus expugnauerat, paruo negotio in Cæsarianorum redierat potestatem, dum ciuitas Annibale Picenardo Sfortianorum peditum tribuno ad continendos in fide trāspadanos profecto segniter à Petro Longhenna, & Venetis, qui eius tutelæ prouinciā sumpserant, custoditur. Huiusmodi uictoria subnixus Leua reliquam ditionem recipere properans milites omnes & Mediolano, & alijs etiam ex urbibus, & locis eduxit: primumque Abbiatū petiit: quod statim defensores omni auxilij spe uacui dederunt: postmodum Aronam aggredi animo uolebat, nisi Federicus Borromeus Sfortie rebus diffidens in partem Cæsaris trāsiisset. His itaque peractis una tantum ciuitas Laudensis inter duos amneis Ticinum, atque Abduam restabat, quam & si ualde cuperet Sfortianis eripere, utpote quæ initium recuperandi imperij Sfortiæ dederit: tamen, quia maioribus uiribus ad

expugnandā ciuitatem, q̄ suis opus erat,
 • Henrico Prunſuicenti in agrum Bergoma-
 tem obuīam proficiſci ſtatuit, ut illi perſua-
 deret, ne ante in regnum Neapolitanum
 trañceret ad auxilium Cæſarianis à Gallo
 obſeſſis ferendum, q̄ totum Mediolanen-
 ſem ducatum recuperaret. Quod quidem
 tam ualido exercitu exiſtimabat breui poſ-
 ſe fieri, præſertim ob Sfortiæ inopiam: qui
 hætenus, ut belli impenſam toleraret, præ-
 ter conſueta uectigalia, multa tributa Lau-
 denſibus, & Cremonenſibus impoſuerat:
 ac ex Alexandria ægre tantum pecuniæ
 exigere poterat, quantum ſatis eſſet ad cō-
 tinendum eius ciuitatis præſidium. Acce-
 debat, q̄ in tanto Germanorum metu pa-
 rum à Venetis ſperandum erat auxiliij: qui
 relinquere nolebant ſua, ut aliena fuerent.
 In quā ſententiam cum Germanus tranſiſ-
 ſet, reliſta Bergomi oppugnatione, ſiue q̄
 Venetorum timuerit potentiam, ſiue q̄ pe-
 cuniam propterea acceperit, ad Laudem
 ciuitatem traduxit exercitū. At Franciſcus
 Sfortia, qui ob aduerſam ualeitudinem bel-
 lo intereſſe non poterat, Brixiam profect⁹
 in urbe Laudē Io. Paulum fratrem cū duo
 decim peditum cohortibus reliquit: uixq̄
 circumſeſſa à Cæſarianis fuit ciuitas, cum
 Germanus princeps, & Leua Fæcialē unā
 cum

cum tubicine ad poscendam urbem, tanq̃
 Cæsari debitam, miserunt multum omni-
 bus, qui intus essent, minati, nisi statim ciui-
 tas dederetur. Ad ea Io. Paulus respōdit se
 ab ipsomet Antonio Leua, dum Papiam
 aduersus potentiſſimum Regem tueretur,
 didicisse q̃ pulchre sit minis hostium haud
 terreri: nihilq̃ sibi optabilius, q̃ palam om-
 nibus facere, quantum Sfortiana uirtus ua-
 leat. Quocirca reliquum erat, Cæsarianis
 uim experiri. Et prima quidem tentandæ
 irruptionis prouincia Antonio Leuæ, &
 suis cessit: qui ut libri animos, aut uireis nō
 deesse demonstraret, post quassata machinis
 bellicis aliquādiu mœnia Hispanos, quorū
 promptitudini, & audaciæ plurimum cō-
 fidebat, ad murum, qua maiorem ruinam
 dederat, p̃mittit: qui scutis ingentibus tecti-
 subsequentibusq̃ scloppetarijs signa infer-
re intra urbem: propugnatores e muris
deicere: suisq̃ aditum aperire quā maxi-
me eniti: contra Sfortiani præter plumbe-
as, & ferreas pilas, quas tormentis emitte-
bant, laxa, & sudes in Cæsarianos uoluē-
re: gladijs, atq̃ hastis irrumpenteis hosteis
detrudere, ac in fossas præcipitare: ingenti
que clamore eorum ignauiam increpare,
 q̃ patelacto perstrata mœnia aditu, tamen
 ingredi non auderent. Itaq̃ cum supra ho

ram tertiam atrociter pugnatum esset, nox
 inæquali iactura prælium diremit. Nam Cæ
 sariani ob suorum cædem, qui tot præteri
 tarum victoriarum memores spe potiùdæ
 ciuitatis gloriosam mortem oppetuerant,
 mœsti redibant in castra. At Sfortiani repul
 sa tantis animis hostium vi ingentem ho
 stium numerum, eorumq; minas paruipẽ
 debant: cupiebantq; ut rursus prælium fortu
 nam experirentur. Sed Cæsariani, quia le
 cus primum certamen cesserat, & cum urbs
 circumfessa fuit, nondum maturæ erant se
 getes, victus penuria breui sperabant Sfor
 tianos ad deditionem cogi posse. Neq; il
 los diutius ea spes frustratura erat. Nam
 cōgesta in unum intus omni annona iam
 nemini, præterq; militibus, panis imparte
 batur: adeo ut uniuersus populus uel lum
 mo cū captiuitatis, aut cædis periculo egre
 di, uel intus fame mori cogeretur, neq; in
 de se eximere posset, nili eo anno incertum,
 an cœli intemperies, aut tot impendentium
 periculorum metus, an fortè (ut pleriq; ar
 bitrantur) diuina uindicta tot pernicialeis
 morbos attulisset, ut in unaquaq; regione
 Italiæ innumerabiles intra paucos dies
 ægroti mortui sint, & multo plures ea æsta
 te, q; defæuiente in cisalpina Gallia superi
 oribus annis peste fato cesserint. Inuasit ita
 que

que ea lues Cæsarianorū castra, qui Lau-
denseis oblidebant, & præcipue Germa-
nos milites: neq; ullus, postq̃ ægrotasset,
conualeſcebat: & pleriq; fatum illud euita-
re non sperabant, nisi in patriam redirent.
Atq; tum hac causa potissimum, tum ui-
ctus etiam penuria, quam diuturnitas attu-
lerat belli. Germani frequentes quotidie
ex castris discedebant, & in Germaniam
per Rethorum, & Heluetiorum loca reuer-
tebantur; neq; ea res ducem Prunſuicen-
sem ualde commouebat, cum tentata infe-
liciter prima expeditione difficiliores, q̃
antea sperauerat, res Italiae cognouisset.
Accedebat q̃ consumpto ferè omni mili-
tum ex Germania allato stipendio, nō mo-
do suos in Neapolitanum regnum ad li-
berandum Cæsaris exercitum traducere
non poterat: sed nec diutius apud Lau-
dem urbem in castris cōtinere: atq; ab An-
tonio Leua, qui ad eam diem suos priua-
tis aluerat oppidanorum sumptibus, quo-
tidie edocebatur, quanta Mediolanensium
esset calamitas, ut omnem exueret spem,
si quid ab eis corradī ad sustentādum tam
numerosum exercitum posse existimaret:
simulq; omnia ipsius Leuæ facta, & con-
silia eo spectabant, postquam ditionis hu-
iusmodi auxilio redintegranda spe deie-

LIBER

ctus est, ut Germanus quamprimum Italia abscederet: ne Mediolanensium imperio, quibus solus ad eam diem ipse præfuerat, excluderetur.

GALEACII CAPELLÆ, DE

rebus gestis, pro restitutione Francisci II. Mediolanensium Ducis,
Liber Octauus & ultimus.



INTEREA

Franciscus Galliarum rex, qui assidue Lautrechi nunciis certior reddebatur, quantum sibi immineret periculi, tum ob stipendii defectum, tum ob easdem fe-

bris, quod, ut in cæteris Italiae locis, ita in ipsius exercitu plerisque ex militibus, præsertim Germanos, et Gallos inuasissent, Franciscum Borbonium unum ex proceribus sancti Pauli Comitem cognominatum cum aliquot equitum turmis, & peditum octo millibus in Italiam mittit ea ratione, ut si Henricus dux Prunsvicensis in Neapolitanum regnum proficisceretur ad Cæsarianos liberandos, pariter & ipse sequeretur Lautrecho

cho auxilium laturus: sin minus, Venetis,
& Sfortianis coniunctus in Insubribus ad
uersus Antonium Leuam bellū gereret:
neq; sineret per ignauiam res Cæsaris in-
crementum accipere: & forte in Italiam eo
tempore applicuit, quo dux Prunſuicen-
sis ob suorum discessum in Germaniam
ire parabat. Itaq; huiusmodi cura liberat:
recuperatis in sinibus transpadanorū pri-
us aliquot oppidis, & castellis, quæ paulo
ante in potestatem Cæsarianorum perue-
nerant, dum Sfortiani Germanorum me-
tu uireis omneis ad defendendas ciuitates
contraxissent, in agrum Crémonensem p-
uenit. Interea Germani, qui pro Carolo
Cæsare in Italia militabant, ad pauciores q-
uidie redigebantur; Italiq; cum Hispanis
non multi erant: equitatus etiam erat exi-
guus: ipseq; Antonius Leua, ad quē post
recessum ducis Prunſuicensis summa rerū
redierat, relicta iandudum Laudēsis urbis
obsidione: Malignani castrametabatur: ne
que diutius stipendiū defectu ibidem per-
manere poterat. Sed necesse ei erat alia rati-
one exercitiū alere: animoq; agitabat quo-
modo Mediolani ad urbis prælidium Ger-
manos saltem proximam hyemem conti-
nere posset. Quamobrem Mediolanenses
metu pēculsi, ne iterum ad contributio-

ratio.

nes, aut ad præbenda militibus cibaria redeundum esset, & si his antea oratores ad Cæsarem in Hispaniam ad quærendū tot malis auxilium profecti essent: tamen ne si bimet defuisse uiderentur, tertium cum literis in hanc sententiā oratorem miserūt. Iamdudum, inuictissime Cæsar, calamitates nostras, & per literas, & per oratores Mariestati tuæ patefecimus: quos si vigilatim quibus hætenus grūnis à militibus tuis uexati fuerimus, significasse non ignoramus. Sed quia nullum adhuc remedium sensimus adhiberi, necessitate coacti oratorem hunc nouissimum mittimus, ut si alij leniores in quærenda tot malis medela uili fuerint, is tanq̃ postremus, totum uulnus detegat: ne te ignorasse unq̃ dicere possis q̃, & quanta, postq̃ hic à tuis dominari coeptum est, pertulerimus. Post exactum em̃ diuturnum à nobis militum tuorum stipendium, omnem exercitum tuum intolerabili in nos licentia debacchantē octo mēseis aluimus. Mox renouato bello, & deficienter rursus stipendio, quindecim alios mēseis coacti fuimus quotidie pecuniā iuxta singulorum mille aureorum censum, ad sumptum duorum peditum contribuere. Quæ summa ad quadringenta aureorum millia excreuit: neq̃ tam diuturno malo,

nisi

nisi collato etiam aureorū trigintaquinque
millium tributo, finis impositus est. Quod
ut in tempore exigi posset, plurima prædia
ad pauperum usum testamento legata uilissi-
mo pretio uēdere oportuit. Atque eo tem-
pore tot domus a tuis militibus dirutæ, tot
uirgines, tot nuptæ, tot uiduæ, & infantes
catenis multoties ob conferendæ pecu-
niæ impotentiam uincti fuerunt: tot ciues
dignitate, atque opibus antea splendidissimi
a militibus tuis pecuniæ causa in uincula
coniecti occubuerunt, ut nemo diuturni-
us, aut miserabilius ullius unquam ciuita-
tis exitium uiderit. Nam præter eos, qui
domi, forisque ob uictus inopiam uita excē-
serunt, plerique ex his, qui nōdum defecere,
pane tantum, & aqua diu uitam tolerarūt.
Quid totius agrī uastitatem, agricolarūque
fugam referre opus est: quibus ob crebras
militum incurfationes nihil ad uitam tuen-
dam relictum iandudum fuit, ut non alia
ex causa tot exitiales morbi omnem ditio-
nem Mediolanensem inuaserint: qui et ma-
gnum ciuium nostrorum numerum ab-
stulerunt: & paucos in agris reliquerunt
superstitēs. Si qui autem euaserunt, tan-
quam prorsus omni melioris fortunæ spe
destituti, in alienas profecti sunt regiones,
ut quod uitæ superest, in quietioribus locis

LIBER

cistransigant. Atq; in hoc rerum statu nouum tamen bellum, quæadmodum minime tibi ignotum esse arbitramur, aduersus hanc infœlicissimam urbem parari audimus. Quocirca cum nihil nobis reliqui sit, quod ad sustinendos belli sumptus denuo conferamus, præter animam, eam ipsam, tanquam à Deo acceptam, ipsi uni cupimus (quoad licet) seruare: ut autem aliquā diu liceat, te, Cæsar inuictissime, suppliciter, multisq; cum lachrymis obtestamur: obsecramusq;, ne eam nobis clementiam deneges, quam etiam hosti non impartiri turpe esset. Huic urbi nonnunquam dominatæ sunt externæ gentes: quæ urgentibus bellorum necessitatibus imperium relinquere maluerunt (licet fortassis, ubi melior sese offerret occasio, illius recuperationem tentare in animū induxissent) quam nobis nihil tale merentibus excidio esse. Eam autem ciuitatem Cæsar, quæ nō modo opes: sed etiam uitam, & sanguinem pro eius exercitu sustinendo iandudum contulit, pessum ire patietur: honestissimæque populi aliquādo de se benemeriti preces negliget: neq; tot malis ipse, qui solus potest, auxilium feret. Quod si nullum, aut serum futurum est, audies paulopost eos, qui adhuc Mediolani superfuerunt, cum

cum iam amplius tot mala pati non possent, patriam reliquisse, & uictum miserabiliter petere ab ignotis: si modo qui præbere non abnuat, quispiam reperietur. Alio qui ferarum more herbis uescemur: quod adhuc plurimi ob inopiam facere coacti sunt. Neque id tamen absque tuæ laudis immi-
nutione euenire poterit: cuius causa nos ad huiusmodi miseras adductos fuisse palam feretur: meminisseque debes, te quoque natum esse mortalem: atque in hac suprema imperij sede ad salutem, non ad hominum perniciem à Deo constitutum: eidemque omnium abs te reddendam aliquando esse rationem. Nihil autem ealegatio, literæ uero profecerunt, præterquam quod Cæsar eos per literas hortatus est, ut paululum adhuc tolerarent: fore enim, ut breui intel-
ligerent nihil quiete Italiæ sibi esse charius. Interea Antonius Leua animo uoluens quam odiosum esset superiorum contri-
butionum nomen, excogitata alia recupera-
ndæ ingentis auri summæ ratione pœna capitis, & fortunarum publicatione in-
dicit, ne quis panem conficere possit, aut fa-
rinam domi habere, præter eos, qui huius-
modi uectigal conduxerant: a quibus in
singulos farinæ medimnos aureos treis
nouem postea mensis exegit: eaque pecu-

LIBER

nia non modo Germanis, sed & Hispanis, & equitibus stipendia abunde præbuit: reliquos autem Nouariæ, & in Laumelensibus aliquot oppidulis, ac per uillas agri Mediolanensis totam hyemem non tantum uictum quærere: sed impune etiam, cum aliter continere eos non posset, prædari permisit. Dum hæc ab Antonio Leua ad protrahendum bellum parantur, iam Franciscus Borbonius iunctis Sfortianorum, ac Venetorum copijs ad circumsedendam Papiam profectus erat: neq; Leua, præter ducentos Germanos, atq; Italos ferme octingentos, quos in ciuitatem paulo ante præsidio miserat, quicquam auxilij poterat amplius ferre. Sed Malignantem se continebat rei exitum expectans. Verum, postquam magna ui ab hostibus moenia quassari audiuit, Mediolanum redire satius esse duxit, quam sine auxilij præstandi facultate diutius milites sub digno continere. Oppugnata itaq; aliquot dies ciuitate, & strata haud parua murorum parte. Galli admixtis Venetis, & Sfortianis dato pugnae signo: tanta animi promptitudine prælium incunt, ut qui intus erant, licet strenue resisterent, ad propugnandum non sufficerent. Sed postquam Petrus Biragus, unus ex ipsorum Ducibus scloppo
crus

erus grauius saucius concidit, neq; se ab humo tolli, ne interea sui praelium desererent, passus est, & Petrus Butigella, Cæsarianorum pariter Dux eodem teli genere vulneratus pugna abcessit, tunc Sfortianis, & præcipue Annibali Picenardo Cremonensi, qui peditibus mille & ducentis præerat, maxima laus urbis captæ cessit. Per eos dies Genua, quæ totam æstatem atrocissima peste laborauerat adeo, ut non solum ciues: sed ipsi etiam milites, qui urbi præsidio positi erant, urbem deferere cogerentur, magno in discrimine uersabatur. Nam Andreas Doria, quem supra Regiæ classis præfectum esse retulimus, parum gratum existimans in se Regis animū, maius, quam dici posset, odium in illum contraxerat: duoq; hominem præcipue mouebant. Vnum, quod non tantum Laurechus: sed ipse etiam Rex ab eo efflagitauerat Alphonsum Daualum, Ascanium Columnam, & nonnullos alios Cæsarianorum duces, quos occiso Vgone Hispano Neapolis Prorege Philippinus eius ex fratre nepos magna cum laude: dissipata Neapolitana classe captiuos fecerat: ipsiq; ualde Rex succensere, nisi illos redderet, uidebatur. Quod quidem Doria iniquum esse existimabat: quoniam iure belli sa-

LIBER

gultatem sese pecunia redimendi captiuū
fecisset: neq; fidem suam frangi, neq; pecu-
niam sibi debitam: eripi æquum putabat.
 Alteram prætendebat offensionis causam,
 ob subductum promissum stipendium: &
 propterea missionem aliquoties exposu-
 lauerat, ut sibi, quò uellet, cum irremibus
 abire liceret: quam cum Rex minime con-
 cederet, testatus se iureiurando, quod ipsi
 alias præstitisset, amplius non teneri, iam se
 Regis hostem aperte profitebatur: & cum
 Genuensibus, a quibus ob rei naualis sci-
 entiam plurimi fiebat, inibat consilia pa-
 triæ libertatis restituendæ: multorumq; ani-
 mos aduersus Gallum irritabat, quod nō
 solum Saonenses, qui antiquo iure Genu-
 ensibus semper paruerant, liberos effecis-
 set: sed contra toties promissam fidem anti-
 quam etiam Genuæ oppressisset liberta-
 tem. Quæ quidem multo ante prospiciens
 Theodorus Triuultius, iamdudum ad Re-
 gem scripserat, satius esse Saonam Genu-
 ensibus reddere, quam populis natura le-
uissimis: eo tempore nouandarum rerum
præbere causam: simulq; monebat, Dori-
am uirum, ad omnem rem maritimam op-
portunissimum liberalitate, atq; officijs cō-
tinere, optimum sibi uideri. Sed dum Rex
 fidelibus Triuultij consilijs minus auscul-
 tar,

tat, Doria forte nactus occasionem, dum
pestis adeo sæuiret, ut ciuitas penè ab om-
nibus desereretur, ipseq; Triuulius, urbis
præfectus multitudinem fugiens intra ar-
cem se contineret, cum armatis aliquot tri-
remibus urbi appropinquat. Et quamuis
in recipienda per uim ciuitate parum pro-
futurus esset, tamē Gallica classis, quæ tum
in portu erat, metuens ne sibi iter in Galli-
am intercluderetur, confestim abiit. Itaq;
paucis repugnantibus: Doria cum suis ad
numerus quingentorum Genuam ingres-
sus est: uocatisq; statim ad libertatem ciui-
bus omneis ad arma suscipiēda hortatur:
ipsiq; Dñi uelle uidebantur Italix imperiū
e Gallorum manibus uindicari. Nam in-
toleranda uis morbi (ut dictum est) omni-
um ferme corpora in tota Italia per eam
æstatem adeo uexauit, ut temporis uitio
pauci reperti sint, qui non ægrotauerint.
Quamobrem in Gallico exercitu, qui iam
quartum mensem Neapolim obsidebat,
multitudine languentium pleriq; neglecti,
desertiq; moriebantur: quotidianaq; fune-
ra ob omnium oculos erant. Et quamuis
eadem quoq; morbi uis Cæsarianos inua-
sisset: tamen umbræ, tectaq; urbis ipsos re-
creabant. At Galli diu circumsedendo, lo-
cisq; ipsius grauitate ex quinq; & uiginu ar-

LIBER

matorum millibus intra triginta dierum
 spatium amisso, interim: Lautrecho duce:
 ad quatuor millia reducti sunt. Atque ita Ne
 apolis obsidionem deferere coacti, capti,
 & spoliati prope omnes ad Aversam ur-
 bem fuere. Huiusmodi igitur nuncio Ge
 nuenses, tanquam diuino auxilio freti, The
 odorum Triuultium non solum obsidere
 intra arcem pergunt: sed etiam aduersus
 Franciscum Borbonium, qui ex Insubri-
 bus digressus cum tribus millibus expedi-
 torum militum Genuam properabat, ala
cres urbem tuentur, & obsidionem arcis
haud intermittunt. Quare Gallus, qui om-
 nem recuperandæ ciuitatis spem in celeri-
tate posuerat, & propterea minorem com-
meatus secum afferendi habuerat ratione,
cum ob locorum asperitatem, & populo-
rum in Gallos concitatum odium mini-
mè efficere posset, ut in usum exercitus an-
nona in tempore ad se afferretur, & cum
 paucis ipse profectus, præter spem, hosteis
 magno in numero intra urbem uenisse in-
 telligeret, re imperfecta retrogressus Ale-
 xandriam se contulit: ibique (quoniam hy-
 ems iam instabat) hybernare cum militi-
 bus constituit. At Genuenses maioribus
 animis obsidioni innixi intra paucos dies
Triuultium penuria uictus coegerunt ad

arcis

arcis deditiōem : mox cum uālidioribus
copijs aduersus Saonenſeis profeſti impe-
rii iugum : nemine auxilium ferente ſubire
coëgerunt. Adempta igitur in hunc mo-
dum Gallis Genua, cum in proximum an-
num omnis Franciſci Sfortiæ recuperan-
di Mediolanenſis ducatus ſpes conieſta fo-
ret, reliquum erat, per hyemem nequaquā
ſinere hoſtium uireis in Inſubribus incre-
mentum accipere, dum interea Galliarum
Rex uālidiores copias pararet : quibus &
amiſſum prope partum Neapolitanum
regnum recuperare poſſet : & Cæſarianos
iuxta ſœdus Italia expelleret. Cæterum ni-
hilæque Regis animum angebat, ac Ge-
nuæ amiſſio : quod & ciuitas eſſet ob uici-
nitatem peroportuna rebus ſuis, & anti-
quo titulo obnoxia : & quod priuatus ci-
uis, qui tot annos ipſius ſtipendio militaſ-
ſet, nullo externorum principum auxilio
non ſolum florentiſſimam ciuitatem oc-
cupaſſet : ſed pulſo etiam undiqꝫ Gallico
præſidio : regiam potentiam contemnere
uideretur. Quamobrem Franciſcus Bor-
bonius, qui Regis animum planè nouerat,
cum per exploratores audiuiſſet Genuen-
ſeis, tanquam ab hoſte ſecuri eſſent, omnē
fermē militarem cuſtodiam intermiſſiſſe, ſi-
mulqꝫ relatum eſſet, inuiſam eſſe multis nō

LIBER

miam Doriæ potentiam, occasionem recipiendæ Genuæ oblatam esse existimans, Monteiano, peditum præfecto mandat, ut cum expedita militum manu celerè itinere proficiscatur. Fieri enim posse, ut in proximam noctem Genuam aduentaret: antequam occuparet urbem, quam quicquam tale à ciuibus suspicaretur: & quoniam relatum quoq; erat, Doriam in suburbano habitare, eius per noctem comprehendendi cura Valcerche, uni ex centurionibus, qui melius de facie hominem nouerat, iniuncta est: & militibus quidem maturandi itineris Tedulitas non defuit. Sed cū omnia, quæ de Genuensium negligentia dicta erant, uana offendissent, neq; in suburbano per eam noctem Doria moram traxisset, ne tantum itineris frustra esset susceptum, direpta ipsius Doriæ domo Galli Alexandriam ex templo rediēre: neq; amplius Genuensis expeditionis tentandæ oblata est opportunitas. Nam postquam Carolus Cæsar in Hispania Doriæ facinus agnouit, haud ignarus, quātum antea rebus suis in Italia detrimenti allatum esset, ob Genuæ iac turam, urbem rei maritimæ opportunissimam in discrimen amplius adduci noluit. Igitur nauibus eo transmittit Hispanorum peditum circiter duo millia, ut præ-

sto

Ita essent (si ita expediret) uel ad ora Lygu-
sticæ defensionem, uel ad augendum Le-
uæ in Insubribus exercitū. Quocirca ipsi-
us Leuæ iussu: Lodouicus Barbianus (ian-
dudum enim Gallorum manus effugerat)
Genuam proficiscitur, ut peditibus rerum
Italicarum ignaris præset. Quos postq̃
inter saxa & rupeis aliquandiu continuit,
ægreq̃ illi sine stipendio, & pecunia uictū
sibi parare poterant, neq̃ a Genuensibus
urbem introire permitterentur, per Apen-
nini saltus in Placentinos traduxit. Atq̃
ita hosteis sefellit: qui iam pridem æstate ad-
uentantes, instauratis exercitibus, auctisq̃
iam pedestribus, quam equestribus copijs
illorum iter ad Antoniū Leuam interclu-
dere conati erant: sed dum Derthonēsem,
atq̃ Alexandrinū agrum obseruant, qua
uenturos existimabant, illi longiore uia p-
fecti per montana loca, quæ Romano Pon-
tifici parebant, ad Padum ē regione oppi-
di Belgiosi perueniunt: cumq̃ eo Antoni-
us Leua: adductis omnibus copijs Medio-
lano uenisset, nacti ab incolis naueis: nemi-
ne repugnante: Padum trañciunt. Vene-
rant autem ex Hispania pleriq̃ eorum sine
calceis: multi absq̃ indusio, & lacerna, om-
nes autem propè seminudi, colore etiam,
& uultu ita squallido, ut fame consumpti

LIBER

uideretur, ac ut uerissimo uocabulo Ege-
 ni ab omnibus nuncuparentur. Neq; eo-
 rum in urbem aduentus minores, quam
 antea reliquorum militum, calamitates at-
 tulit. Nam cum Germani, quibus abunde
 stipendia ex nouis panis uestigalibus pen-
 debantur, eo importunitatis processissent,
 ut pro libito domos ciuium ingressi hic
 prandium, illic coenam sibi parari, nec nisi
 accepta etiam pecunia abire uellent, occlu-
 sæ domorum fores, totos dies permane-
 bant: neq; propterea tute erant ab iniuria.
 Nam per tecta, per fenestras, trans parietes
 allatis scalis introibant milites: nihilq; pro-
 ficiebant, qui tantæ insolentiæ ad Antoni-
 um Leuam deferebant querelam; quin ad
 eo mos huiusmodi inualuerat, ut uerteret
 in iocum, si in quampiam domum, dum
 aliquis egrediretur, Germani statim irrū-
 perent: postquam autem egenorum multi-
 tudo in urbem confluxit, id adiectum est
mali, quod per compita, & uias sæpenu-
 mero uestimenta ciuibz detrahebantur
per uim: & cum pecunijs crumena aufe-
 rebatur. Quocirca pleriq; ex ijs, quibus
 quidpiam adimi poterat, domi latitabant/
 expectantes quem finem tam diuturnum
 bellum aliquando esset habiturum. Iam
 enim Gallus Mortarium per uim receperat:

rat: & Philippus Torniellus: relicta Noua-
ria: Mediolanum se contulerat: neq; præter
duas arceis, quisquam locus Cæsarianis
trans Ticinum parebat: Venetiq; traiecto
Abduz: cum omnibus copijs Melignanū
rursus uenerant. Ipsi autem Sfortiani par-
tim ad Gallum, partim ad Venetos transi-
uerant, ut in utroq; exercitu (quoniam bel-
lum confici sua magis intererat) aduersus
hosteis pugnarent: uerum statim confici-
endi belli spes euauit. Postquam enim in
aciem exercitus prodijt, cognitum est &
Gallum, & Venetos pauciores militū co-
pias adduxisse, quam sese antea parasse ia-
ctauerant. Quamobrem Sfortia admone-
bat, quando Mediolanum urbem adeo
uastam, præsertim nouis Hispanis ad Le-
uam auxilio pfectis, oppugnare ipsi haud
sufficerent, ut diuisis copijs Veneti Cassia-
num, Galli Abbiatum sese reciperent: equi-
tatuq; prohiberent quidpiam ad hosteis
comportari: fieri enim posse, ut ciuitas par-
uo temporis spatio ad deditionem coge-
retur, cum ob diuturnum bellum in toto
agro Mediolanensi nullę fermę essent sege-
tes: omniaq; alia esculenta direpta iandu-
dum fuissent. Sed Gallus, ubi recuperan-
dæ Mediolanensis ditionis facultas nō da-
retur, mandatum a Rege accepisse dicebat,

LIBER

ut rem potissimum Genuensem curaret: & propterea trans Padum redire sibi satius esse, cum Veneti Cassiano, Sfortiani autē Papiā, & Vigleuēno hostem comprimere sufficerent, ne longius euagaretur. Itaq; in castra reuersi duces, confestim Veneti Melignano mouerunt: ipse autem Gallus, qui suos propius urbem admouerat, ad uicū Landrianum duodecim passuum millib; inter Papiensem, & Laudensem uiam ab urbe se contulit: ibiq; dum impedimenta, & machinas bellicas, unaq; primam suorum aciem præmittit, & ipse serius discedit cum media, & postrema acie, Leuā Mediolanī per speculatores certior redditus Gallum præmissa copiarum parte Landriani moram trahere, uocatis ad cōsiliū ducibus; magna, inquit, adipiscendæ uictoriæ nobis sese offert occasio. Veneti, unaq; Sfortiani, sicuti hodie accepi, cū Gallo discordes Melignano abierūt. Gallus autē Landriani substitit: huic ego congregari, si me sequi uolueritis, iandudū animo agito: nec uereor, quin uestris uiribus nihil tale opinantem ante opprimā, q̃ arma expedire, q̃ aciem instruere possit. Cæterum si forte prius inde abierit, fugati hostis gloria, simulq; ex ultimo agmine nobis præda minime poterit deesse: cumq; omnes in eandem

dem sententiam transissent, ad arma per totam urbem conclamatur, & in unum coacti omnes superinducto armis candido indusio, ut per noctem a suis dignoscerentur. Antonium Leuam sequuti sunt non sine magna ciuium admiratione, qui hostes diuisis copijs abesse nesci non obstupescere non poterant, cum uiderent ipsum Leuam ob podagram, & articulare morbum sella incubantem a quatuor hominibus armatum gestari: memoresque cladis apud Cararum superioribus annis Medici illatę existimabant strenuum quidpiam facinus tentari: sed ob numerosiorem, & omnibus rebus magis instructum hostem dissimilem exitum sperabant. Constitutis igitur in hunc modum inter spem, & metum Mediolanensibus, cum per noctem Cæsariani sine tubarum, aut timpanorum sono pededentim processissent, atque ad duo miliaria uicini essent hostes, iterum ab exploratoribus admonitus Leua illos nodum Landriano abesse, citatiore gradiens passu prius illos inuasit, quam ipsorum aduentum persenserint. Quare cum uix arripiendorum armorum tempus concederetur, iamque prima acies subto. Thoma Galerato Mediolanensi premissa abesse longius, neque admonita in tempore reuerti posset, reliquum erat Gallo his

LIBER

copijs, quæ secum erant, pugnæ fortunam
experiri. Maximam autem spem posuerat
 in Germanis peditibus, quos ad duo mil-
 lia & quingentos, tum e Germania, tum e
 Cæsarianorum transfugis, antea college-
 rat, nisi & ipsi fortunam, animosq; cum do-
 mino mutassent. Nam in primo congres-
 su perculsi loco cesserunt: & nisi aliquantul-
 per Italorum peditum circiter duo millia;
 ducibus Hieronymo Castilionensi, & Clau-
 dio Rangonio Mutinensi. imperum susti-
nuissent, nemo in toto exercitu erat, qui nō
 statim omnem salutis spem in fuga poner-
 ret. Sed dum Italis eorum conspectum fu-
 gere, quos nuper oppugnatū uenerant,
 summum dedecus uidetur, præliatum est
parum per æquis animis: mox equitatu, &
 Germanis terga dantibus, Itali pariter pu-
 gnæ uictoriam hostibus concedunt. Ipse
 que Franciscus Borbonius, dum frustra
præaltam fossam equo transilire nititur, cū
 Castilionensi, & Rangonio, atq; alijs quā
 plurimis in hostium manus incidit. Atq;
 ita equi, iumenta, uehicula, omnis ferè &
 Gallorum, & totius exercitus supellex, ma-
 chinaeque imprimis bellicæ Cæsarianorum
 præda fuere: reliqui autem, qui abiectis, aut
 relictis impedimentis abiēre, cum propè
Papiā applicuissent, à Picenardī militib.
 qui

qui præsidio urbis impositi erant, armis,
atq; equis exuti/plus auaritiā in hominī
bus iandudum prædæ assuetis, q̄ amicitī-
am, aut fidem posse perspexerūt. Per idem
ferē tempus Nouariæ memoria dignum
facinus editum est. Nam postq; Antonius
Leua exploratis hostium uiribus cogno-
uisset sibi ab eorum impetu parum timen-
dum esse, Philippum Torniellym cum tre-
centis ferme peditibus, paruq; equitatu
Mediolano emiserat: ea ratione, ut dum
hostes cis Ticinum moram traherent, Tor-
niellus amnem transgressus Nouariam, re-
liquaq; eius agri loca reciperet. Sed quia
nullæ naues ad trañciendum fluuium ade-
rant, lembos duos carris impositos secum
adducit. Atq; ita cum paulatim sui amnem
tranassent, equiq; habenis ab ijs, qui in lem-
bis erant, deducti ad alteram ripam incolu-
mēs peruenissent, improuiso nonnullos
Sfortianos pedites, qui arcem quandam
circū sederant, aggressus nihil tale opinan-
teis oppressit. Itaq; armis, impedimentisq;
spoliatos, capto eorū ducē abire permisit.
Post hæc Nouariā ire pergens per arcem,
quæ à Cæsarianis tenebatur, in urbem in-
tromissus: alterum Sfortianorum ducem
cum peditū cohorte coëgit ad urbem tra-
dendā. Exinde quia maturæ erant segetes;

LIBER

& coloni Gallis, & Sfortianis uictoribus
 spe pleni armenta è montibus domum co-
 egerant, emissis militibus properat undiq;
prædam agere; at præfectus arcis, iam semo-
 ris hostibus, nihil sibi amplius timendum
 putans, cum aliquot è suis animi relaxandi
 gratia per urbem nonnunq; inambulabat:
 cum captiui quinq; duo scilicet Sfortiani,
 reliqui Novarienses custodiæ causa eo ad-
 ducti nonnullorum auxilio, qui in arce op^a
 faciebant, arreptis armis, & Hispanis, qui
 pauci intus erant, partim trucidatis, par-
 tim in carcerem coniectis arce potiuntur:
 & quia nondum Gallos profligatos fuisse
 audiuerant, auxilium à suis haud frustra
 sperabant. Nam Sfortia quamprimū Tor-
 niellum Mediolano egressum esse, per ex-
ploratores cognouerat, Novariam ipsum
 petere arbitratus, ad suorum tutelam Io.
 Paulum fratrem cum ualida peditum, atq;
 equitum manu iusserat properare: iamq;
 Vigleuum applicuerat, cum Torniel-
 lus audiens præfectum arce exclusum, nul-
 lam moram interponēdam ratus, eo accur-
 rit: minisq; propugnatores, nisi portam re-
 cluderent, terrere; mox arma expedire: sca-
 lasq; parare, ac suos ad conscendendum
 hortari. At Sfortiani, qui intus erant, ob
 paucitatem diffusi, nihil præter q̃ de confer-
 uanda

non hyst

uanda ipsorum uita, pacti; demisso ponte:
Torniellum intrò admiserunt. Itaq; ipsi in
columes reliquis Nouariensibus trucidatis
ualidissimam arcem, quam inopinato
euentu hosti eripuerat, deserere coacti sunt.
Dum hæc agerentur, iam fama erat Caro-
lum Cælarem, post Gallorum apud Nea-
polim excidium, ingentem triremium, atq;
omnis generis nauium numerum parasse,
Italiamq; decreuisse eo anno petere, ut de
more imperatoriam coronam assumeret:
& iccirco Barcinonæ foedus cum Clemen-
te pontifice percusserat: obliteratisq; odijs
Medicum familiam, quam Florentini dire-
pta à Cæsarianis Roma ciuitate eiecera-
nt, restituere promiserat. Insuper quietem Ita-
licam sibi iamdudum cordi esse adseueras
nihil pro communi Christianorum pace,
simulac in Italiam uenisset, prætermis-
surum pollicebatur. Iamq; Andreas Doria ipsi
obuiam cum Genuensium classe in Hispa-
niam profectus erat: et Galliarum Rex om-
nia sibi in bello aduersa hætenus contigis-
se prospiciens, malebat legationibus de re-
bus suis, q̃ armis cū Cæsare agi: sperabat-
que equiores condiciones referre, si foedus
ante aduentum ipsius in Italiam tractaret.
Atq; ob id Lodouicam matrem: adhibitis
aliquot regni Consiliarijs: Cameracū præ-

LIBER

inducum.

miserat, ut una cum Margareta ipsius Cæsaris amita, quæ iandudum Belgiæ inferi
oris administratiōi præerat, in finibus utri
uq; provinciæ conueniret. Nec difficile
admodum fuit utrinq; animis ad concor
diam inclinantibus rem cōponere, Gallo
præsertim Heliodoram ipsius Cæsaris so
rorem uiduam in matrimonium ducente:
& numerante pro filiorum redemptione
aureorum uigies centena millia. Fama
aduentus Cæsaris in Italiam increbrescent
te Franciscus Sfortia, qui profligato exer
citu, & capto Francisco Borbonio duce
nullam amplius in Gallo spem sibi super
esse prospiciebat: et sua cum Venetis arma
ad ducatum recuperandum non sufficere
arbitrabatur, quomodo Cæsari reconcili
ari posset, indies animo uolebat: nemoq;
ad id Pontifice magis idoneus uidebatur,
tum q; Romanæ ecclesiæ haud minimum
conducebat Italiam esse pacatam, tum etiā
q; Cæsare in Insubrib; occupato nulla sub
iugandæ Florentinæ Reip. aderat occasio.
hominis.
hominis.
Accessit insuper ad mouendum Cæsaris
animum bellum, quod eo tempore Soly
manus Turcarū Imperator aduersus Fer
dinandum ipsius Cæsaris fratrem tantis ui
ribus gerebat, ut paucis diebus omnē infe
riorem Pannoniam expugnaus arcibus,
& lo

& locis plerisque eius Prouinciæ munitio-
 ribus in potestatem redegerit: adeo ut nisi
 Vienna ciuitas magno militum presidio mu-
 nita obstitisset, qui tantos conatus retarda-
 ret in tota Germania obuiam habiturus
 fuisset neminem. Quamobrem Carolus Cæ-
 sar, ubi Genuam applicuit, his copijs, quas
 secum nauibus aduexerat, Placentiā ire p-
 rexit: euocatumque statim ad se Antoniū Le-
 uam, qui post captum Franciscū Borboni-
 um, & profligatos Gallos, aduersus Vene-
 tos Cassiani supra Abduā castrametatos
 exercitū adduxerat, comiter excepit, una
 que de rebus Insubrū collocutus, etsi maxi-
 me eius animus ad pacem Italicam inclina-
 retur: tamen homini summa cupiditate cō-
 ficiendi iandudū coepti belli inflāmati ex-
 ercitū aduersus Sfortianos, qui Papię erāt,
 adducere permisit: propterea quod a legatis Frā-
 cisci eorum ducis impetrare nō potuerat,
 ut eam ciuitatē, atque Alexandriā sequestro
 Clemens Pontifex teneret, donec de inno-
 centia Principis cognoscere. Erecta eo tē-
 pore mirum in modū omniū erant studia.
 Nam & qui Cæsaribus partibus fauebant, ni-
 hil ipsum in Italia agentē non cōficere pos-
 se sperabant: & qui Franciscū Sfortiā cupi-
 ebant imperare, tum ob eius innocētiā,
 Pontifice p̄sertim intercessore, tū ob cōser-

uandam Germaniam aduersus ingenteis
 Turcarū uireis, Cæsarem necessitate addu-
 ctum iri ad Principē restituendū existima-
 bant: haud em̄ uerisimile erat aduentante
 iam hyeme totū bellū eo anno confici pos-
 se: & in proximū differre in tanto Turcarū
 metu non satis tutū uidebat. Non parū eti-
 am mouebant tot exercitus nuper ex Ger-
 mania, atq; Hispania adducti, præter ueter-
 anos, q̄ ob ipsius Cæsaris aduentū non so-
 lum præsens stipendium: sed præteriti etiā
 temporis efflagitabant: & facta seditiōe ad
 quingentorum numerum Mediolanū in-
 gressi, cum in urbe circiter uiginti dies mo-
 ram traxissent, præter cæteras uexationes,
 haud mediocres calamitates iandudū affli-
 ctæ ciuitati attulerunt. Reliquum igit̄ erat
 rebus cōpositis Franciscum Sfortiā in pa-
 ternum, auitumq; sceptrum restituere, nisi
 id ē dignitate Cæsarea haud esse Antoni^o
 Leua adseuerans magnis uiribus Papiam
 oppugnare, machinas bellicas, tormētaq;
 quāplurima adducere, sc̄alas parare, mili-
 tesq; ad pr̄lium expedire properasset: qui-
 bus rebus & si parum mouebatur Anni-
 bal Picenardus, qui præsidio urbi erat: ta-
 men cum in secundum usq; mensem com-
 meatus intus non suppeteret, & emissis
 pauloante quatuor peditum cohortibus
 ad

ad sancti Angeli oppidum, quo ipse Leua
 exercitum adducere dissimulauerat, pauci
 in urbe contra tantas hostium uiribus re-
 mansissent, antequam ab hostibus oppu-
 gnatio fieri coepisset, de ciuitate traden-
da paciscitur, non sine maxima adeptæ an-
 tea gloriæ imminutione, atq; auaritiæ no-
 ta: quod metu amittendæ ad eam diem cõ-
 gestæ prædæ deditionem fecisset; sed uicū
 que sit; hoc unum detrimenti Picenai dus
 attulit, quod amissa Papia grauiiores po-
 stea conditiones impostæ sunt. Pacis em̃
 cõsilia haud propterea aspernatus Cæsar,
 antequam Bononiā proficisceretur, quo
 Clemens Pontifex ad ipsum excipiendū
 Roma ueniebat, Mercurinum Cattinariū
 Cardinalem, summūq; imperij Cancellar-
 rium Cremonam misit, ut cum Sfortia de
 conditionibus restituendi ducatus ageret:
 moxque Antonium Leuam, quem huic
 coepto existimabat obstare, Bononiam ad
 se euocat: atq; interea Lodouicum Barbia-
 num Insubribus præpositum esse iubet.
 Ceterum ne, dum pax tractaretur, milites,
 qui in Insubribus hybernabant, nihil age-
 rent, Barbianus Hispanos, atq; Italos pedi-
 tes, quos ad septem millia secum habebat,
 ad oppidum sancti Angeli adducit: quod
 Sforzianorum duæ, totidemq; peditum

LIBER

Venetorum cohortes præsidio munierāt. Sed postquam aliquādiu Barbianus tormentis, & machinis oppugnasset mœnia, nactus opportunitatem iugis pluuiæ, cum scloppetariorum sub diso pro muris dimicantium nullus esset usus, suos scutis in nixos gladijs, & pilis aduersus hosteis pugnare, imprimisq; ipse inter medios uersari, ac strenuos quosq; murum ascendere hortatur. Sfortiani igitur, & Veneti, cum abiectis scloppis ob pluuiam cominus pugnare sibi necesse esset, fracti animis paulatim hosti cedere, atq; aditum Cæsarianis præbere intra oppidum. Itaq; ingressi hostes quos primum habuere obuiam, ad unum fere omneis neci dedere: reliquos autem, iam mitigatis animis inermes, pecunijsq; spoliatos abire permiserunt. Hoc successu elatus Barbianus, & si ualde cuperet Laudensem expeditionem aggredi, propterea qd eam ciuitatē toto in bello, tanquā durissimam frontem, Cæsariani obuiam semper habuerant: tamen & hyeme iam aduē tante, & parum suppetente militum stipendio: satius duxit trans Abduam proficisci, ubi nullis antea anno militum hospitibus homines uexati cōmeatu abundabant, quam frustra ciuitatem præsidio, & mœnibus munitissimam tentare. Iamq; Cassia-

ni su

ni supra Abduam; confecto ponte, & parte copiarum transmissa: nonnullæ Hispanorum cohortes ex ijs, qui egeni nuncupabantur, retrocedendi consilio inito Medianum properabant: cum Barbianus audita suorum seditione ad urbem aduolat: & ne ciues per uim illos alere, aut quicquã durius pati cogerentur, quemadmodum paulo ante: Leua Papiam oppugnante, cõtigerat, præcipit omnibus, qui per ætatem possint, arma caperent. Quare Hispani, quibus sine prælio introire non licebat, retrocedere, ad exercitumq; proficisci, quàm pugnae periculum facere satius duxerant. Per id tempus Veneti, ne soli quietem Italiae ægrè ferre uiderentur, de pace cum Carolo Cæsare Bononiæ agere cæperunt. Quocirca Franciscus Sfortia magis ad pacem accensus decreuit, quoquomodo restitutionis cõditiones accipere: & accepto fidei publicæ à Cæsare diplomate Bononiam proficiscitur: utq; primum ad conspectum Cæsaris accessit, uerba fecit in hanc fermè sententiam. Nihil mihi unquam fuit optatius, dum per tuos, inuictissime Cæsar, licuit, quàm ut aliquandò daretur occasio: qua meam erga te obseruantiam, & studium demonstrare possem. Cognouisses enim te in minime immemorem benefi-

○ x a

LIBER

elum contulisse. Sed quando fors ita fere-
bat, ut non sufficeret tuo me auxilio in pa-
 ternum Ducatum restitutum esse, nisi ite-
 rum, atq; iterum uictoria tuorum arma cō-
 tra hostem multoties bellum instaurantem
 præsto fuissent, gaudebam saltem, q̃ in tan-
 tis rerum turbinibus: inclinante nonnun-
 quam ad hosteis fortuna, animum tamen
 semper eundem seruaueram: neq; hostis
 pollicita, neq; cuiuspiam stimuli meam er-
 ga Maiestatem tui nominis fidem labefa-
ctare potuerant. Quod cū ita palam esset,
 ut te nullo modo ignorare existimarem, fi-
 eri posse non putabam, ut cum tanta fidei
 in me documenta perspexisses, in suspicio-
 nem læsæ maiestatis Romani imperij apud
 te inciderem. Sed quoniam in non obscu-
 ra multorum æmulatione tibi necesse erat,
 interdum sermonibus tuorum, quibus im-
 mitiora consilia magis placebant, aureis
 adhibere, ipse fortunam meam potius sem-
 per dolui, q̃ per locorum distantiam cau-
 sam meam iustissimam apud te probare
 nō possem, quā tuam in me (etiam cum
 tuorum armis acerrimè obsidebar) asperi-
 tatem, aut inclementiam unquam accusa-
 ui. Quin etiam speraui omni tempore, nō
 modo tot calamitatibus Italiæ: sed meæ eti-
 am expulsiōni nullum ab alio, q̃ a te saluta-
rius

rius remedium afferri posse. Itaq; aduen-
 tum tuum uotis exposcebam, In animum
 enim induxeram, quando; te absente indi-
 cta causa fueram damnatus, nūcte iudice
 in Italia existente innocentiam meam ab in-
 uidorum calumnijs tutam fore. Atq; hæc
 cum dixisset Sfortia, reddito statim Cæsari
 diplomate; nulli rei se magis confidere, q̃
 benignitati, clementiæq; ipsius dixit. Quo
 circa Cæsar pro re pauca respondit: ample-
 xatusq; Principem bono iussit esse animo:
 postmodūq; Pontificis, & Mercurini Car-
 dinalis opera constitutis de restitutione cō-
 ditionibus Sfortiæ necesse fuit, præter ea;
 quæ purpuratis ipsius imperatoris dono
 dedit, summam aureorum noningentorū
 millium Cæsari polliceri: e quibus primo
 anno, qui erat a partu Virginis trigessimus
 supra millesimum, & quingentesimum, at-
 que huiusce belli decimus, quadringente-
 na millia, reliqua æquis pensionibus in an-
 nos decem numerare teneretur. Cognita
 Francisci Sfortiæ restitutione, Hispani iterū
 iā Lodouico Barbiano ex acuta febre Me-
diolani uita functo: seditione facta, urbem
hostiliter minantur ingredi, nisi emerita iā
dudū stipendia sibi à ciuibz pendantur.
 Quamobrem Mediolanenses conuerso in
 mœrorē gaudio, quod ob restitutū Princi

pem suū conceperant, legatos ad Cæsarem
 mittunt obsecrantes, ut iam initis cū Fran-
 cisco ipsorum Duce pacis conditionibus
 miserrimam ciuitatem ad superiores sum-
 ptus, & grūnas, quibus plus æquo iandu-
 dum uexata fuit, redire non sinat: & ppte-
 rea, si quæ militibus restant numeranda sti-
 pēdia, ea ex priuatis Mediolanensiu pecu-
 nijs, quæ iam pridē exhaustæ sunt, nequa-
 quam erogari debere. Quod cum Cæsar
 æquum esse dixisset, ut eo metu ciuitatē li-
 beraret, militum partem exauctoratam in
 patriam redire iussit: reliquos autē traduxit
 ad Florentiā obsidendam: neq; in Insubri-
 bus quenq; remanere permisit, præter illos,
 qui Comi, & in arce Mediolanensi custo-
 diæ præfecti erant: utrūq; e m locū in pacis
 conditionibus, tanq; pignus pecuniæ pri-
 mo anno pmissæ sibi reseruauerat. Quam
 obrē Franciscus Sfortia acceptis à Carolo
 Imp. iustis ducatus Mediolanensis titulis:
 Alexandrum Bentiuolū uiceis ipsius gerē
 tem, Iacobum Philippū Saccum senatus p-
 fidē, cæterosq; magistratus Mediolanū ad
 suscipiendam imperij administrationē mīt-
 tit: qui statim uocatis urbanarū rerum pfe-
 ctis, ut tam ingens pecuniarum summa ad
 cōstitutum tēpus exsolui posset, uectigalia
 primū omnia duplicarunt: mox cū ob po-
 puli

puli paucitatem ea minime sufficerent, ne
 tanti oneris quisq; immunis esset, decretū
 est, ut in singulos farinæ triticeę medimnos
 aureus nūmus tertia parte adiecta, duob;
 denarij supra eius summe dimidium in pa-
 rem siliginis, & milij mensuram: at in unā
quantq; uini metretam asses æris uiginti tm
exigerentur. Cæteris quoq; in ciuitatibus,
 & locis Mediolanensis ditionis, præter cō-
 sueta uectigalia, par tributum licet alia, atq;
 alia ratione impositū est. Atq; hæc, quā
 quā grauissima essent, præsertim po-
 pulis tādū atrocissimo bello, fame
 ac peste uexatis: tamē tanta ani-
 mi moderatione antea Fran-
 ciscus Sfortia imperauerat,
 ut eo restituto omnes in
 meliorem uiuendi
spem erecti
 sint.

F I N I S.

HAGANOÆ EX OFFICINA

Petri Brubacchi Anno Domini

M. D. XXXV. decima

tertia die Mensis Iulij.

Don't know - Beulah

100





